

# Luca

## Chĩc Atõng Parnai O Tẽ Yê-su

### Crĩt

## Santoiq Atõng

Luca cõt yóu ca põq parnoi cõp Phau-lô, ma án tở cõn cũai I-sarel. Luca chĩc loah tẽ máh ốc án khoiq sâng noau atõng tẽ ranáq Yê-su táq, cõp tẽ ốc Yê-su atõng. Án chĩc saráq nâi sám cumo 60 ntun Yê-su canõt.

Yê-su la manoaq ca Yiang Sursĩ khoiq ruroh yõn toáq chuai amoong cũai I-sarel cõp nheq tữh cũai tâng cõc cutẽq nâi. Luca chĩc atõng tẽ ốc bũi o ca Yê-su dũng atoáq pở cũai túh cadĩt. Án atõng tẽ muoi ranẽng Yiang Sursĩ toáq pở Mari, toáq pở tốp bán cũu, cõp toáq pở ping cumuiq bo Yê-su tamõng loah tẽ cuchĩt.

Luca chĩc sa-ũri ramứh ẽn tẽ máh saráq Mathia, Mac, cõp Yang tở bữn chĩc. Ramứh ki atõng tẽ Raviei Yiang Sursĩ, tẽ ốc câu sẽq, cõp tẽ máh mansẽm ca rachuai ranáq Yê-su.

<sup>1</sup> Ở achuaih Theu-phulo ơi! Bữn clũng cũai khoiq táq puai mút pahõm alóı dõq chĩc tẽ máh ranáq Yê-su. Máh parnai ki khoiq toáq pở hái chơ. <sup>2</sup> Máh cũai ki dáng tẽ ranáq Yê-su cõ alóı bữn sâng tẽ cũai ca lứq hữm án tẽ dâu. Chơ, cũai ki atõng máh parnai o ki yõn hái ẽn dáng. <sup>3</sup> Dâu lứq, cứq khoiq rien samoát samõi lứq tẽ

nheq máh ọc cũai ki atõng. Yuaq ngkiq, cứq yoc ẽ chĩc máh ọc ki yõn mới. <sup>4</sup> Cứq táq ngkiq ẽq mới dáng samoat samoi tẽ máh ọc noau khoiq atõng mới.

*Ranẽng Yiang Sursĩ Atõng Tẽ Yang Ca Táq Batẽm*

<sup>5</sup> Bo dõih Hê-rôt cõt puo tâng cruang Yudê, bữn manoaq tẽ tốp tẽng rit sang Yiang Sursĩ ramứh Sa-chari. Án la tẽ tống toiq Abia, la cũai tẽng rit sang Yiang Sursĩ tẽ mbỏq. Lacuoi Sa-chari ramứh Ê-li-sabet la tẽ tống toiq Arôn. <sup>6</sup> Alói bar náq nâi la cũai tanoang o yáng moat Yiang Sursĩ. Alói trĩh samoat samoi máh ọc Yiang Sursĩ patâp, cốp tở bữn noau têq tẽq alói táq lỏih. <sup>7</sup> Alói tở bữn bữn con, yuaq Ê-li-sabet la cũai cữt, cốp alói bar náq khoiq thâu hỡ.

<sup>8-9</sup> Tốp tẽng rit sang Yiang Sursĩ bữn rit tampẽq táq ranáq cõt tốp. Bữn muoi tangái tốp Sa-chari rườh Sa-chari na séng, yõn án mut tẽng rit sang yáng moat Yiang Sursĩ. Alói yõn án mut tacât crọng phuom tâng prông tâng clống Dống Sang Toâr. <sup>10</sup> Bo Sa-chari mut tacât crọng phuom, bữn cứng cũai ớt rôm câu yáng tiah. <sup>11</sup> Chơ bữn ranẽng Yiang Sursĩ tẽ paloõng toâq pỡ Sa-chari. Ranẽng ki tayứng coah atoam prông dóq noau tacât crọng phuom. <sup>12</sup> Toâq Sa-chari hữm ranẽng ki, án sâng dót lứq cốp án ngcõh. <sup>13</sup> Ma ranẽng ki atõng án neq: “Sa-chari oi! Mới chõi ngcõh ntróu. Yiang Sursĩ khoiq roap chơ santoiq mới câu. Ê-li-sabet, lacuoi mới, nõ-ra án canõt

muoi lám con samiang. Cóg anhia amúh con ki ramúh Yang. <sup>14</sup> Nỡ-ra mút pahõm mới sâng bũi ỡn lứq cổ nhơ mới bữn con samiang. Cóp cứng cũai sâng bũi tê toâq tangái con samiang ki canõt, <sup>15</sup> yuaq Yiang Sursĩ pasêq án clũi tể cũai canõh. Cóg án chõỉ nguaiq blõng sariau ntrứu. Cóp án bữn Raviei Yiang Sursĩ cõt sớt tâng mút pahõm án tể tangái mpiq án canõt án. <sup>16</sup> Nỡ-ra án táq yõn cứng lứq cũai I-sarel pích sa-âm loah Yiang Sursĩ, Ncháu alóỉ. <sup>17</sup> Nỡ-ra án bữn mút pahõm cốp chóc samoât Ê-li, la cũai tang bõq Yiang Sursĩ. Án pờq nhũang Ncháu. Án táq yõn mpoaq cốp con cõt loah muoi mút. Cóp án táq yõn alóỉ ca tỡ bữn trĩh ngê Yiang Sursĩ pích táq ranáq tanoang o ẽn. Án chuai máh cũai ralêq loah mút pahõm đõq Ncháu têq ndõm alóỉ.”

<sup>18</sup> Sa-chari blóh ranẽng ki neq: “Nỏq cứq têq dáng ỏc ki lứq p̄ieiq? Cứq cốp lacuoi cứq khoiq thâu chơ.”

<sup>19</sup> Ma ranẽng ki ta-õỉ án neq: “Ramúh cứq la Capriel. Cứq la ranẽng Yiang Sursĩ ca đõq tayúng yáng moat án. Án ỡn cứq toâq atõng yõn mới dáng tể ramúh o nâi. <sup>20</sup> Sanua mới cõt ngong toau toâq tangái máh ramúh nâi toâq, yuaq mới tỡ bữn noap parnai cứq. Ngư máh ramúh nâi toâq, ki santruoq ariang cứq khoiq pai.”

<sup>21</sup> Bo ki bữn cứng cũai ỡt acoan Sa-chari yáng tiah. Alóỉ sâng salẽh Sa-chari ỡt dũn tâng đõng sang ki. <sup>22</sup> Tỡ Sa-chari loõh, án tỡ têq táq ntõng muoi ỏc ntrứu. Ngkíq, alóỉ dáng án khoiq hữm

Yiang Sursĩ sapáh baih tâng đống sang, Cóp Sa-chari atởng alỏi toâq atĩ sâng, yuaq bỗq án táq ntởng tở luoh noâng.

<sup>23</sup> Moâm Sa-chari táq ranáq tâng đống sang, chơ án chu pở đống án. <sup>24</sup> Vớt máh tangái ki Ê-li-sabet lacuoi Sa-chari, ốt mumiaq. Chơ Ê-li-sabet ốt níc tâng đống, tở bữn pởq chu léq sám sỡng casâi. <sup>25</sup> Cóp án pai neq: “Sanua cứq bũi ỡn lứq Yiang Sursĩ yỗn cứq ốt mumiaq, yỗn cứq tở bữn casiet táq noâng yáng moat cũai canỏh cỗ cứq ốq con.”

### *Ranẻng Yiang Sursĩ Atởng Tẻ Sẻt Yẻ-su*

<sup>26</sup> Ê-li-sabet ốt mumiaq khoiẻ tapoát casâi chơ. Tâng casâi ki Yiang Sursĩ ỡn ranẻng án, Capriel, pỏq chu vil Na-sarẻt tâng cruang Cali-lẻ. <sup>27</sup> Án đửng parnai Yiang Sursĩ toâq pở manoaq cumửr ca tở nai bẻq cốp samiang yủah. Ramủh án la Mari. Mpiẻ mpoaq án khoiẻ par-ửẻq yỗn án racoaiẻ cốp manoaq ramủh Yỏ-sep. Yỏ-sep la tẻ tởng toiẻ Davít, la puo cũai I-sarel tẻ mbỏq. <sup>28</sup> Ranẻng Yiang Sursĩ ki toâq pở Mari, cốp án pai neq: “Bán tẻ Mari. Yiang Sursĩ lứq ốt cốp mới, cốp án yỗn mới bữn ốc bốn lứq!”

<sup>29</sup> Từ Mari sâng parnai ranẻng ki pai, án sâng đót cốp croỏq lứq. Án tở dáng ntrứu ranẻng ki ẻ pai chỏq án. <sup>30</sup> Ranẻng ki atởng án neq: “Mari ời! Mới chỏi ngỏh ntrứu, yuaq Yiang Sursĩ khoiẻ rườh mới yỗn bữn ốc bốn. <sup>31</sup> Tở bữn đửn mới ốt mumiaq; chơ mới canỏt muoi lám con samiang. Cỏq mới amủh án la Yẻ-su.

<sup>32</sup> Nờ-ra án cõt sốt, cốp noau đợc án la Con Yiang Sursĩ ca sốt clũi nheq tẽ canõh. Lứq Yiang Sursĩ, Ncháu hái, chớh yõn án cõt puo machớng achúc achiac án Davĩt tẽ mbớq tẽ. <sup>33</sup> Án lứq cõt puo máh tống toiq Yacốp mantái níc. Án cõt puo toau sốt nheq đõi!”

<sup>34</sup> Mari ta-õi ranẽng ki neq: “Nỏq tẽq ramứh nâi toâq pỡ cứq? Cứq tỡ yũah bẻq parnoi cốp cũai samiang alẻq?”

<sup>35</sup> Ma ranẽng ta-õi án neq: “Ntun nâi Raviei Yiang Sursĩ ỡt cốp mới. Cốp Yiang Sursĩ ca sốt clũi nheq tẽ canõh lứq kĩaq pasẻq níc mới. Ngkíq mới bữn con bráh o lứq. Noau đợc con mới la Con Yiang Sursĩ. <sup>36</sup> Mới sanhữ tẽ õi mới Ê-li-sabet. Án la cũai khoiq thâu chớ, cốp noau pai án la cũai cũt. Ma sanua án ỡt mumiaq muoi lám con samiang. Án ỡt mumiaq khoiq tapoât casâi chớ. <sup>37</sup> Yiang Sursĩ tẽq táq nheq đũ ranáq.”

<sup>38</sup> Chớ Mari ta-õi neq: “Cứq la cũai táq ranáq Yiang Sursĩ. Cứq sẻq máh ramứh mới pai yõn lứq toâq pỡ cứq.”

Vót ki ranẽng pỡq tẽ Mari.

### *Mari Pỡq Sa-ớh Ê-li-sabet*

<sup>39</sup> Tâng máh tangái ki, Mari thrũan pỡq chu muoi vil tâng dũal cóh pỡ cruang Yudê. Án pỡq cháit lứq ẻq yõn toâq pỡ vil ki. <sup>40</sup> Tũ án toâq, án mut tâng đống Sa-chari, cốp án cubán Ê-li-sabet. <sup>41</sup> Bo Ê-li-sabet sâng Mari cubán án, ngkíq con tâng púng án rachâu. Cốp Raviei Yiang Sursĩ cõt sốt tâng mút pahỡm Ê-li-sabet. <sup>42</sup> Chớ Ê-li-sabet

pai casang lúq neq: “Yiang Sursĩ lúq yõn mới bữn ọc bốn hỡn nheq tẽ mansẽm canõh! Cóp con cót cót tâng púng mới lúq bữn ọc bốn tê! <sup>43</sup> Yuaq nõq mpiq Ncháu cứq toâq sa-óh cứq? Ốc nâi la toâr lúq yõn cứq! <sup>44</sup> Bo cứq sâng parnai mới cubán cứq, con cót cót tâng púng cứq rachâu, yuaq án sâng bũi tê. <sup>45</sup> Bốn lúq mới, yuaq mới sa-âm máh parnai Yiang Sursĩ atõng mới lúq cõt rapĩeiq!”

*Mari Khẽn Yiang Sursĩ*

<sup>46</sup> Chơ Mari pai neq:

“Cứq khẽn Ncháu cứq nheq rangứh.

<sup>47</sup> Cóp mút pahõm cứq sâng bũi hỡr,  
yuaq Yiang Sursĩ la Yiang ca chuai amoong  
cứq.

<sup>48</sup> Cứq la cũai cót cót lúq táq ranáq án,  
ma nõng án nhêng cốp chuai cứq.

Tẽ sanua toau toâq ntun,  
dũ dõi cũai dõq cứq la cũai bữn ọc bốn,

<sup>49</sup> yuaq Yiang Sursĩ ca bữn chóc toâr lúq,  
táq ranáq o yõn cứq.

Ramứh án la bráh o lúq.

<sup>50</sup> Án ayooq táq máh cũai ca yám án,  
tẽ dõi mbỏq toau toâq dõi chumát.

<sup>51</sup> Án khoiq táq ranáq toâr lúq toâq atĩ án toâp.  
Cóp án khoiq tuih máh cũai ca chanchõm  
alói toâr hỡn cốp o hỡn tẽ cũai canõh.

<sup>52</sup> Alói ca sốt toâr, án khoiq táq yõn alói cõt tỡ  
bữn sốt nõng.

Ma alói ca cacót, án khoiq achõn alói cõt  
toâr.

- 53 Mách cũai ỏq, án khoi<sup>q</sup> yỗn alói bữn dũ crơng  
O.  
Ma máh alói ca sỏc, án yỗn alói chu atĩ miat.
- 54 Án tở bữn khlĩr máh ỏc parkhán án khoi<sup>q</sup>  
parkhán cớp achúc achiac hếq.  
Cớp án khoi<sup>q</sup> chuai máh cũai I-sarel ca táq  
ranáq án.
- 55 Án ayooq táq A-praham cớp máh tởng toi<sup>q</sup> A-  
praham mantái níc!”
- 56 Moâm Mari pai máh santoi<sup>q</sup> ki, chơ án ỏt  
cớp Ê-li-sabet bữn pái casâi. Vớt ki án chu loah  
pở đổng án.

### *Ê-li-sabet Sết Yang*

57 Chơ toâq ngư Ê-li-sabet sết con án, án sết  
muoi lám con samiang. 58 Mách cũai tâng vil ki,  
cớp máh sểm ai án khoi<sup>q</sup> sâng tể ranáq Yiang  
Sursĩ sarũiq táq Ê-li-sabet. Ngkíq, alói prum  
sâng bũi tê cớp Ê-li-sabet.

59 Toâq con cớt cớt ki bữn tacual tangái, alói  
pởq táq rit cứt yỗn con alói. Alói yoc ể amứh  
án la Sa-chari, tũoi<sup>q</sup> ramứh mpoaq án. 60 Ma  
mpiq án pai neq: “Tở bữn! Hái đởq ramứh án la  
Yang.”

61 Ma máh cũai ki pai neq: “Ma tâng sâu mới  
tở bữn noau bữn ramứh ngkíq!”

62 Chơ alói blớh mpoaq con ki toâq atĩ. Alói  
blớh án ntrứu án ể amứh con án. 63 Sa-chari sểq  
muoi khlểc pian cacót; chơ án chĩc tâng pian ki  
neq: “Ramứh án la Yang.”

Ngkíq nheq cũai ki sâng dớt lứq! 64 Bo ki  
toâp Sa-chari têq táq nởng loah, cớp án khễn

Yiang Sursĩ. <sup>65</sup> Mách cũai tâng vil ki sânq dót lứq. Cóp ranáq ki trởh la-ữt la-ữi dũ ntốq tâng máh dũal cóh tâng cruang Yudê. <sup>66</sup> Mách cũai ca sânq tễ ramứh ki, alóí cayóm đờq tâng mút, cóp manoaq blóh manoaq neq: “Carnễn nâi nỡ-ra án cõt nớq?” Yuaq Yiang Sursĩ lứq ớt cóp án.

*Sa-chari Khễn Yiang Sursĩ*

<sup>67</sup> Chơ Sa-chari mpoaq carnễn ki bữn Raviei Yiang Sursĩ cõt sốt tâng mút pahồm án. Ngkíq án atỡng parnai tễ Yiang Sursĩ neq:

<sup>68</sup> “Cóq hái khễn Ncháu hái,  
la Yiang Sursĩ cũai I-sarel sang.  
Lứq án toâq chuai máh cũai án,  
cóp án thái alóí tễ ốc lôih.

<sup>69</sup> Án yỗn manoaq ca bữn chớq lứq  
toâq chuai amoong hái.

Manoaq ki toâq tễ tống toiq puo Davĩt,  
la cũai táq ranáq Yiang Sursĩ.

<sup>70</sup> Nheq ramứh nâi Yiang Sursĩ khoiq atỡng tễ  
mbốq  
toâq máh cũai tang bớq án ca bráh o lứq.

<sup>71</sup> Án khoiq ữq ễ chuai hái yỗn vớt tễ cũai ễ táq  
hái,  
cóp tễ atĩ cũai kêt hái.

<sup>72</sup> Án khoiq ayooq táq achúc achiac hái.  
Cóp án tỡ nai khlĩr máh ốc án khoiq par-ữq  
tễ nhũang.

<sup>73</sup> Án khoiq parkhán cóp A-praham  
la achúc achiac hái,



- 74 cớp án ỹq neq: Án ẽ chuai hái  
yõn vớt tẽ atĩ cũai ẽ táq hái.  
Ngkíq, án yõn hái táq ranáq án,  
tở bữn ngcõh ntrớu;
- 75 cớp hái ớt tanoang o cớp bráh o yáng moat án  
nheq đỏi tamoong hái.
- 76 “Con cứq ơi! Nỡ-ra noau đợq mới  
la manoaq tang bõq Yiang Sursĩ, án ca sớt  
clũi nheq tẽ canõh,  
yuaq mới bữn pỡq nhũang Ncháu hái,  
cớp cháh rana yõn án.
- 77 Cớp mới lứq atõng yõn máh cũai án dáng,  
la Yiang Sursĩ táh lôih alới  
yõn án tẽq chuai amoong alới.
- 78 Yuaq Yiang Sursĩ hái sâng sarũiq táq,  
ngkíq án yõn manoaq ca án ruroh toâq pỡ  
hái,  
đợq chuai amoong cũai.
- 79 Cũai ki toâq tẽ paloõng,  
cớp án táq yõn máh cũai tở bữn ngcõh cuchĩt  
noâng.
- Cớp án ayông hái pỡq tâng rana ien khẽ.”
- 80 Ngkíq, con ki toâr achõn cớp mút pahõm án  
yoc lứq puai ngê Yiang Sursĩ. Án ớt tâng ntốq  
aiq toau toâq tangái án tabõq táq ranáq apáh  
yõn máh cũai I-sarel hữm.

## 2

*Sết Yê-su Crĩt  
(Mathia 1:18-25)*

<sup>1</sup> Mách tangái ki Acu-tơ la puo Rô-ma, cõt sôt nheq máh cruang mpêr ki. Ân ớn nheq tữh cũai pởq chĩc choaiq đống sũ, yuaq án yoc ẽ dánh máh léq cứng cũai proai án. <sup>2</sup> Nâi la trỗ dâu lứq noau noap cũai, bo Curê-nia cõt sôt pưn Acu-tơ tâng cruang Si-ri. <sup>3</sup> Nheq tữh cũai miar chu pở vil alóí, đởq chĩc ramứh tâng choaiq đống sũ tâng vil alóí bữm.

<sup>4</sup> Ngkíq Yô-sep loỏh tễ vil Na-sarết cruang Cali-lê. Ân pởq chu cruang Yudê, vil Bet-lahem, la Vil Davít. Ân mut vil nâi, yuaq án la tễ tống toiq Davít tê. <sup>5</sup> Ân ẽ chĩc ramứh choaiq đống sũ pở ki. Cóp án đứng dẻh Mari, la mansẻm noau ửq yỏn án táq lacuoi. Ma Mari khoiq ỏt mumiaq chơ. <sup>6</sup> Bo alóí ỏt pở ki, toâq ngư Mari ẽ khuop cumo. <sup>7</sup> Chơ án sẻt con samiang clúng. Ân a-ủl con ki toâq aroaiq, cóp chỏq án tâng cuaq bát, yuaq máh đống tâng vil ki khoiq tadát nheq cũai, tở bữn noâng ntỏq yỏn alóí bẻq.

<sup>8</sup> Bo ki bữn cũai tâng cruang ki ỏt bán charán cũu. Alóí ỏt kĩaq cũu tâng lẻng sadâu ki. <sup>9</sup> Bữn manoaq ranẻng Yiang Sursĩ tễ paloỏng toâq pở alóí. Cóp poang tễ Yiang Sursĩ claq pẻr alóí; chơ alóí sâng ngcỏh lứq. <sup>10</sup> Ranẻng ki pai chỏq alóí neq: “Chỏi ngcỏh! Cứq toâq atởng anhia muoi ramứh o cóp bủi ỏn lứq yỏn nheq tữh cũai. <sup>11</sup> Tangái nâi tâng Vil Davít, bữn manoaq khoiq sẻt chơ đởq chuai amoong anhia. Manoaq nâi la Crít; án la Ncháu hái. <sup>12</sup> Nâi la tẻc yỏn anhia: Anhia lứq ramỏh con sâu-sâu noau acuam toâq

aroaiq. An bẻq tâng cuaq bát.”

<sup>13</sup> Bo ki toáp bữn chửng lứq ranẻng Yiang Sursĩ ốt parnoi cốp ranẻng ki. Nheq tửh alói khẻn Yiang Sursĩ. <sup>14</sup> Alói pai neq: “Lứq khẻn Yiang Sursĩ ca ốt tâng paloỏng. An yỏn ọc ien khẻ toáp pở cốc cutẻq nài, la yỏn pở cũai Yiang Sursĩ sâng bủi pahỏm.”

<sup>15</sup> Tử nheq tửh ranẻng ki loỏh tẻ cũai bán cũu, chu loah tâng paloỏng, chơ cũai bán cũu manoaq radửng manoaq neq: “Hái! Hái pởq chu vil Bet-lahem. Hái nhẻng ranáq khoiủ toáủ chơ, ariang Yiang Sursĩ khoiủ atởng hái.”

<sup>16</sup> Chơ alói pởq cháủ lứq cốp toáủ toáp. Alói ramóh Mari, Yỏ-sep, cốp con. Con ki bẻq tâng cuaq bát. <sup>17</sup> Toáủ alói hửm ngkủq, chơ alói pởq atởng yỏn cũai canỏh dáng tẻ máh santoiủ alói khoiủ sâng tẻ con ki. <sup>18</sup> Dủ náq cũai ca tamửng parnai tốp bán cũu atởng, alói sâng dỏt lứq. <sup>19</sup> Ma Mari cayỏm đởq tâng mút án nheq ranáq nài. <sup>20</sup> Ngkủq cũai bán cũu, nỏn alói chu nỏn alói khẻn Yiang Sursĩ, yuaq máh ranáq alói khoiủ sâng cốp hửm la lứq samoat ãn noau atởng alói.

<sup>21</sup> Noap tẻ tangái con ki cởt bữn tacual tangái, alói táq rit cứt yỏn con alói puai phẻp rit cũai I-sarel. Tangái ki alói amủh con ki la Yỏ-su. Alói ãt ramủh ariang ranẻng Yiang Sursĩ khoiủ atởng alói bo Mari tở yủah ốt mumiaq.

*Yỏ-sep Cốp Mari Chiau Loah Yỏ-su Yỏn Yiang Sursĩ*

22 Vót ki Yô-sep cóp Mari dững con alói pở vil Yaru-salem đợc táq rit sambráh puai phếp rit Mòi-se khoi q atỡng cóp ẽ chiau sang con alói yỗn Yiang Sursĩ. 23 Yuaq Yiang Sursĩ patáp cũai I-sarel tể mbốq neq:

“Dũ náq con samiang clúng cóq anhia dững chiau sang yỗn Yiang Sursĩ.” ☆

24 Cóp alói yoc ẽ chiau sang crợng yỗn Yiang Sursĩ hỡ, yuaq Yiang Sursĩ patáp cũai I-sarel neq: “Moâm mansẽm bẻq tapéh cóq án dững muoi cáp chớm tariap tở la bar lám chớm tapâr con pở đợng sang.” ☆

### *Si-mê-ôn Khễn Yiang Sursĩ*

25 Bữn manoaq samiang tâng vil Yaru-salem ramứh Si-mê-ôn. Án la cũai tanoang o, cóp án trĩh samoât samỡi lứq ngê Yiang Sursĩ. Án nguang níc tangái Yiang Sursĩ yỗn manoaq toa q chuai amoong cũai I-sarel. Raviei Yiang Sursĩ ốt níc cóp Si-mê-ôn. 26 Cóp Raviei Yiang Sursĩ atỡng yỗn án dáng án tở bữn cuchĩt tể nhũang án tở yũah hữm Crĩt, án ca Yiang Sursĩ rượh đợc chuai amoong cũai. 27 Tangái ki Raviei Yiang Sursĩ dững Si-mê-ôn mut tâng Đợng Sang Toâr. Bo ki mpiq mpoaq Yê-su dững Yê-su pở Đợng Sang Toâr cõ ẽ puai phếp rit I-sarel. 28 Si-mê-ôn ỉt ca-ữ con ki cóp án sa-ỡn Yiang Sursĩ neq:

☆ 2:23 2:23 Loỏh Tể Ê-yip-tô 13:2, 12 ☆ 2:24 2:24 Lê-vi 12:8

29 “Yiang Sursĩ ơi! Khoiƣ toâƣ chơ ranáƣ anhia ỹƣ cốp cứƣ. Sanua khân anhia yõn cứƣ ca táƣ ranáƣ anhia cuchĩt, la cứƣ sâng bũi lứƣ, 30 yuaƣ moat cứƣ khoiƣ hũm chơ án ca anhia rươh yõn chuai amoong cũai. 31 Ranáƣ nâi anhia thữan yáng moat nheƣ tửh cũai. 32 Án la samoât aroam abal rana yõn máh cũai tở cởn cũai I-sarel. Nho án, nheƣ tửh cũai bữn khễn cũai I-sarel.”✧

33 Mpiƣ mpoaƣ Yê-su sâng dớt lứƣ tễ sântoiƣ Si-mê-ôn pai tễ con alói. 34 Chơ Si-mê-ôn câu sễƣ ốƣ bốn yõn alói, cốp án atởng Mari la mpiƣ Yê-su neƣ: “Con mới nâi, Yiang Sursĩ khoiƣ rươh án yõn sa-ũĩ náƣ cũai I-sarel tềƣ ốt cheƣ loah Yiang Sursĩ nho tễ án, cốp yõn sa-ũĩ náƣ cũai I-sarel ốt yớng tễ Yiang Sursĩ la cở tễ án. Án ẽ apáh ngê Yiang Sursĩ yõn máh cũai dáng. Ma lứƣ bữn cứng cũai ẽ ayê ra-ac án. 35 Máh ốƣ noau cutooƣ đốƣ tâng mút pahỏm, nỡ-ra máh ốƣ ki cởt mpáh nheƣ. Cốp bữn ốƣ ngua toâƣ pở mới samoât pla coih tacáh tâng pahỏm mới.”

36 Bữn manoaƣ ayoaƣ thâu ễn toâƣ pở ki, ramứh Ana, con Pha-nual, tốp Asêr. Án la cũai tang bởƣ Yiang Sursĩ tê. Tễ nhũang, án bữn cayac, cốp án ốt cốp cayac án tapul cumo. 37 Moâm ki án ốt cumai. Ma bo ki án khoiƣ tacual chít la pỏn cumo chơ. Án tở nai loỏh tễ Đốƣng Sang Toâr. Tangái cốp sadâu án ốt sang níc Yiang Sursĩ. Án đốƣ câu cốp ót sana.

---

✧ 2:32 2:32 Ê-sai 42:6; 49:6; 52:10

<sup>38</sup> Bo ki toâp ayoaq nâi mut chu ntốq mpiq mpoaq Yê-su ốt. Án sa-ốn Yiang Sursĩ, cốp án atống tể con nâi chốq máh cũai ca ốt nguang manoaq ca Yiang Sursĩ rươh yốn toâq acláh vil Yaru-salem.

<sup>39</sup> Moâm mpiq mpoaq Yê-su táq nheq máh ramúh puai phếp rit Yiang Sursĩ khoiq patáp cũai I-sarel, chơ alói chu loah pỡ dống alói tâng vil Na-sarết, cruang Cali-lê. <sup>40</sup> Yê-su toâr achốn cốp cốt bán rêng. Án rangoaiq lứq. Cốp Yiang Sursĩ yốn án bữn ốc bốn sa-ũi.

### *Bo Anhúq Yê-su Muoi Chít La Bar Cumo*

<sup>41</sup> Dũ cumo mpiq mpoaq Yê-su đốq pỡq pỡ vil Yaru-salem đốq cha bũi sanhữ Tangái Loồh.\*

<sup>42</sup> Toâq Yê-su bữn muoi chít la bar cumo, alói pỡq sĩa puai rit cha bũi tâng vil Yaru-salem. <sup>43</sup> Moâm tangái cha bũi, alói pỡq ể chu loah pỡ dống. Ma Yê-su noâng ốt loah tâng vil Yaru-salem. Mpiq mpoaq án tỡ bữn dáng án ốt loah. <sup>44</sup> Alói chanchốm Yê-su chu cốp yóu ca pỡq parnoi. Ngkíq alói pỡq nheq muoi tangái. Toâq sadâu alói chuaq blóh máh sểm ai cốp yóu tể vil alói.

<sup>45</sup> Ma alói tỡ ramóh Yê-su. Ngkíq alói pính loah pỡ vil Yaru-salem, cốp chuaq Yê-su pỡ ki. <sup>46</sup> Vót pái tangái alói ramóh án tâng Dống Sang Toâr. Án tacu parnoi cốp tốp thâi atống tể phếp rit cũai I-sarel. Án tamứng cốp blóh alói. <sup>47</sup> Máh cũai ca tamứng, alói sâng dốt án ta-ũi rangoaiq

---

\* **2:41** 2:41 Tangái ki alói sanhữ tangái Yiang Sursĩ chuai yốn alói loồh tể cruang Ê-yip-tô tể mbốq.

lúq. <sup>48</sup> Toâq mpiq mpoaq Yê-su hũm án ngki, alóí sâng dót lúq. Mpiq án pai chóq án: “Con ơi! Nỏq con táq nneq chóq hếq? Mpoaq mới cớp cớq hớí sâng chuaq mới.”

<sup>49</sup> Yê-su ta-õi alóí neq: “Cỗ nỏq anhia chuaq cớq? Nỏq anhia tở bữn dáng cớq cóq ốt tâng đống Mpoaq cớq?”

<sup>50</sup> Ma alóí tở bữn sapúh santoiq con alóí pai.

<sup>51</sup> Chơ Yê-su chu cớp mpiq mpoaq án pở vil Nasarết. Cớp án têq nheq máh parnai mpiq mpoaq án atõng. Ma mpiq án cayóm đởq tâng mút nheq máh ramứh nâi. <sup>52</sup> Tở Yê-su toâr achõn, án cõt rangoiq lúq ẽn. Cớp máh ranáq án táq la o achõn ẽn yáng moat Yiang Sursĩ cớp yáng moat cũai hỡ.

### 3

#### *Atõng Tẽ Ranáq Yang Táq (Mathia 3:1-12; Mac 1:1-8; Yang 1:19-28)*

<sup>1</sup> Bo ki Tuber-rơ la puo Rô-ma, cõt sớt cruang ki khoiq muoi chít la sỡng cumo chơ. Pon-ti Phi-lat cõt sớt pữn Tuber-rơ tâng cruang Yudê. Hê-rôt cõt sớt tâng cruang Cali-lê. Phi-lip, a-ẽm Hê-rôt, cõt sớt tâng cruang I-turê cớp Tra-canit; cớp Lisanía cõt sớt tâng cruang Abi-lên. <sup>2</sup> An-na cớp Cai-pha ndõm nheq tẽ rit sang Yiang Sursĩ. Bo ki parnai Yiang Sursĩ toâq pở Yang, con samiang Sa-chari, bo án ốt tâng ntốq aiq. <sup>3</sup> Yang pởq pau atõng tâng nheq cruang pẽr crõng Yôr-dan tẽ ranáq táq batẽm. Batẽm nâi la táq tếc cũai khoiq ngin lôih lêq cõt mút tamái ẽn, đởq Yiang Sursĩ

tách lôih yõn alóí. <sup>4</sup> Án táq machóng Ê-sai la cũi tang bõq Yiang Sursĩ khoiq chĩc tẽ mbõq neq:

“Bữn sường sabau atõng casang tẽ ntõq aiq neq:

‘Cóg anhia atúc rana yõn Ncháu hái.

Cháh báng yõn tanoang rana yõn án põq.

<sup>5</sup> Mách prúng hõng tâng rana,

cóg anhia cuból yõn poân.

Cóp neq cóh cốp dũal

cóg anhia táq yõn tapín.

Mách rana cooc véc,

cóg anhia báng yõn tanoang.

Cóp máh rana rahíc-rahõc,

cóg anhia puon yõn li loah.

<sup>6</sup> Ngkíq, dũ náq cũi têq hũm cốp dáng

Yiang Sursĩ lứq chuai amoong cũi!’”<sup>✧</sup>

<sup>7</sup> Bữn clứng cũi toâq pữ Yang yoc án táq

batẽm yõn alóí. Án atõng alóí neq: “Anhia la

pla ariang cusân tur. Anhia tữ têq viaq vót tẽ

Yiang Sursĩ táq anhia toâq án táq máh cũi lôih

tâng tangái parsót. <sup>8</sup> Cóg anhia táq ranáq o. Nâi

la tếc anhia khoiq ngin lôih lêq cõt mút tamái

ẽn. Chõĩ chanchóm anhia têq viaq vót tẽ tõt cõ

anhia pai neq: ‘A-praham la achúc achiac hẽq.’

Cứq atõng anhia samoât lứq, khân Yiang Sursĩ

yoc, têq án ít tamáu, chơ tẽng cõt tống toiq A-

praham! <sup>9</sup> Sanua ariang pai bữn muoi pla achât

payư cheq nỡm aluang. Nỡm aléq ma tữ bữn cõt

palâi o, noau ẽ tamư, chơ sarpút tâng ùih.”

<sup>10</sup> Chơ máh cũi ki blóh Yang neq: “Khân

ngkíq, ntrầu hẽq cóq táq?”

✧ 3:6 3:6 Ê-sai 40:3-5



11 Yang ta-õi alói neq: “Aléq bữn bar ploah au, cóq án yỗn cũai ca ỏq au. Aléq bữn crong sana, cóq án táq machóng ki tê.”

12 Bữn máh cũai parôm práq thềq toâq pỡ Yang yoc án táq batêm yỗn alói. Alói blóh neq: “Thâi ỏi! Ntróu hếq cóq táq?”

13 Yang atống alói neq: “Anhia chỏi ít práq thềq luat ngư.”

14 Cớp máh tahan blóh tê neq: “Ma hếq, ntróu hếq cóq táq?”

Yang atống alói neq: “Anhia chỏi ếp cũai canõh cóq yỗn anhia práq, cớp chỏi cauq apót cũai canõh. Anhia chỏi chanchóm ẽ bữn práq hỡn tể práq casâi anhia.”

15 Toâq cũai cứng sâng máh santoiq Yang atống, alói ỏt nguang chanchóm tể Yang, án la Crít ma tỡ bữn. 16 Yang atống alói neq: “Cứq táq batêm yỗn anhia na dỡq. Ma án ca toâq ntun cứq, án ki bữn chóc clũi tể cứq. Cứq tỡ bữn dũ chóc dếh leh cansái cớp tể ayũng án, yuaq chóc cứq cacót hỡn tể án. Án lứq táq batêm yỗn anhia na Raviei Yiang Sursĩ cớp na ùih. 17 Atĩ án yống taving dỏq ùm nheq tữh saro. Aléq ca chong, ki án dỏq tâng sanic. Ma aléq ca hũat, ki án apống tâng ùih blữ tỡ nai pát, yỗn cat nheq.”

18 Chơ Yang atống sa-ũi santoiq canõh ễn yỗn cũai ki dáng parnai o tể Yiang Sursĩ. 19 Ma Yang tểq puo Hê-rôt, cớ án khoiq ít Hê-rô-dia, lacuoi a-ễm án. Cớp Hê-rôt khoiq táq ranáq sâuq canõh

hỡ. <sup>20</sup> Cóp noâng án táq sâuq palúq ẽn, cõ án chỏq Yang tâng cuaq.

*Yang Táq Batẽm Yõn Yê-su*  
(*Mathia 3:13-17; Mac 1:9-11*)

<sup>21</sup> Bo Yang táq batẽm yõn máh cũai ki, chơ án táq yõn Yê-su ẽn. Từ Yê-su câu, paloõng cõt ariang noau pớh, <sup>22</sup> cóp bữn Raviei Yiang Sursĩ sễng tễ paloõng ariang chớm tariap, chơ póc tâng tỗ Yê-su. Cóp bữn sương Yiang Sursĩ sabau atõng tễ paloõng neq: “Mới la Con cứq, án ca cứq ayooq lứq. Ntróu mới táq, la cứq bũi lứq.”

*Atõng Tễ Achúc Achiac Yê-su*  
(*Mathia 1:1-17*)

<sup>23</sup> Bo Yê-su tabỏq táq ranáq án bữm, án bữn sám pái chít cumo. Puai ngê cũai, Yê-su la con samiàng Yô-sep. Cóp Yô-sep la con samiàng He-li. <sup>24</sup> He-li la con samiàng Mathat. Mathat la con samiàng Lê-vi. Lê-vi la con samiàng Mêl-ki. Mêl-ki la con samiàng Yanê. Yanê la con samiàng Yô-sep. <sup>25</sup> Yô-sep la con samiàng Ma-tathia. Ma-tathia la con samiàng Amôt. Amôt la con samiàng Nahum. Nahum la con samiàng E-sali. E-sali la con samiàng Nakê. <sup>26</sup> Nakê la con samiàng Mat. Mat la con samiàng Ma-tathia. Ma-tathia la con samiàng Samên. Samên la con samiàng Yô-séc. Yô-séc la con samiàng Yô-da. <sup>27</sup> Yô-da la con samiàng Yô-anan. Yô-anan la con samiàng Rê-sa. Rê-sa la con samiàng Saru-babel. Saru-babel la con samiàng Sial-tiel. Sial-tiel la con samiàng Nari. <sup>28</sup> Nari la con

samiang Mêl-ki. Mêl-ki la con samiang Adi. Adi la con samiang Cusam. Cusam la con samiang El-madan. El-madan la con samiang E-rơ. <sup>29</sup> E-rơ la con samiang Yô-sũa. Yô-sũa la con samiang E-lia-se. E-lia-se la con samiang Yô-rim. Yô-rim la con samiang Mathat. Mathat la con samiang Lê-vi. <sup>30</sup> Lê-vi la con samiang Si-mê-ôn. Si-mê-ôn la con samiang Yuda. Yuda la con samiang Yô-sep. Yô-sep la con samiang Yô-nam. Yô-nam la con samiang Alia-kim. <sup>31</sup> Alia-kim la con samiang Malia. Malia la con samiang Me-na. Me-na la con samiang Ma-tatha. Ma-tatha la con samiang Nathan. Nathan la con samiang Davit. <sup>32</sup> Davit la con samiang Yê-sai. Yê-sai la con samiang Ô-bêt. Ô-bêt la con samiang Bô-at. Bô-at la con samiang Sal-môn. Sal-môn la con samiang Nasôn. Nasôn la con samiang Ami-nadap. <sup>33</sup> Ami-nadap la con samiang At-min. At-min la con samiang Arni. Arni la con samiang Hê-trôn. Hê-trôn la con samiang Pharêt. Pharêt la con samiang Yuda. <sup>34</sup> Yuda la con samiang Yacóp. Yacóp la con samiang I-sac. I-sac la con samiang A-praham. A-praham la con samiang Thara. Thara la con samiang Nahor. <sup>35</sup> Nahor la con samiang Sê-ruc. Sê-ruc la con samiang Rêu. Rêu la con samiang Pê-léc. Pê-léc la con samiang Ê-bêr. Ê-bêr la con samiang Sê-lah. <sup>36</sup> Sê-lah la con samiang Cai-nan. Cai-nan la con samiang Apac-sat. Apac-sat la con samiang Sem. Sem la con samiang Nô-ê. Nô-ê la con samiang Lamec. <sup>37</sup> Lamec la con samiang Mê-thu-sala. Mê-thu-sala la con samiang Ê-nóc. Ê-nóc la con samiang

Yaret. Yaret la con samiang Maha-lalê. Maha-lalê la con samiang Kê-nan. <sup>38</sup> Kê-nan la con samiang Ê-nôih. Ê-nôih la con samiang Sê. Sê la con samiang Adam. Cóp Adam la con samiang Yiang Sursĩ.

## 4

### *Yiang Satan Radững Yê-su Táq Lôih (Mathia 4:1-11; Mac 1:12-13)*

<sup>1</sup> Tữ Yê-su chu tễ crông Yôr-dan, Raviei Yiang Sursĩ cõt sớt tâng mút pahõm án. Raviei ki dững án põq chu ntõq aiq. <sup>2</sup> Ớt ngki, yiang Satan, án ca sớt nheq yiang sâuq toâq chim Yê-su, nheq põn chít tangái põn chít sadâu, án yoc radững Yê-su táq lôih. Nheq máh tangái ki, Yê-su tở bữn cha ntrúu. Vót ki, án sâng panhieih.

<sup>3</sup> Yiang Satan pai chók Yê-su neq: “Khân mới lứq Con Yiang Sursĩ, âu mới táq tamáu nâi yõn cõt crong sana.”

<sup>4</sup> Ma Yê-su ta-õi loah neq: “Tâng tâm saráq Yiang Sursĩ khoiq chĩc neq: ‘Cũai tở bữn tamoong cõ nhơ tễ cha crong sana sâng.’ ”<sup>☆</sup>

<sup>5</sup> Chơ yiang Satan dững Yê-su chõn tâng cóh. Án sapáh yõn Yê-su nhêng muoi carbéh moat máh cruang tâng cõc cutẽq nâi. <sup>6</sup> Cóp yiang Satan pai neq: “Lứq cứq yõn mới sớt nheq tữh cruang nâi, cóp cứq yõn mới bữn máh sanốc tâng cruang nâi, yuaq noau khoiq yõn cứq ndõm dũ cruang nâi. Aléq cứq yoc ẽ yõn, ki têt cứq

<sup>☆</sup> 4:4 4:4 Patâp Loah 8:3

yỗn. <sup>7</sup> Khân mới sacốh racól sang cứq, cứq chiau nheq yỗn mới.”

<sup>8</sup> Ma Yê-su ta-õi loah neq: “Tâng tâm saráq Yiang Sursĩ khoiq chĩc neq chơ:

‘Cóq anhia sang toam Yiang Sursĩ la Ncháu anhia,

cóp táq ống ranáq án sâng.’ ”✧

<sup>9</sup> Chơ yiang Satan dững Yê-su mut tâng vil Yaru-salem. Án yỗn Yê-su chõn tayúng tâng anũol Dống Sang Toâr. Cóp án pai neq: “Khân mới lứq Con Yiang Sursĩ, âu mới pống asẽng,

<sup>10</sup> yuaq tâm saráq Yiang Sursĩ khoiq chĩc neq:

‘Yiang Sursĩ lứq ớn máh ranẽng án tẽ paloong bán kĩaq níc mới.

<sup>11</sup> Alói lứq dờ mới toâq atĩ alói,

tõ yỗn ayũng mới cõt bớc chũl ntróu tâng tamáu.’ ”✧

<sup>12</sup> Ma Yê-su ta-õi loah neq: “Tâng tâm saráq Yiang Sursĩ khoiq pai neq tẽ:

‘Anhia chõi chim Yiang Sursĩ la Ncháu anhia.’ ”✧

<sup>13</sup> Moâm yiang Satan chim Yê-su dũ ramúh, chơ án loõh tẽ Yê-su, acoan toâq tangái ntun.

### *Yê-su Atõng Tâng Vil Na-sarẽt*

*(Mathia 4:12-17; 13:53-58; Mac 1:14-15; 6:1-6)*

<sup>14</sup> Chơ Yê-su chu pở cruang Cali-lê, cóp án bữn chóc tẽ Raviei Yiang Sursĩ. Cóp dũ ntóq mpễ ki noau sâng han tẽ án. <sup>15</sup> Yê-su atõng tâng dống sang tâng cruang ki, cóp dũ náq cũai ốt ngki khẽn án.

✧ **4:8** 4:8 Patâp Loah 6:13 ✧ **4:11** 4:11 Ủat Khẽn 91:11-12

✧ **4:12** 4:12 Patâp Loah 6:16

16 Chơ Yê-su pởq chu vil Na-sarêtt, la vil án ốt tể bo án noâng carnễn. Tâng Tangái Rlu án mut tâng đống sang, samoât án đốq táq tể nling. Án tayúng ễ doc tể parnai Yiang Sursĩ yáng moat máh cũai tâng đống sang. 17 Bữn cũai avoi án tâm saráq Ê-sai, la cũai tang bởq Yiang Sursĩ, khoiq chĩc tể mbởq. Yê-su pởh saráq ki, cớp chuaq ntốq Ê-sai chĩc neq:

18 “Yiang Sursĩ yỗn Raviei án cốt sốt tâng mút pahỗm cứq,  
yuaq án khoiq ruoh cớp chớh cứq  
đốq atỡng parnai o tể Yiang Sursĩ yỗn cũai cadĩt.

Án khoiq ớn cứq pởq atỡng máh cũai tũ yỗn tềq bữn racláh;

cớp máh cũai sũt yỗn alóit cốt blang loah.

Án ớn cứq chuai máh cũai ca tanhĩr ốc túh coat, yỗn alóit ốt ien khễ.

19 Cớp án yỗn cứq atỡng tể cumo Yiang Sursĩ toáq chuai amoong cũai!”☆

20 Moâm Yê-su doc máh santoiq ki, chơ án catúp cớp avoi loah yỗn cũai táq ranáq tâng đống sang ki, chơ án tacu. Dũ náq cũai tâng đống sang ki, alóit cloân chu Yê-su. 21 Án atỡng alóit neq: “Máh santoiq anhia sâng cứq doc tể tâm saráq Yiang Sursĩ, santoiq ki cốt santruoq cớp tangái nãi.”

22 Chơ máh cũai táq ntỡng o tể Yê-su, cớp alóit sâng dốt lứq máh santoiq án pai ểm o lứq.

---

☆ 4:19 4:19 Ê-sai 61:1-2

Alói, manoaq blóh manoaq neq: “Cũai nâi la con samiang Yô-sep, ma tở bữn?”

<sup>23</sup> Yê-su atỡng alói neq: “Cõh lơ anhia ãt parnai sacâm ẽ pai cứq neq: ‘Cũai đốq tahâu ơi! Ấu mới tahâu tở mới bữm.’ Cóp cõh lơ anhia chanchõm ẽ pai cứq neq: ‘Hếq khoi q sâng chơ tể máh ranáq salễh mới táq tâng vil Cabê-na-um. Ma sanua hếq sễq mới táq machõng ki tê tâng vil mới.’ ”

<sup>24</sup> Yê-su atỡng ẽn neq: “Cứq atỡng anhia samoât lứq, máh cũai õt muoi vil cóp cũai tang bõq Yiang Sursĩ, alói tở bữn yám noap cũai tang bõq ki. <sup>25</sup> Cóp cứq atỡng anhia samoât lứq neq: tâng dõĩ Ê-li bữn sa-ũĩ cán cumai tâng cruang I-sarel, bo paloõng tở bữn mia nheq pái cumo tapoât casâi. Ngkíq máh cũai tâng cruang ki cõt panhieih lứq, ốq crõng sana cha. <sup>26</sup> Ma Yiang Sursĩ tở bữn ớn Ê-li pỡq chu cán cumai tâng cruang I-sarel. Án ớn Ê-li pỡq chu muoi noaq cán cumai tâng vil Sarê-phat, cheq cóp vil Sadôn. <sup>27</sup> Ê-li-sa la cũai tang bõq Yiang Sursĩ tê. Tâng dõĩ án, bữn sa-ũĩ náq cũai a-ĩ tut tâng cruang I-sarel. Ma bữn ớng manoaq cũai a-ĩ tut tể cruang Si-ri, ramứh Naman, cõt bán.”

<sup>28</sup> Toâq máh cũai tâng đõng sang sâng Yê-su pai ngkíq, alói sâng nsóq lứq chóq Yê-su. <sup>29</sup> Alói yuor tayứng muoi prớh, chơ alói sadõh Yê-su tể đõng sang cóp đứng án chu yáng tiah vil. Vil alói õt tâng cóh. Alói đứng Yê-su pỡ leh tarhar ẽ cutól án tể parlõ leh ki. <sup>30</sup> Ma Yê-su pỡq tamblõc chíq mpứng dĩ cũai chứng ki, chơ luoiq loõh vớt tể tộp alói.

*Yê-su Táq Bán Cũai Bữn Yiang Sâuq  
(Mac 1:21-28)*

<sup>31</sup> Moâm ki Yê-su pǝq chu vil Cabê-na-um, cruang Cali-lê. Tâng Tangái Rlu án atǝng máh cũai tâng vil ki. <sup>32</sup> Máh cũai ki sâng dót lǝq tể parnai án atǝng, yuaq án atǝng ariang cũai bữn chóc lǝq. <sup>33</sup> Tâng dǝng sang ki bữn manoaq samiang bữn yiang sâuq payóh. Án hể casang lǝq neq: <sup>34</sup> “Nǝq anhia ể táq hểq, Yê-su tể vil Nasarêt? Anhia toâq pǝ nâi ể cachit hểq tǝ? Cúq saccoal anhia la toâq tể Yiang Sursĩ, cǝp anhia la án ca bráh o lǝq.”

<sup>35</sup> Yê-su sǝoq yiang sâuq neq: “Chǝi tabǝq! Mǝi loǝh chíq tể tể cũai nâi!”

Yiang sâuq carvút tǝng-tooc cũai ki yáng moat nheq tữh cũai, chǝ án loǝh cǝp tǝ bữn táq bǝc chũl ntrǝu cũai ki. <sup>36</sup> Máh cũai ca hữm ngkíq, alǝi sâng dót lǝq, chǝ manoaq blǝh manoaq neq: “Santoiq ntrǝu ma liaq lǝq án atǝng? Cũai nâi bữn chóc têq tuih aloǝh yiang sâuq tể tể cũai, cǝp yiang sâuq trĩh án!”

<sup>37</sup> Chǝ parnai noau táq ntǝng tể Yê-su trǝh parhan dũ ntǝq tâng máh vil ki.

*Yê-su Táq Bán Chũng Cũai A-ĩ  
(Mathia 8:14-17; Mac 1:29-34)*

<sup>38</sup> Yê-su loǝh tể dǝng sang, chǝ mut tâng dǝng Si-môn ể. Yacán Si-môn bữn a-ĩ cutâu tǝ hâp lǝq. Chǝ alǝi sểq Yê-su táq bán yacán Si-môn. <sup>39</sup> Yê-su tayǝng cheq ayoaq ki cǝp sǝoq ốc a-ĩ ki. Chǝ ayoaq ki cǝt bán loah, têq án yuor táq sana yǝn tamoi cha.



<sup>40</sup> Toâq mandang ngêť chơ, noau dững atoâq pơ Yê-su cứng cũai bữn sa-ữi ramứh a-ĩ. Án satoaq atĩ tâng tỗ nheq máh cũai ki yỗn cõt bán.

<sup>41</sup> Án tuih yiang sâuq yỗn loỏh tễ máh tỗ cũai hỡ. Yiang sâuq ki hể cốp pai neq: “Anhia la lứq Con Yiang Sursĩ!”

Yê-su sươq yiang sâuq ki chỗi tabỗq, yuaq alới dáng chơ án la Crít, án ca Yiang Sursĩ rườh dồq chuai amoong cũai.

*Yê-su Pỡq Atỡng Tâng Ntốq Cũai I-sarel Ớt  
(Mac 1:35-39)*

<sup>42</sup> Poang tarựp mbỡiq rừm-rừm Yê-su loỏh tễ vil ki. Chơ án pỡq chu ntốq aiq. Bữn cứng cũai chuaq án, cốp bo alới ramóh án, alới sễq án chỗi loỏh tễ vil alới. <sup>43</sup> Ma Yê-su atỡng alới neq: “Cứq cốp pỡq atỡng parnai o tễ Yiang Sursĩ táq sốt yỗn vil canỏh dáng tê. Mpoaq cứq ớn cứq toâq pỡ nâi la cỗ tễ ranáq ki.”

<sup>44</sup> Ngkíq Yê-su atỡng tâng máh đống sang chũop cruang Yudê.

## 5

*Yê-su Arô Tỗp Cũai Rien Tễ Án  
(Mathia 4:18-22; Mac 1:16-20)*

<sup>1</sup> Bữn muoi tangái Yê-su tayứng cheq tor dồq clóng Canê-saret.\* Bữn cứng cũai, manoaq ranêť manoaq, yoc ễ ớt cheq Yê-su cốp tamứng án atỡng parnai Yiang Sursĩ. <sup>2</sup> Yê-su hữm bar

---

\* **5:1** 5:1 Dồq clóng Canê-saret la machớng clóng Cali-lê.

lám tuoc cheq tor dõq. Cũai dõq chuaq sĩaq khoiq dõq tuoc bân ki. Chơ alõi pooh alieiq. <sup>3</sup> Yê-su chõn tâng tuoc Si-môn. Cốp án ớn Si-môn loõh bĩq yõn vót tễ tor. Yê-su tacu tâng tuoc, chơ án atõng máh cũai ca õt tâng tor.

<sup>4</sup> Moâm án atõng, án ớn Si-môn neq: “Âu mới voah aloõh tuoc mới chu n্তóq dõq yarũ. Chơ anhia ruai alieiq.”

<sup>5</sup> Si-môn ta-õi án neq: “Thâi ơi! Hếq khoiq táq nheq sadâu, ma tở bữn chuat ntróu. Ma khân thâi ớn, ki cứq lữq ruai alieiq.”

<sup>6</sup> Chơ alõi ruai alieiq, cốp bữn sĩaq chuat sa-ũri lữq, cheq ễ raháq alieiq. <sup>7</sup> Alõi cuvoiq cốp sabau yóu tễ tuoc canõh, yõn lệc sĩaq chuai alõi. Yóu ki toâq chuai, cốp alõi chóq sĩaq poân tâng bar lám tuoc, táq yõn tuoc mán ễ dóp. <sup>8</sup> Tữ Si-môn Phi-er hữm ranáq ki, án sacõh racól yáng moat Yê-su, cốp án pai neq: “Sễq Ncháu pang yong tễ cứq, yuaq cứq la cũai lôih!”

<sup>9</sup> Si-môn cốp yóu án sâng dót lữq cõ bữn sĩaq sa-ũri. <sup>10</sup> Yacõ cốp Yang, la con samiang Sê-badê, sâng dót tê hữm sĩaq sa-ũri. Alõi la ndõm tê cốp Si-môn tuoc ki. Yê-su atõng Si-môn neq: “Chõi ngcõh ntróu. Tễ nâi chumat, mới lữq chuaq cũai canõh samoât mới chuaq sĩaq nâi tê.”

<sup>11</sup> Chơ alõi pái náq ti achõn tuoc alõi tâng cóh. Alõi táh nheq cu ramứh, chơ puai Yê-su.

*Yê-su Táq Bán Cũai A-ĩ Tut  
(Mathia 8:1-4; Mac 1:40-45)*

<sup>12</sup> Bo Yê-su ốt tâng muoi vil ki, án ramóh samiang a-ĩ tut hâp lứq. Toâq cũai ki hữm Yê-su, án cucốh ap tâng cutểq yáng moat Yê-su. Án sểq tể Yê-su neq: “Ncháu ơi! Khôn Ncháu yoc, Ncháu têq táq yỗn cứq cốt bán.”

<sup>13</sup> Yê-su aloỏh aĩ satoaq tâng tỗ cũai a-ĩ ki. Án pai neq: “Cứq yoc. Yỗn mới cốt bán!”

Bo ki toâp cũai ki cốt bán thánq a-ĩ tut.

<sup>14</sup> Yê-su patâp án neq: “Chỗi atởng yỗn cũai canỏh dáng tể ranáq nâi. Ma cóq mới pỡq apáh tỗ mới yỗn máh cũai tểng rit sang Yiang Sursĩ nhêng. Chơ mới chiau sang crơng yỗn Yiang Sursĩ samoât Mũi-se khoi q patâp tể nhũang. Nâi la tểc yỗn cũai canỏh dáng mới khoi q cốt bán chơ.”

<sup>15</sup> Ma ranáq Yê-su táq yỗn cũai ki cốt trởh la-ủt la-ủi. Clứng cũai toâq tamứng parnai án atởng, cóp alói sểq án táq bán máh ramứh alói a-ĩ.

<sup>16</sup> Ma Yê-su đốq loỏh tể ntốq cũai ốt, chơ pỡq câu pỡ ntốq parhể.

*Yê-su Táq Bán Cũai A-ĩ Coang  
(Mathia 9:1-8; Mac 2:1-12)*

<sup>17</sup> Bữn muoi tangái Yê-su ntôm atởng, bữn máh cũai Pha-rasi cóp cũai yỗng rit cũai I-sarel toâq tacu ntốq ki tê. Alói toâq tể dũ vil tâng cruang Cali-lê, cruang Yudê, cóp toâq tể vil Yarusalem. Yê-su bữn chóc tể Yiang Sursĩ têq táq bán máh cũai a-ĩ bân ntốq ki. <sup>18</sup> Bữn máh cũai samiang crang manoaq a-ĩ coang tâng cantrang. Alói yoc ể mut tâng đống ể đốq án yáng moat

Yê-su. <sup>19</sup> Ma cũai cứng tadát đồng; ngkiq alóit tở dáng na léq ẽ mut. Chơ alóit crang achõn tâng mpuol đồng. Chơ alóit pớh mpuol đồng atĩar cantrang samiang a-ĩ asẽng mpúng dĩ cũai cứng yáng moat Yê-su. <sup>20</sup> Tữ Yê-su hữm alóit lứq sa-âm, ngkiq án atõng cũai a-ĩ ki neq: “Yóu ơi! Lôihi mới cứq táh yõn!”

<sup>21</sup> Cũai yõng rit cớp cũai Pha-rasi tẽng tâng mút alóit neq: “Cũai nâi la noau, ma yoc ẽ cõt chóc ariang Yiang Sursĩ tê? Santoiq án pai la samoât án acrieiq Yiang Sursĩ. Tở bữn cũai aléq têq táh lôihi. Ống Yiang Sursĩ toâp têq táh lôihi.”

<sup>22</sup> Ma Yê-su dáng alóit chanchóm ngkiq; chơ án blóh alóit neq: “Nốq anhia chanchóm ngkiq? <sup>23</sup> Santoiq aléq anhia sâng ien hữn yõn cứq atõng? Ien cứq atõng cũai a-ĩ coang nâi neq: ‘Lôihi mới cứq táh yõn,’ tở la ‘Mới yuor tayúng cớp pớq.’ <sup>24</sup> Ma sanua cứq ẽ táq yõn cũai a-ĩ nâi cõt bán, đõq anhia dáng samoât lứq, cứq Con Yiang Cõt Cũai bữn chóc tâng dõi nâi, cớp têq táh lôihi cũai.”

Moâm ki Yê-su atõng cũai a-ĩ coang neq: “Cứq ớn mới yuor tayúng! Mới ỉt dõl cantrang mới. Chơ mới chu loah pớ đồng mới!”

<sup>25</sup> Chơ cũai a-ĩ ki yuor tayúng toâp yáng moat máh cũai ki. Án ỉt dõl cantrang án; chơ án chu pớ đồng. Án khẽn Yiang Sursĩ. <sup>26</sup> Nheq máh cũai ki sâng dót cớp ngcõh lứq. Ngkiq alóit khẽn Yiang Sursĩ cớp pai neq: “Tangái nâi hái khoiq hữm ranáq salẽh lứq!”

*Yê-su Arô Lê-vi  
(Mathia 9:9-13; Mac 2:13-17)*

27 Vót ki Yê-su loõh tẽ ntốq ki. Bo án pờq tâng rana, án hữm manoaq samiang ramứh Lê-vi,† tacu tâng đồng noau parõm ít práq thềq, yuaq án la cũai ít práq thềq. Yê-su ón án neq: “Mới puai cứq!”

28 Lê-vi táh nheq máh crơng án, chơ án yuor tayúng cốp puai Yê-su.

29 Moâm ki Lê-vi táq muoi pêl toâr roap Yê-su. Bữn cứng cũai, đêh máh cũai parõm práq thềq hỡ, toâq cha cốp alớ. 30 Ma máh cũai Pha-rasi cốp cũai yống rit, alớ tểq tốp rien tẽ Yê-su neq: “Nốq anhia cha parnơi cốp cũai parõm ít práq thềq cốp máh cũai lờih?”

31 Yê-su ta-ỡi alớ neq: “Cũai bán o tỡ bữn cóq sễq yõn noau palai. Ma óng cũai a-ỉ sâng cóq sễq yõn noau palai. 32 Cứq tỡ bữn toâq pờ nâi đõq arô cũai ca ngin alớ tanoang o, ma cứq toâq pờ nâi đõq arô cũai ca dáng alớ bữn lờih yõn têq alớ ngin lờih lêq cõt mút tamái ẽn.”

*Yê-su Atõng Tẽ Rit Ót Sana Yoc Ễ Sanhữ Yiang Sursĩ  
(Mathia 9:14-17; Mac 2:18-22)*

33 Máh cũai Pha-rasi cốp cũai yống rit atõng Yê-su neq: “Máh tốp rien tẽ Yang, sa-ữi pêl alớ ót sana cõ ẽ chanchóm tẽ ngê Yiang Sursĩ, cốp alớ ẽ câu. Máh cũai rien tẽ tốp Pha-rasi la táq

† 5:27 5:27 Lê-vi noau đõq ramứh Ma-thia hỡ.

machóng ki tê. Ma tốp rien tể thâi, ki cha nguaiq níc.”

<sup>34</sup> Yê-su ta-ôi alói toâq parnai sacâm neq: “Khân bữn samiang ít lacuoi, bo yóu án pờq racoaiq cốp án, alói sâng bũi. <sup>35</sup> Ma tử alói chu tể racoaiq, alói miar ôt. Tử ki alói ót sana đợc sanhữ loah yóu alói.” ‡

<sup>36</sup> Yê-su atỡng toâq parnai sacâm ẽn neq: “Tỡ bữn noau háq muoi mẽng aroaiq tể au tamái, chơ yĩh tamoal tâng au anhõh. Khân noau táq ngkíq, au tamái ki cõt rúng, cốp ramoal ki tỡ bữn rapóc cốp au anhõh. <sup>37</sup> Cốp tỡ bữn noau chiaq blống tamái tâng aluoi ngcâr khoiq tiaq. Khân noau táq ngkíq, blống ki cõt puaiq, cốp acán pa-át ki táq yõn aluoi ngcâr padõh. Chơ aluoi ngcâr cốp blống ki pút nheq. <sup>38</sup> Ma blống tamái cóq chóq tâng aluoi ngcâr tamái. § <sup>39</sup> Cốp tỡ bữn noau yoc nguaiq blống tamái khân án khoiq nguaiq blống tiaq chơ, yuaq án pai neq: ‘Blống tiaq lứq ẽm hỡn.’ ”

## 6

### *Yê-su Atỡng Tể Rit Tangái Rlu (Mathia 12:1-8; Mac 2:23-28)*

‡ **5:35** 5:35 Tâng parnai nâi, Yê-su sacâm án la samoât cũai ít lacuoi. Bo Yê-su noâng ột cốp tốp rien tể án, alói noâng chi-cha. Ma tử án chõn chu paloõng, alói ót sana tê miaq alói chanchóm loah tể máh santoiq án khoiq atỡng alói. § **5:38** 5:38 Yê-su atỡng parnai nâi tể aroaiq cốp khang blống, la án sacâm cũai bữn mút pahõm tiaq, tỡ tềq ít parnai tamái Yê-su atỡng alói. Ống alói ca bữn mút tamái sâng tềq ít parnai ki.

<sup>1</sup> Tâng muoi Tangái Rlu, Yê-su cốp tốp rien tễ án mut tâng sarái noau chớh saro bali. Tốp rien tễ Yê-su rút saro bali, chơ alóí saréh cha. <sup>2</sup> Bữn cũai tễ tốp Pha-rasi blóh alóí neq: “Nốq anhia táq tở cõt rit cuang tâng Tangái Rlu?”

<sup>3</sup> Yê-su ta-ôi alóí neq: “Nốq riang pai anhia tở nai doc tâng tâm saráq Yiang Sursĩ atỡng tễ puo Davĩt khoi q táq ntróu? Davĩt cốp tốp puai án sâng panhieih lứq. <sup>4</sup> Ngkíq Davĩt mut tâng đồng sang Yiang Sursĩ. Án cha bẻng noau đợq yáng moat Yiang Sursĩ. Ma puai rit cũai I-sarel, án cốp yóu án tở têq cha bẻng ki. Bẻng ki óng máh cũai tẻng rit sang Yiang Sursĩ sâng têq cha.”

<sup>5</sup> Cốp Yê-su pai ẻn neq: “Cứq, Con Yiang Cõt Cũai, la Ncháu tẻ Tangái Rlu.”

*Yê-su Táq Bán Cũai Yốt Atĩ  
(Mathia 12:9-14; Mac 3:1-6)*

<sup>6</sup> Bữn muoi Tangái Rlu ẻn, Yê-su mut atỡng máh cũai tâng đồng sang. Ớt ngki bữn manoaq yốt atĩ coah atoam. <sup>7</sup> Máh cũai yống rit cốp máh cũai Pha-rasi chuaq ngê ẻ cauq Yê-su. Ngkíq alóí tutuaiq nhêng samoât lứq chu Yê-su, yoc ẻ dáng án táq bán cũai a-ĩ tâng Tangái Rlu, ma tở bữn. <sup>8</sup> Ma Yê-su dáng alóí chanchóm ngkíq. Chơ án atỡng cũai yốt atĩ ki neq: “Mói yuor tayứng yáng moat máh cũai nái.”

Chơ cũai ki yuor tayứng toáp.

<sup>9</sup> Chơ Yê-su atỡng máh cũai ớt mpẻ ki neq: “Cứq ẻ blóh anhia: Puai rit hái, nốq hái táq tâng

Tangái Rlu? Háı táq o, tở la táq sâuq? Háı chuai amoong, tở la cachĩ cũai?”

<sup>10</sup> Moâm ki Yê-su carlang nhêng chu máh cũai ki, cớp án pai chỏq cũai a-ĩ ki neq: “Mớı aloỏh atĩ!”

Tữ cũai ki aloỏh atĩ, chơ atĩ án cớt bán.  
<sup>11</sup> Ngkíq máh cũai ki sâng la-ừn toập cutâu mút, cớp alớı sarhỏng nỏq toập ể táq chỏq Yê-su.

*Yê-su Rườh Muoi Chít La Bar Náq Rien Tể Án  
(Mathia 10:1-4; Mac 3:13-19)*

<sup>12</sup> Vớt ki, Yê-su chỏn tâng cóh, yoc ể câu pở ki. Án câu sểq tể Yiang Sursĩ nheq sadâu ki.

<sup>13</sup> Toâq poang tarừp, án arỏ máh cũai rien tể án, cớp án rườh muoi chít la bar náq tể tộp alớı. Án đởq muoi chít la bar náq nâi la cũai ayừng atĩ án. <sup>14</sup> Máh cũai án rườh la neq: Si-môn, án ca Yê-su amứh Phi-er hỡ, cớp Anrê, la a-ểm Si-môn. Bữn Yacỏ, Yang, Phi-lip, Batê-lami, <sup>15</sup> Mathia, Thỏ-mat, Yacỏ con samiang Al-phê, Si-môn Sê-lỏt, <sup>16</sup> Yuda con samiang Yacỏ, cớp Yuda I-cari-ỏt, án ca chẻq Yê-su yỏn noau cachĩ.

*Yê-su Atởng Cớp Táq Bán Máh Cũai A-ĩ  
(Mathia 4:23-25)*

<sup>17</sup> Vớt ki, Yê-su sểng tể cóh parnỏı cớp máh cũai rien tể án. Alớı tayừng tâng ntỏq tapín. Ớt ngkí bữn chừng cũai toâq tể cruang Yudê, tể vil Yaru-salem, cớp tể tor đởq mút cheq vil Ti-rỏ cớp vil Sadỏn. <sup>18</sup> Nheq tữh cũai ki toâq ể tamừng Yê-su atởng, cớp ểq Yê-su táq bán máh ramứh alớı a-ĩ. Alớı ca bữn yiang sâuq payỏh la cớt bán tê.



19 Nheq tũh cũai a-ĩ ki chuaq ẽ satoaq Yê-su, yuaq Yê-su bũn chóc têq táq yõn bán nheq máh cũai a-ĩ.

*Yê-su Atõng Tẽ Ốc Bốn Cóp Ốc Bap  
(Mathia 5:1-12)*

20 Yê-su nhêng chu tốp rien tẽ án, cóp pai neq:  
“Bốn lứq anhia ca cadĩt,

yuaq Yiang Sursĩ cõt sôt tâng mút pahõm  
anhia!

21 Bốn lứq anhia ca panhieih sanua,  
yuaq nõ-ra anhia cõt pasâi!

Bốn lứq anhia ca nhiam sanua,  
yuaq nõ-ra anhia cõt bũi hữr ẽn!

22 Bốn lứq anhia bo cũai canõh kêt anhia, calõih  
anhia, sieu anhia, cóp pai anhia tở o  
cỗ tian anhia puai ngê Con Yiang Cõt Cũai!

23 “Bo alóit táq ngkíq, cóq anhia sâng bũi cóp  
õn tamprũol, yuaq Yiang Sursĩ yõn anhia bũn  
kia sa-ũĩ tâng paloõng. Achúc achiac máh cũai  
ki táq machõng ki tê chóq máh cũai tang bõq  
Yiang Sursĩ.

24 Ma bap lứq anhia ca sốc sanua,  
yuaq anhia bũn ống ốc bốn tâng dõi nãi  
sâng!

25 Cóp bap lứq anhia ca cha pasâi sanua,  
yuaq nõ-ra Yiang Sursĩ yõn anhia cõt pan-  
hieih!

Cóp bap lứq anhia ca cacháng sanua,  
yuaq nõ-ra Yiang Sursĩ yõn anhia nhiam  
u-õi!

26 “Bap lứq anhia toâq nheq tũh cũai khẽn níc  
anhia. Tẽ mbốq, achúc achiac máh cũai ca khẽn,

ki táq machóng ki tê chók cũai táq nan tang bỗq Yiang Sursĩ.”

*Yê-su Atỡng Cóg Anhia Ayooq Cũai Ca Par-ũal Anhia*

*(Mathia 5:38-48; 7:12a)*

<sup>27</sup> “Cứq atỡng anhia ca tamứng cứq neq: Cóg anhia ayooq máh cũai ca ẽ táq anhia. Cóg anhia táq o chók cũai kêt anhia. <sup>28</sup> Cóg anhia sẽq ọc bốn yỗn alóí ca báih anhia. Cóp cóg anhia câu chuai alóí ca táq sâuq chók anhia. <sup>29</sup> Khân noau tapáh rêng báng anhia muoi coah, ki cóg anhia sato yỗn alóí tapáh muoi coah ẽn. Cóp khân noau ít au tuar anhia, ki cóg anhia tũot dẻh au tâng clống yỗn alóí. <sup>30</sup> Cũai alẻq sẽq ntrứu tẻ anhia, anhia yỗn án aki. Cóp khân án ít crớng ntrứu tẻ anhia, anhia chỏi sẽq loah crớng ki. <sup>31</sup> Cóg anhia táq chók cũai canỗh machóng anhia yoc alóí táq chók anhia tê.

<sup>32</sup> “Khân anhia ayooq ớng cũai ayooq anhia, ki ntrứu Yiang Sursĩ yỗn anhia bữn cớng? Dẻh alóí ca tở bữn puai ngẻ Yiang Sursĩ đốq ayooq cũai ayooq alóí. <sup>33</sup> Cóp khân anhia táq o chók alóí ca táq o chók anhia, ki ntrứu Yiang Sursĩ yỗn anhia bữn cớng? Cũai tở bữn puai ngẻ Yiang Sursĩ, đốq táq ngkíq. <sup>34</sup> Khân anhia yỗn cũai canỗh voaq práq anhia, ma anhia nguang bữn loah práq tẻ alóí, ntrứu Yiang Sursĩ ẽ yỗn anhia bữn cớng? Cũai tở bữn puai ngẻ Yiang Sursĩ, alóí yỗn cũai canỗh voaq práq alóí, ki alóí nguang bữn loah práq ki. <sup>35</sup> Ma cóg anhia ayooq cũai ca ẽ táq anhia. Cóg anhia táq o chók alóí. Cóp cóg anhia

yõn alóí voaq práq anhia, ma anhia chõĩ nguang bũn loah práq ki tẽ alóí. Ngkíq, nõ-ra anhia lúq bũn cóng o, cóp anhia cõt con acái Yiang Sursĩ, án ca sõt clũĩ neq tẽ canõh. Yuaq án táq o chók cũai loai cóp cũai tở dáng sa-õn. <sup>36</sup> Cóq anhia sarũiq táq cũai canõh machõng Mpoaq anhia tâng paloõng sarũiq táq anhia tê.”

*Chõĩ Tẻq Cũai Canõh*  
(*Mathia 7:1-5*)

<sup>37</sup> Yê-su pai ẽn neq: “Anhia chõĩ tẻq cũai canõh, ngkíq Yiang Sursĩ tở bũn tẻq anhia tê. Cóp chõĩ pai cũai canõh táq tở p̃ieiq, ngkíq Yiang Sursĩ tở bũn pai anhia táq tở p̃ieiq tê. Cóq anhia táh lôih cũai canõh táq chók anhia; ngkíq Yiang Sursĩ táh lôih anhia tê. <sup>38</sup> Khân anhia yõn crõng pở cũai canõh muoi crũo, ki Yiang Sursĩ lúq culáh loah anhia clũĩ tẽ ki. Máh crũo án chuai anhia, án acứr, án chiaq, cóp án chók poãn vuvõ yõn anhia. Yuaq maléq anhia chuai yõn yóu, Yiang Sursĩ chuai loah anhia máh ki tê.”

<sup>39</sup> Yê-su atõng tốp ki toáq parnai sacâm neq: “Cũai sũt moat tở tẻq ayõng cũai sũt canõh. Khân án ayõng, bar náq alóí sapúl tâng prúng.

<sup>40</sup> Án ca rien tở bũn toâr hõn tẽ thâi án. Ma dũ náq ca rien, toáq án moâm rien, ngkíq án cõt samoât thâi tê.

<sup>41</sup> “Nỏq anhia hũm brẻh tâng moat yóu, ma anhia tở bũn dáng khlẻc pian catáng moat anhia? <sup>42</sup> Cóp nỏq anhia clỏq pai chók yóu neq: ‘Yõn cứq taváih ít chíq brẻh tẽ moat mới,’ ma anhia tở bũn dáng khlẻc pian sadal chíq moat

anhia? Anhia la cũai ãm bĩq parnai sãng! Cóg anhia ãt chíq khlẽc pian tẽ moat anhia voai. Ki nõq tẽq anhia hũm raloaih cốp tẽq ãt brẽh tẽ moat yõu.”

*Yê-su Atõng Tẽ Aluang Cốp Palâi  
(Mathia 7:16-20; 12:33-35)*

<sup>43</sup> “Tõ nai bữn aluang o ma cõt palâi sãuq, cốp tõ nai bữn aluang sãuq ma cõt palâi o. <sup>44</sup> Khãn anhia hũm palâi, ki anhia dáng dẽh nõm. Tõ nai bữn noau cáiq palâi tarúng tẽ nõm sarlia tacõng. Cốp tõ nai bữn noau cáiq palâi nho tẽ nõm sarlia rayoaiq. <sup>45</sup> Cũai mantoat o bữn ngẽ o tãng mút pahõm án. Ngkĩq ranáq o loõh tẽ mút cũai ki. Cốp cũai loai bữn ngẽ sãuq tãng mút pahõm án. Ngkĩq ranáq sãuq loõh tẽ mút pahõm án. Ngẽ ntróu bữn tãng mút pahõm cũai, bõq cũai pai aloõh ngẽ ki.”

*Yê-su Atõng Tẽ Bar Náq Cũai Táq Dõng  
(Mathia 7:24-27)*

<sup>46</sup> “Nõq anhia dõq cúq: ‘Ncháu ơi! Ncháu ơi!’ Ma anhia tõ bữn trĩh máh sãtoiq cúq atõng? <sup>47</sup> Cũai aléq toãq põ cúq, chơ tamúng cốp trĩh máh sãtoiq cúq, cũai ki la samoat riang ntróu? <sup>48</sup> Cũai ki la samoat riang samiang patúng dõng. Án píq prúng yõn yarũ cốp chóq tamáu tãng ki yõn tanũl cõt khãm. Tũ dõq toar toãq, dõq clũh dõng ki, ma dõng ki tõ bữn cacut, yuaq cũai táq dõng ki chóq tamáu táq yõn khãm lứq. <sup>49</sup> Cũai ca tamúng sãtoiq cúq, ma tõ bữn trĩh, án ki la samoat samiang patúng dõng tãng cutẽq miat.

Án pít prúng ndũl, cốp tở bữn chỏq tamáu tâng prúng ki. Tữ đởq toâr toâq, đởq ki clủh đổng ki hập lứq, chơ đổng ki đóm cốp ralỏh neq.”

## 7

### *Yê-su Táq Bán Sũl Cũai Sốt Tahan (Mathia 8:5-13)*

<sup>1</sup> Moâm Yê-su pai máh santoiq ki yỗn cũai clứng tamứng, án mut tâng vil Cabê-na-um ẽn. <sup>2</sup> Tâng vil ki, bữn manoaq cũai Rô-ma, án sốt muoi culám náq tahan. Án bữn cũai táq ranáq ca án ayooq lứq. Ma cũai ki a-ĩ tráuq lứq, cheq ẽ cuchĩt. <sup>3</sup> Tữ sốt tahan ki sâng noau pai tễ Yê-su, án ớn máh cũai tễ tốp sốt neq sâng tốp I-sarel pởq pở Yê-su cốp sễq Yê-su toâq táq bán cũai táq ranáq án. <sup>4</sup> Alới ki toâq pở Yê-su, cốp sễq neq rangứh rahỏ neq: “Cũai sốt tahan ki la cũai mantoat o. Ngkíq hếq sễq thâi chuai án. <sup>5</sup> Án ayooq lứq cũai I-sarel, cốp án táq đổng sang yỗn hếq hỏ.”

<sup>6</sup> Chơ Yê-su pởq cốp alới. Cheq ẽ toâq pở đổng, cũai sốt tahan ki ớn yớu án toâq pở Yê-su cốp pai neq: “Ncháu ơi, cứq tở khỏn pởq coaiq Ncháu yỗn mut tâng đổng cứq. <sup>7</sup> Cốp cứq tở bữn p̄ieiq đễh toâq pở Ncháu. Ma cứq sễq Ncháu pai yỗn cũai táq ranáq cứq cõt bán, la dĩ chơ. <sup>8</sup> Cứq bữn cũai sốt cứq, cốp cứq cõt sốt cũai canỏh tẽ. Khân cứq ớn cũai nâi: ‘Pởq!’ ki án pởq. Khân cứq ớn cũai ki: ‘Toâq pở nâi!’ ki án toâq. Khân cứq ớn cũai táq ranáq cứq: ‘Táq neq!’ ki án táq.”

9 Bo Yê-su sâng santiago ki, án sâng dót lúq. Chơ án pai chók máh cũai ốt mpẽr án neq: “Cúq atõng anhia samoat lúq, cúq tở nai hữm noau tẽ cũai I-sarel ma sa-âm riang cũai nài.”

10 Máh cũai án ca sốt tahan ớn toaq pở Yê-su, alói chu pở đồng, cốp alói hữm cũai táq ranáq sốt tahan khoiq cõt bán.

*Con Samiang Cũai Cán Cumai Ốt Tâng Vil Na-in*

11 Tangái ntun ễn, Yê-su mut tâng vil Na-in. Tốp rien tẽ án cốp cứng cũai canõh pởq cốp án.

12 Từ Yê-su toaq pở ramõh vil, p̄ieiq noau crang aloõh cũai cuchĩt. Mpiq cũai cuchĩt la cán cumai; án bữn ớng muoi lám con samiang ki toáp. Bữn cứng cũai tẽ vil ki pởq parnõi cốp cán cumai ki.

13 Từ Yê-su hữm cán cumai ki, án sâng sarũiq táq, cốp án pai neq: “Mới chõi nhiam.”

14 Chơ Yê-su toaq satoaq hom cumuiq; cốp cũai crang hom ki tangút. Yê-su pai neq: “A-ẽm ời! Cúq ớn mới yuor!”

15 Cũai khoiq cuchĩt ki yuor tacu, cốp mbõiq táq nõtng loah. Chơ Yê-su chiau án yõn mpiq án.

16 Nheq tữh cũai sâng ngõh lúq cốp alói khẽn Yiang Sursĩ neq: “Manoaq tang bõq Yiang Sursĩ ca bữn chóc toâr lúq khoiq toaq pở hái chơ!”

Cốp alói pai ễn neq: “Lúq Yiang Sursĩ toaq chuai amoong máh cũai ca puai ngê án.”

17 Ranáq Yê-su khoiq táq parhan dũ nõtq tâng cruang Yudê cốp máh cruang mpẽr ki.

*Yê-su Atông Tê Yang Ca Táq Batêm  
(Mathia 11:2-19)*

<sup>18</sup> Tốp rien tẽ Yang toâq atông Yang tẽ ranáq alóí hữm Yê-su táq. Yang arô bar náq tốp rien tẽ án, <sup>19</sup> cóp án ón alóí toâq blóh Yê-su neq: “Thâi ơi! Lứq ma tở bữn thâi la manoaq Yiang Sursĩ rươh đốq chuai amoong cũai? Tở la cóq hếq ngcuang cũai canỏh ẽn?”

<sup>20</sup> Tữ bar náq ki toâq pỡ Yê-su, alóí pai neq: “Yang đốq táq batêm ón hếq toâq blóh thâi neq: “Thâi la manoaq Yiang Sursĩ rươh đốq chuai amoong nheq tữh cũai tở? Tở la cóq hếq ngcuang cũai canỏh ẽn?” ”

<sup>21</sup> Bo alóí noâng ớt pỡ ki, Yê-su táq bán sa-ữi ramứh cũai a-ĩ, bữn đếh cũai a-ĩ sari cóp cũai bữn yiang sâuq payỏh hỡ. Cóp máh cũai sũt moat, án táq yỏn alóí cõt blang. <sup>22</sup> Chơ Yê-su ta-ỡi loah bar náq tốp rien tẽ Yang neq: “Anhia chu atông loah Yang tẽ máh ranáq anhia khoi q sâng cóp khoi q hữm. Cũai sũt cõt blang. Cũai yỏt têq pupỏq. Cũai a-ĩ tut cõt bán. Cũai túng bữn sâng. Cũai khoi q cuchĩt, yuor tamoong loah. Cóp máh cũai cadĩt bữn sâng tê parnai o tẽ Yiang Sursĩ. <sup>23</sup> Bỏn lứq cũai ca tở bữn táh ngê cừq!”

<sup>24</sup> Vót tốp rien tẽ Yang chu, Yê-su atông tẽ Yang yỏn máh cũai chừng ki tamứng. Cóp án blóh alóí neq: “Bo anhia pỡq ramóh Yang tâng nỏq aiq, ntrứu anhia yoc ẽ hữm tâng nỏq ki? Anhia yoc ẽ hữm cuyal phát bát túng-tooc tở? <sup>25</sup> Khân tở bữn ngkĩq, ntrứu anhia yoc ẽ hữm? Anhia yoc ẽ hữm manoaq sóp au nêuq tở? Cũai sóp au

nêuq cốp tâc cha thương, ki ốt tâng đống puo.  
 26 Ma ntróu anhia yoc ẽ hữm tâng ntóq ki? Anhia yoc ẽ hữm cũai tang bỗq Yiang Sursĩ tở? Cúq atống anhia samoât lứq, Yang la cũai tang bỗq Yiang Sursĩ tê, ma án bữn chóc toâr hỡn tể cũai tang bỗq canỏh. 27 Tâng tâm saráq Yiang Sursĩ tể mbỗq, khoiủ cũai tang bỗq chĩc atống saccoaiủ tể Yang neq:

‘Cúq Yiang Sursĩ ón cũai ranẻng cúq toáq nhũang mới,  
 đốq thữan rana yỏn mới.’☆

28 Cúq atống anhia, đũ náq cũai ca mansẻm canỏt tâng cutẻq nâi, tở bữn noau toâr hỡn tể Yang ca đốq táq batẻm. Ma cúq atống anhia neq tê: Cũai alẻq ma tở bữn toâr ntróu tâng tốp Yiang Sursĩ sỏt, lứq Yiang Sursĩ yỏn cũai ki bữn chóc clủi tể chóc Yang.”

29 Máh cũai khoiủ sâng sântoủq Yang pai, đẻh alỏi ca parỏm práq thẻq, nheq náq alỏi ngin Yiang Sursĩ la lứq tanoang o. Ngkủq alỏi yỏn Yang táq batẻm yỏn alỏi. 30 Ma máh cũai Pha-rasi cốp cũai atống phẻp rit, alỏi tở ẻq ỉt, tở ẻq puai ngẻ Yiang Sursĩ. Ngkủq alỏi tở yỏn Yang táq batẻm yỏn alỏi.

31 Yẻ-su pai ẻn: “Máh cũai tâng đỏi nâi la riang ntróu? 32 Máh cũai tâng đỏi nâi la ariang carnẻn ốt lỏiq tâng nchỏh. Muoi tốp carnẻn ki arỏ yỏu alỏi neq: ‘Hẻq khoiủ plỏng tarỉal cốp lỏiq táq rayuac. Ma anhia tở bữn mut ayủn cốp puan

☆ 7:27 7:27 Ma-laki 3:1



sarai núng hếq! Cóp hếq lớiq táq rapũp, ma anhia tở bữn pruam mut nhiam u-ôi núng hếq!’  
<sup>33</sup> Yang dốq táq batẽm toâq pở nâi, án tở bữn nguaiq cha riang cũai canõh, án cha ống lam cóp nguaiq dỡq khĩal. Chơ anhia pai án bữn yiang sâuq. <sup>34</sup> Ma cứq, Con Yiang Cốt Cũai, cứq toâq nguaiq cha machóng cũai canõh tê. Chơ anhia pai cứq neq: ‘Ki! Án ki nguaiq cha tham sâng! Cóp án cốt yếu cóp cũai parõm ít práq thềq cóp cũai lôih canõh hỡ!’ <sup>35</sup> Ma cũai ca lứq rangoiq, nữ-ra noau lứq ngin án la cũai rangoiq, yuaq alới hữm tẽ máh ranáq án táq.”

### *Yê-su Cha Tâng Dống Manoaq Cũai Pha-rasi*

<sup>36</sup> Bữn manoaq tẽ tốp Pha-rasi mời Yê-su toâq cha muoi pêl tâng dống án. Chơ Yê-su pỡq cha.  
<sup>37</sup> Tâng vil ki, bữn manoaq mansẽm ca táq sa-ũĩ ranáq sâuq. Án khoiq sâng noau pai Yê-su chi-cha tâng dống cũai Pha-rasi ki; chơ án dững muoi bẽ dỡq phuom. Bẽ ki noau táq toâq tamáu ramứh a-labat. <sup>38</sup> Mansẽm ki sacõh racól cheq ayững Yê-su. Án nhiam, cóp sarliang moat án hoi layáp ayững Yê-su. Chơ án chut ayững Yê-su toâq sóc án. Án hữn hĩt ayững Yê-su, chơ án tở dỡq phuom tâng ayững Yê-su. <sup>39</sup> Từ cũai Pha-rasi ca mời Yê-su hữm ngkíq, án tếng tâng mút án neq: “Khân cũai nâi ma lứq manoaq tang bỗq Yiang Sursĩ, ki án dáng mansẽm ca satoaq án la noau. Cóp án dáng mansẽm nâi táq sa-ũĩ ranáq sâuq.”

<sup>40</sup> Yê-su atỡng cũai ki neq: “Si-môn ơi! Cúng bữn muoi santoiq yoc atỡng mới.”

Si-môn ta-ôi: “Ờq thâi. Sễq thâi pai.”

<sup>41</sup> Chơ Yê-su pai neq: “Bữn bar náq voaq práq tễ cũai manrai práq. Manoaq tu sỡng culám. Manoaq ễn tu sỡng chít. <sup>42</sup> Ma bar náq ki tỡ bữn ntrớu ễ culáh loah yỗn án ca manrai. Ngkíq án ca manrai práq táh nheq máh práq alới tu án. Ma tễ bar náq ki, aléq ayooq hỡn án ca manrai práq?”

<sup>43</sup> Si-môn ta-ôi: “Cúng chanchóm án ca tu sa-ữi ki ayooq hỡn.”

Yê-su pai neq: “Lứq p̄ieiq mới pai.”

<sup>44</sup> Chơ Yê-su nhêng chu mansễm ki cớp án atỡng Si-môn neq: “Mới hữm ma tỡ bữn mansễm nâi? Tỡ cúng toâq pỡ đống mới, mới tỡ bữn ỉt đỡq yỗn cúng ariau ayững. Ma mansễm nâi, án ariau ayững cúng toâq sarliang moat án. Cớp án ỉt sóc án toâp chut ayững cúng. <sup>45</sup> Tỡ cúng toâq pỡ đống mới, mới tỡ bữn hữn hữt cúng puai tâng rit sar-óh tamoi. Ma mansễm nâi, án hữn hữt níc ayững cúng tễ cúng mut tâng đống toau toâq sanua. <sup>46</sup> Mới tỡ bữn ỉt đỡq phuom tia tâng p̄lớ cúng puai tâng rit sar-óh tamoi. Ma mansễm nâi, án tỗh đỡq phuom moat lứq tâng ayững cúng.

<sup>47</sup> Ngkíq cúng atỡng mới: Lôi h mansễm nâi sa-ữi lứq, ma cúng khoiq táh yỗn án, yuaq án ayooq lứq cúng. Ma cũai aléq chanchóm án bữn bĩq lôi h sâng yỗn cúng táh, cũai ki ayooq cúng bĩq tề.”

<sup>48</sup> Chơ Yê-su atỡng mansễm ki neq: “Lôi h mới khoiq táh chơ.”

49 Mách cũai ca ớt cha cớp Yê-su, alóí chanchóm neq: “Cũai nâi la noau, ma khón pai án táh lôih yõn cũai?”

50 Ma Yê-su atõng loah mansẽm ki neq: “Yiang Sursĩ khoiq chuai amoong mới chơ, yuaq mới sa-âm lứq cúq. Mới pỡq bán sũan ien khẽ.”

## 8

### *Mách Cũai Mansẽm Ca Pỡq Parnơi Cớp Yê-su*

1 Vớt ki, Yê-su mut tâng sa-ũi vil cớt vil toâr cớp atõng parnai o tẽ Yiang Sursĩ táq sớt. Tộp muoi chít la bar náq rien tẽ án pỡq parnơi cớp án tê. 2 Cớp bữn máh mansẽm hỡ pỡq cớp Yê-su. Tẽ máh mansẽm ki bữn án ca yiang sâuq payõh, ma Yê-su khoiq tuih aloõh, cớp bữn án ca Yê-su táq bán tẽ sa-ũi ramứh a-ĩ. Mách mansẽm ki, ramứh neq: Muoi la Mari tẽ vil Mac-dala. Án ca bữn tapul lám yiang sâuq khoiq loõh tẽ tở án. 3 Bar la Yê-ana, lacuoi Chusa. Chusa táq ranáq yõn puo Hê-rôt. Pái la Su-sana. Cớp bữn sa-ũi náq mansẽm canõh hỡ. Nheq alóí ãt práq alóí bữm đõq chuai Yê-su cớp tộp rien tẽ án bữn crõng sana cha.

### *Parnai Sacâm Tẽ Cũai Trứh Ốc (Mathia 13:1-9; Mac 4:1-9)*

4 Chửng lứq cũai toâq pỡ Yê-su tẽ sa-ũi vil. Chơ Yê-su atõng alóí na parnai sacâm neq: 5 “Bữn manoaq cũai pỡq trứh ốc. Bo án trứh, bữn ốc satooh tâng rana. Cũai tĩn ốc ki cớp chóm tot cha. 6 Bữn ốc canõh satooh tâng cutẽq sa-ũi tamáu. Toâq ốc ki dát, án cõt roõh nheq, yuaq ốq đõq.

<sup>7</sup> Bữn ốc canõh satooh tâng cutẽq bữn rêh bát sarlia. Tữ bát sarlia dáh, án éc chíq bát mbõiq dáh tẽ ốc cũai ki trứh. <sup>8</sup> Cóp bữn ốc canõh ẽn satooh tâng cutẽq o. Ốc ki dáh cóp toâr achõn, chơ cõt palâi. Muoi nỡm cõt muoi culám ốc.”

Yê-su pai ẽn neq: “Aléq bữn cutũr yoc ẽ tamúng, ki tamúng.”

*Nốq Yê-su Atõng Toâq Parnai Sacâm  
(Mathia 13:10-17; Mac 4:10-12)*

<sup>9</sup> Tõp rien tẽ Yê-su blớh án tẽ parnai nâi la sacâm ntróu. <sup>10</sup> Yê-su ta-õi alóí neq: “Máh parnai cutooq tẽ Yiang Sursĩ táq sốt, Yiang Sursĩ yõn anhia dâng. Ma cũai canõh tamúng bĩq parnai sacâm sâng. Ngkíq alóí nhêng ma tở bữn hữm; alóí tamúng ma tở bữn sapúh.”✧

*Yê-su Aloõh Ngê Tẽ Parnai Sacâm Cũai Trứh  
Ốc  
(Mathia 18:13-23; Mac 4:13-20)*

<sup>11</sup> “Ngê tẽ parnai sacâm ki la neq: Ốc cũai ki trứh la sacâm tẽ cũai pỡq atõng parnai Yiang Sursĩ. <sup>12</sup> Ốc satooh tâng rana, la sacâm tẽ cũai ca tamúng parnai Yiang Sursĩ, ma yiang Satan toâq ít chíq parnai ki tẽ mút pahõm alóí, táq yõn alóí tở têq sa-âm. Chơ yõn Yiang Sursĩ tở têq chuai amoong alóí. <sup>13</sup> Ốc satooh tâng cutẽq bữn tamáu la sacâm tẽ cũai ca tamúng parnai Yiang Sursĩ cóp sa-âm parnai ki bũi o lứq. Ma parnai ki tở bữn mut tâng mút pahõm alóí. Alóí sa-âm mahõi sâng. Chơ toâq alóí ramóh túh coat

✧ 8:10 8:10 Ê-sai 6:9

alói tanĩq cõ tian alói sa-âm, chơ alói tở ẽq sa-âm noâng. <sup>14</sup> Ốc satooh tâng cutẽq bữn sa-ữi bát sarlia, la sacâm tẽ cũai ca tamứng parnai Yiang Sursĩ, ma alói lua cút tâng dõi nãi, ham sốc, cốp ham thừơng. Mách ramứh ki éc chíq parnai o tẽ Yiang Sursĩ, táq yõn alói tở bữn cõt palâi. <sup>15</sup> Ma ốc satooh tâng cutẽq o la sacâm tẽ cũai ca tamứng parnai Yiang Sursĩ, cốp alói bữn mút pahõm o, yoc yám noap Yiang Sursĩ. Alói cayóm đõq níc parnai ki, chơ toâq ngư bữn palâi, alói cõt palâi sa-ữi lứq.”

*Yê-su Patâp Cũai Pasếq Parnai Ân  
(Mac 4:21-25)*

<sup>16</sup> “Tở bữn noau tacât chóp tóu, chơ catứp chóq khang tở la đõq nhưp cachơng bếq. Ma lứq noau đõq chóp tóu tâng rông, yõn án claq poang nheq clõng ki. Ngkíq cũai mut tâng ki tẽq hữm raloaih. <sup>17</sup> Machớng ki tẽ, ramứh ntróu cứq cutooq sanua, chumát cứq yõn nheq tữh cũai dáng raloaih máh ramứh ki. Cốp ramứh ntróu cứq catáng sanua, chumát cứq tở bữn catáng noâng.

<sup>18</sup> “Parnai ntróu anhia sâng cứq atõng, cóq anhia pasếq lứq parnai ki. Cũai aléq khiq bữn chơ, cứq lứq yõn án bữn sa-ữi lứq ẽn. Ma cũai aléq tở bữn bữn, máh ốc án bữn, lứq cõt pút loah nheq.”

*Mpiq Cóp Sẽm Ai Yê-su  
(Mathia 12:46-50; Mac 3:31-35)*

<sup>19</sup> Mpiq cốp sẽm ai Yê-su toâq ẽ ramóh Yê-su, ma alói tở tẽq mut pở án, yuaq tadát máh

cũai tâng dõng. <sup>20</sup> Bữn cũai toàq atõng Yê-su neq: “Mpiq cõp sễm ai thài õt yáng tiah ễ ramóh thài.”

<sup>21</sup> Ma Yê-su atõng loah alóì neq: “Mpiq cõp sễm ai cứq la máh cũai ca tamứng cõp trỉh parnai Yiang Sursĩ.”

*Yê-su Sươq Cuyal Cõp Dỡq  
(Mathia 8:23-27; Mac 4:35-41)*

<sup>22</sup> Bữn muoi tangái, Yê-su chõn tâng tuoc cõp tốp rien tễ án. Yê-su pai chỏq alóì neq: “Hái clong yáng tooh dỡq clóng nài.”

Chơ alóì clong. <sup>23</sup> Toàq mpứng dĩ dỡq, Yê-su bẻq. Ma bo ki bữn cuyal rapuq hập lứq, táq yõn dỡq carsaiq amut tâng tuoc, mán ễ poân. Chơ alóì croõq lứq. <sup>24</sup> Tốp rien tễ Yê-su toàq amoaih án. Alóì pai neq: “Thài ơi, thài ơi! Hái cheq ễ cuchĩt.”

Yê-su yuor tayứng. Án sươq cuyal cõp dỡq lampóh. Chơ cuyal cõp dỡq ki tangút, cõp cõt ien khễ loah. <sup>25</sup> Yê-su blóh tốp rien tễ án neq: “Nỏq anhia tỡ bữn sa-âm?”

Ma alóì sâng dớt cõp ngcõh lứq. Manoaq pai chỏq manoaq neq: “Cũai nài la noau? Án sươq cuyal cõp dỡq, chơ cuyal cõp dỡq trỉh án!”

*Yê-su Tuih Aloõh Yiang Sâuq Tễ Tổ Cũai  
(Mathia 8:28-34; Mac 5:1-20)*

<sup>26</sup> Alóì clong yáng tooh dỡq clóng toàq pỡ cruang Yê-rasê. Cruang nài õt choàng cõp cruang Cali-lê. <sup>27</sup> Bo Yê-su sễng tễ tuoc, bữn manoaq samiàng tễ vil ki bữn yiang sâuq payõh, toàq pỡ Yê-su. Cũai ki õt mu rariat khoiқ dũn

chơ. Án tở bữn ốt tâng dống, ma án ốt níc tâng clõm cumuiq. <sup>28</sup> Tở án hữm Yê-su, án hể casang lứq, sacõh racól, cớp pai casang lứq neq: “Ntróu anhia yoc ẽ táq chóq cứq Yê-su? Anhia la Con Yiang Sursĩ, án ca sốt clũi nheq tể canõh. Cứq sễq anhia chõi táq tõi q bap cứq.”

<sup>29</sup> Án pai ngkíq, yuaq Yê-su khoiq ớn án loõh tể tở cũai ki. Sa-ũĩ trõ chơ yiang sâuq táq cũai ki. Cớp khân cũai canõh cớp cớp sacáp án toâq sái-sô, tở la clũong toâq panũar, án táq ta-õh nheq. Cớp yiang sâuq dốq dũng án pờq chu ntốq aiq.

<sup>30</sup> Yê-su blóh cũai ki neq: “Ntróu ramứh mới?”  
Cũai ki ta-õi: “Ramứh cứq la Poâl.”

Án pai ngkíq, yuaq bữn sa-ũĩ yiang sâuq ốt tâng tở án. <sup>31</sup> Máh yiang sâuq ki sễq Yê-su chõi ớn alóí pờq chu pống sarloac.

<sup>32</sup> Tâng cóh ki bữn muoi cantóh alic sa-ũĩ lứq chuaq cha. Ngkíq máh yiang sâuq ki sễq tể Yê-su yõn alóí mut tâng cantóh alic ki. Yê-su yõn alóí mut. <sup>33</sup> Ngkíq máh yiang sâuq loõh tể tở cũai ki, chơ mut tâng cantóh alic ẽn. Cantóh alic ki lúh cháí lứq cớp pống tể leh tarhar chu clóng đõq, chơ cuchĩt clooc nheq.

<sup>34</sup> Toâq cũai bán tốp alic hữm cõt ranáq ngkíq, alóí lúh achu atõng yõn máh cũai tâng vil cớp tâng rapoq sarái dáng. <sup>35</sup> Clứng cũai toâq yoc ẽ nhêng ranáq ca mbõiq cõt. Alóí toâq pờ Yê-su, cớp alóí hữm cũai bữn yiang sâuq payõh ki tacu cheq ayũng Yê-su. Án tâc tampác, cớp tở bữn cõt yúh noâng. Ngkíq alóí sâng ngcõh lứq.

<sup>36</sup> Máh cūai ca hũm ranáq Yê-su táq chók cūai bũn yiang sâuq, alóí atõng loah yõn cūai ca tở bũn hũm dáng tê tễ ranáq Yê-su táq yõn cūai ki cõt bán.

<sup>37</sup> Nheq máh cūai tâng cruang Yê-rasê sễq Yê-su pởq chíq tễ cruang alóí, yuaq alóí sâng ngcõh lứq. Chơ Yê-su chõn tâng tuoc cớp loõh tễ ntốq ki. <sup>38</sup> Cūai ca yiang sâuq khoiq loõh tễ tở, án sễq pởq cớp Yê-su tê. Ma Yê-su ớn án chu, cớp patâp án neq: <sup>39</sup> “Mới chu pở đồng mới. Chơ mới atõng loah tễ dũ ranáq Yiang Sursĩ khoiq chuai mới.”

Ngkiq cūai ki pởq dũ ntốq tâng vil án, cớp án atõng loah tễ dũ ranáq Yê-su khoiq táq chuai án.

*Yê-su Táq Bán Con Mansẽm Yaru Cớp Mansẽm Ca Satoaq Au Tuar Án*

*(Mathia 9:18-26; Mac 5:21-43)*

<sup>40</sup> Từ Yê-su chu loah coah đờq clóng ki, bũn cūai cứng tabõp án bũi o, yuaq alóí acoan án tâng ntốq ki. <sup>41</sup> Ma bũn manoaq ramứh Yaru toâq pở ki tê. Án la cūai ndõm muoi đồng sang tốp I-sarel tâng vil ki. Án sacõh racól cớp pữp cheq ayững Yê-su. Án sễq Yê-su toâq pở đồng án, yuaq con mansẽm án a-ĩ hập lứq. <sup>42</sup> Án bũn ớng muoi lám con ki toâp. Mansẽm ki mbõiq muoi chít la bar cumo, ma a-ĩ cheq ẽ cuchĩt.

Bo Yê-su pởq tâng rana, cứng lứq cūai nêt Yê-su. <sup>43</sup> Cớp bũn manoaq mansẽm õt ntốq ki bũn a-ĩ toõh siet khoiq muoi chít la bar cumo, ma aham tở nai yốt. Tĩen práq án ralõh cõ yõn noau palai, ma tở hũm bán. <sup>44</sup> Án cunhoar amut coah



clĩ Yê-su, chơ án cuvõ satoaq chẽu au tuar Yê-su. Bo ki toáp aham án yốt.

<sup>45</sup> Yê-su blóh neq: “Noau satoaq cứq?”

Ma aléq la tở bữn ngin. Chơ Phi-er pai neq: “Thâi ơi! Clứng lứq cũai ốt cheq thâi, cốp alỏi nết thâi.”

<sup>46</sup> Ma Yê-su pai loah neq: “Bữn cũai satoaq cứq, yuaq cứq sâng chóc loỏh tễ tễ cứq.”

<sup>47</sup> Tữ mansẽm ca satoaq au Yê-su dáng án tở têq cutooq noâng. Ngkíq tở án cangcoaih nheq, cốp án pũp asẽng cheq ayũng Yê-su. Mansẽm ki ngin pở Yê-su yáng moat máh cũai clứng ki. Án atõng Yê-su cổ nõq án toáp satoaq au Yê-su cốp án cõt bán thánq. <sup>48</sup> Yê-su ta-õi án neq: “Niang ơi! Cổ mới sa-âm, tở mới cõt bán. Mới chu ien khẽ.”

<sup>49</sup> Bo Yê-su noâng táq ntõng cốp mansẽm ki, bữn manoaq tễ dõng Yaru, án ca ndõm dõng sang, toáp pở Yaru cốp atõng án neq: “Con mansẽm mới khoiқ cuchĩt chơ. Mới chõi pakhoq noâng thâi.”

<sup>50</sup> Yê-su sâng cũai ki pai ngkíq, chơ án atõng Yaru neq: “Chõi ngcõh, mới sa-âm sâng. Ngkếq con mới lứq cõt bán loah.”

<sup>51</sup> Tữ Yê-su toáp pở dõng Yaru, án yõn Phi-er, Yacõ, Yang, cốp mpiq mpoaq amõq ki mut tâng dõng cốp án. Ma cũai canõh, án tở yõn mut.

<sup>52</sup> Nheq máh cũai nhiam atếh amõq ca khoiқ cuchĩt. Ma Yê-su pai neq: “Chõi nhiam. Án nâi tở bữn cuchĩt; án bẻq sâng.”

<sup>53</sup> Alói ca sâng Yê-su pai ngkíq, alói ayê ra-ac án, yuaq alói dáng raloaih con ki khoiq cuchĩt.

<sup>54</sup> Ma Yê-su tếc atĩ mansêm ca khoiq cuchĩt, cốp án arô neq: “Amõq ơi! Mới yuor tayúng!”

<sup>55</sup> Ngkíq raviei amõq ki chu loah pở án, cốp án yuor toáp. Chơ Yê-su ớn noau yỗn amõq cha sana. <sup>56</sup> Mpiq mpoaq amõq ki sâng dót lứq, ma Yê-su patáp alói chõn yỗn cũai canõh dáng tễ ranáq nãi.

## 9

### *Yê-su Ớn Tộp Muoi Chít La Bar Náq Pởq Atõng (Mathia 10:5-15; Mac 6:7-13)*

<sup>1</sup> Yê-su arô tộp muoi chít la bar náq rien tễ án toáp pở án. Án yỗn alói bữn chóc têq tuih aloõh yiang sâuq payõh cũai, cốp têq táq bán máh cũai a-ĩ. <sup>2</sup> Chơ án ớn alói pởq atõng tễ Yiang Sursĩ táq sốt, cốp án ớn alói táq bán máh cũai a-ĩ. <sup>3</sup> Án patáp alói neq: “Anhia chõn dững crong ntróu. Chõn dững ralõng. Chõn poac tũi. Chõn dững crong sana. Chõn dững práq. Cốp chõn dững bar ploah au. <sup>4</sup> Tữ anhia mut tâng vil, cóq anhia ốt muoi dõng sâng toau toáp anhia loõh tễ vil ki. <sup>5</sup> Khân anhia mut tâng vil léq, ma noau tở bữn roap cốp tabởp o anhia, toáp anhia loõh tễ vil ki, cóq anhia trutrẻh phõn cutễq tễ ayũng. Nãi la táq tếc cũai tâng vil ki tở bữn roap anhia.”

<sup>6</sup> Ngkíq alói pởq chu vil cót vil toáp cốp atõng parnai o tễ Yiang Sursĩ. Alói táq bán máh cũai a-ĩ.

*Hê-rôt Saria Sarnóm*  
(*Mathia 14:1-12; Mac 6:14-29*)

<sup>7</sup> Hê-rôt, án ca sôt tâng cruang Cali-lê, án sâng tễ máh ranáq Yê-su táq. Ngkíq án saria sarnóm, yuaq án sâng noau pai Yang dốq táq batêm khoiq tamong loah tễ cuchĩt.

<sup>8</sup> Bữn cũai pai Ê-li khoiq toâq loah chơ. Cóp bữn cũai pai manoaq tang bỗq Yiang Sursĩ khoiq tamong loah tễ cuchĩt. <sup>9</sup> Ma Hê-rôt pai neq: “Lứq cứq khoiq cồh tacong Yang, ma cũai nâi la noau, án ca cứq sâng noau pai án táq ranáq ngkíq?”

Ngkíq Hê-rôt chuaq ễ ramóh Yê-su.

*Yê-su Siem Sờng Ngìn Náq Cũai*  
(*Mathia 14:13-21; Mac 6:30-44; Yang 6:1-14*)

<sup>10</sup> Máh cũai ayững atĩ Yê-su chu atống loah án tễ máh ranáq alóí khoiq táq. Án dững alóí pờq cóp án chu muoi ntốq cheq vil Bet-sada. Ntốq ki tở bữn noau ốt. <sup>11</sup> Toâq máh cũai dáng Yê-su pờq chu ntốq ki, ngkíq cứng lứq alóí pờq puai án. Yê-su tabởp tabéh alóí, cóp án atống alóí tễ Yiang Sursĩ táq sôt. Cóp án táq bán cũai ca a-ĩ.

<sup>12</sup> Cheq moat mandang tahõr, tốp rien tễ Yê-su toâq pờ án cóp pai neq: “Sễq thâi ớn cũai cứng nâi chu pờ vil cót vil toâr mpễ nâi yỗn alóí chuaq ntốq ốt cóp chỡng bữm cớng sana cha, yuaq ntốq nâi yờng tễ cũai ốt.”

<sup>13</sup> Ma Yê-su atống alóí neq: “Anhia toâp yỗn alóí bữn cớng sana cha.”

Alóí ki pai neq: “Hếq bữn ống sỡng lám bễng cớp bar lám sĩaq. Thâi yoc hếq pỡq chỡng crớng sana yỗn cũai lứng nâi cha tỡ?”

14 Ớt tâng ntốq ki bữn sám sỡng ngin náq samiang carsai, ma tỡ bữn noap mansẽm cớp carnẽn. Chớ Yê-su atỡng tộp rien tễ án neq: “Anhia ớn nheq tữh cũai nâi tacu, muoi ntốq sám sỡng chít náq.”

15 Chớ tộp rien tễ Yê-su ớn cũai lứng ki tacu.  
16 Yê-su ít sỡng lám bễng cớp bar lám sĩaq. Chớ án tapoang achõn chu paloõng cớp sa-õn Yiang Sursĩ bữn crớng sana cha nâi. Moâm ki, án pĩh bễng cớp chiau pỡ tộp rien tễ án tampẽq yỗn nheq tữh cũai cha. 17 Nheq tữh cũai ki cha pasâi nheq. Moâm alóí cha, tộp rien tễ Yê-su parõm loah máh ngách bữn muoi chít la bar crớ.

*Yê-su Atỡng Tễ Án Cớq Chũuq Cuchĩt  
(Mathia 16:13-28; Mac 8:27-9:1)*

18 Bữn muoi tangái bo Yê-su ntôm câu manoaq án, tộp rien tễ án toâq pỡ án. Chớ Yê-su blớh alóí neq: “Máh cũai lứng pai cứq la noau?”

19 Alóí ta-õi neq: “Bữn cũai pai thâi la Yang đốq táq batẽm. Bữn cũai pai thâi la Ê-li. Cớp bữn cũai canõh ẽn pai thâi la cũai tang bỗq Yiang Sursĩ ca tamoong loah tễ cuchĩt.”

20 Yê-su blớh loah alóí neq: “Ma anhia pai cứq la noau?”

Phi-er ta-õi neq: “Thâi la Crĩt, án ca Yiang Sursĩ rườh đốq chuai amoong cũai!”

21 Yê-su patâp alóí chôi atõng yõn cũai canõh dáng tẽ ớc nâi. 22 Cóp án atõng ẽn neq: “Chumát cứq, Con Yiang Cõt Cũai, cóq chiũq sa-ũĩ ramũh túh coat. Máh cũai sõt nehq sâu, máh cũai sõt tốp tẽng rit sang Yiang Sursĩ, cóp máh cũai yõng rit, alóí kêt cứq, cóp cachĩt cứq. Ma catâm tangái pái, cứq yuor tamoong loah.”

23 Moâm ki, Yê-su atõng nehq alóí ki neq: “Khân bữn cũai aléq yoc ẽ puai cứq, cóq án táh chíq ngê án bữm. Cu rangái án cóq ỉt dõĩ bữm aluang sangcáng án, cóp cóq án puai cứq. 24 Cũai aléq ma paséq rangũh án, rangũh cũai ki lứq pút. Ma cũai aléq ma chiũq pút rangũh án cõ tian án puai ngê cứq, rangũh cũai ki lứq tở nai pút. 25 Khân cũai aléq bữn túc palẽc crong cróu tâng dõĩ nâi, ma án táh tở la pút rangũh án, ntróu kia yõn cũai ki? 26 Khân cũai aléq ma casiet táq tẽ cứq cóp tẽ parnai cứq yáng moat cũai tâng dõĩ nâi, nõ-ra cứq, Con Yiang Cõt Cũai, lứq casiet táq cũai ki tê tâng tangái cứq toâq loah pở cutẽq nâi. Tangái ki cứq toâq parnoi cóp máh ranẽng Yiang Sursĩ cóp bữn chóc ang-ũr tẽ Mpoaq cứq. 27 Cứq atõng anhia samoât lứq, bữn máh cũai ớt tayũng ntóq nâi sanua, alóí tở yũah cuchĩt toau alóí bữn hữm Yiang Sursĩ táq sõt.”

*Roâp Yê-su Cõt Mpha Ẽn*  
(*Mathia 17:1-8; Mac 9:2-8*)

28 Vót Yê-su pai máh santoiq ki, sám tacual tangái ẽn, án dũng Phi-er, Yang, cóp Yacở chõn nũng án tâng cóh đõq câu ngki. 29 Bo Yê-su câu,

án samblót cõt roâp mpha ên, cốp tampác án cõt cloc sarbal moat. <sup>30</sup> Bữn bar náq toâq táq ntõng cốp Yê-su la Mõi-se cốp Ê-li. <sup>31</sup> Roâp alói ang-ữr, cốp alói atõng tễ ranáq Yê-su táq yõn moâm toâq án chũuq cuchĩt tâng vil Yaru-salem. <sup>32</sup> Ma Phi-er cốp yóu án sâng ẽ bẻq. Tữ alói tamỡ, alói hữm ang-ữr roâp Yê-su, cốp bar náq cũai ki tayứng cốp Yê-su. <sup>33</sup> Tữ bar náq ki loõh tễ Yê-su, Phi-er atõng Yê-su neq: “Thâi ơi! Hái ớt nâi la o lứq. Hẻq ẽ táq pái lám nloâh, muoi lám yõn thâi, muoi lám yõn Mõi-se, cốp muoi lám ẽn yõn Ê-li.”

Ma Phi-er chuaq pai tỡ cõt ốc.

<sup>34</sup> Bo Phi-er noâng táq ntõng, bữn ramứl clũom alói. Ngkíq alói sâng ngcõh lứq. <sup>35</sup> Cốp bữn sường sabau atõng tễ ramứl ki neq: “Nâi la Con cứq, án ca cứq ayooq lứq. Ntróu án atõng, cóq anhia tamứng cốp trĩh án!”

<sup>36</sup> Tữ rangiac sường ki, alói hữm ớng Yê-su sâng ớt ntỏq ki. Ngkíq pái náq tốp rien tễ Yê-su tỡ bữn atõng yõn cũai canõh dáng tễ ranáq alói khoiq hữm, toau toâq tangái Yê-su cuchĩt cốp tamoong loah.

*Con Samiang Bữn Yiang Sâuq Payõh  
(Mathia 17:14-18; Mac 9:14-27)*

<sup>37</sup> Máh tangái parnỡ ẽn, toâq alói sẻng tễ cóh, bữn clứng lứq cũai toâq ramóh Yê-su. <sup>38</sup> Bữn manoaq tễ cũai clứng ki sabau casang lứq neq: “Thâi ơi! Cứq sẻq thâi nhẻng con samiang cứq. Cứq bữn ớng muoi lám án toâp. <sup>39</sup> Cốp yiang sảuq dỏq payõh án. Án dỏq hẻr toâq yiang sảuq

noac án, chơ loõh rapooh tẽ bõq. Yiang ki carnhoac-carnhúl, chơ tangút, ma án tỡ bữn táh tỡ con cứq! <sup>40</sup> Cứq khoiq canưi máh tộp rien tẽ thâi yõn tuih aloõh yiang sâuq tẽ tỡ con cứq, ma alóı tuih tỡ riap.”

<sup>41</sup> Yê-su ta-õı neq: “Anhia ơı! Anhia ca õt tâng dõı nâi tỡ bữn sa-âm cớp anhia loâi lứq! Noâng máh léq dũn cứq cớq õt cớp anhia, cớp chũuq anhia tỡ bữn sa-âm? Dũng con ki toâq pỡ cứq!”

<sup>42</sup> Bo carnẽn samiang ki toâq, yiang sâuq ki carvút cớp atâih án tâng cutẽq. Yê-su ớn yiang sâuq loõh toâp tẽ tỡ carnẽn ki. Chơ carnẽn ki cõt bán loah. Yê-su chiauh loah án pỡ mpoaq án.

<sup>43</sup> Nheq tữh cũai ki sâng dót tẽ Yiang Sursĩ bữn chóc toâr lứq tẽq táq ngkíq.

*Yê-su Atõng Loah Tẽ Án Cớq Chũuq Cuchĩt  
(Mathia 17:22-23; Mac 9:30-32)*

Bo máh cũai ki noâng sâng dót tẽ ranáq Yê-su táq ngkíq, ki Yê-su atõng tộp rien tẽ án neq: <sup>44</sup> “Anhia tamũng yõn samoât máh santoiq cứq atõng anhia sanua! Cheq chơ noau ẽ chiauh cứq, Con Yiang Cõt Cũai, pỡ atĩ cũai sốt!”

<sup>45</sup> Ma alóı tỡ bữn sapúh santoiq ki. Yiang Sursĩ cutooq ốc ki tỡ yõn alóı dáng. Cớp alóı tỡ khỏn blớh Yê-su tẽ ốc ki.

*Noau Toâr Clũı Nheq Tẽ Canõh?  
(Mathia 18:1-5; Mac 9:33-37)*

<sup>46</sup> Tộp rien tẽ Yê-su rasuon tẽ noau toâr clũı nheq tẽ canõh tâng tộp alóı. <sup>47</sup> Yê-su dáng alóı chanchóm tẽ ốc ki. Ngkíq Yê-su tếc muoi noaq

carnẽn yõn tayúng cheq án. <sup>48</sup> Cóp án atõng tốp rien tẽ án neq: “Cũai aléq roap carnẽn máh nâi cõ án sa-âm cứq, cũai ki lứq roap cứq tê. Cóp cũai aléq roap cứq, machóng cũai ki roap dềh án ca ớn cứq toâq pỡ nâi tê. Cũai aléq yoc ẽ cõt toâr clữi nheq tẽ canõh tâng tốp anhia, cóq cũai ki cõt cacót clữi nheq tẽ cũai canõh.”

*Aléq Ca Tỡ Bữn Par-ũal Hái Samoât Án Chuai Hái*  
(Mac 9:38-40)

<sup>49</sup> Yang atõng Yê-su neq: “Thâi ơ! Hếq khoi q hữm manoaq cũai tuih aloõh yiang sâuq, cóp án taléq ramứh thâi. Ma hếq tỡ yõn án táq noâng ranáq ngkíq, yuaq án tỡ bữn puai hái.”

<sup>50</sup> Ma Yê-su atõng loah Yang neq: “Anhia chõi catáng án. Cũai aléq ma tỡ bữn sanũi anhia, nâi la riang án chuai anhia tê.”

*Yê-su Pỡq Luat Vil Cũai Sa-mari*

<sup>51</sup> Cheq ẽ toâq tangái Yê-su chõn loah chu paloõng; ngkíq Yê-su chanchóm ẽ pỡq chu vil Yaru-salem. <sup>52</sup> Án ớn máh cũai dững parnai pỡq nhũang. Cũai ki mut tâng muoi vil cũai Sa-mari dõq thrũan yõn Yê-su toâq. <sup>53</sup> Ma cũai tâng vil ki tỡ bữn roap Yê-su, yuaq alóí dáng án ẽ pỡq pỡ vil Yaru-salem. <sup>54</sup> Toâq Yacỡ cóp Yang, la tốp rien tẽ Yê-su tê, alóí dáng ớc ki, ngkíq alóí blớh Yê-su neq: “Ncháu ơ! Ncháu yoc hếq arô ùih tẽ paloõng sễng chõng chíq alóí ki tỡ?”



<sup>55</sup> Ma Yê-su luliaq nhêng chu alóí, cốp án sươq alóí chõỉ chanchóm ngkíq. <sup>56</sup> Chơ alóí pờq chu vil canõh ên.

*Cóq Háỉ Táq Nỏq Ê Puaỉ Ngê Yê-su?*  
(*Mathia 8:19-22*)

<sup>57</sup> Bo alóí pờq tâng rana, bữn manoaq toâq pờ Yê-su cốp pai neq: “Thâỉ ơỉ! Pờ léq thâỉ pờq, cứq puaỉ thâỉ pờ ki tê.”

<sup>58</sup> Yê-su atõng án neq: “Ayoõng bữn cụp, chóm bữn sóh, ma Con Yiang Cõt Cũai tở bữn ntốq yõn án bẻq.”

<sup>59</sup> Yê-su ớn manoaq samiang canõh: “Mớỉ puaỉ cứq.”

Ma cũai ki ta-õỉ neq: “Ncháu ơỉ! Yõn mpoaq cứq cuchĩt voai. Toâq moâm cứq túp mpoaq cứq, cứq lứq puaỉ Ncháu.”

<sup>60</sup> Yê-su atõng loah án neq: “Yõn alóí ca tở bữn muoỉ mút cốp cứq, yõn chừm siem bữm cũai ca tở bữn muoỉ mút cốp cứq.\* Cóq mớỉ pờq atõng tẻ Yiang Sursĩ táq sốt.”

<sup>61</sup> Bữn cũai canõh pai neq: “Ncháu ơỉ! Cứq yoc ẻ puaỉ Ncháu tê, ma cứq sẻq chu cubán đống sữ cứq voai.”

<sup>62</sup> Yê-su atõng án neq: “Cũai táq vông tâng rô, khân án yõng acán cáỉ, cóq cũai ki chõỉ luliaq chu clĩ. Ngkíq rana vông lứq tanoang o. Cũai táq ranáq Yiang Sursĩ la machóng ki tê. Khân án bữn bar mút, Yiang Sursĩ lứq tở bữn táq sốt án.”

---

\* **9:60** 9:60 Tâng parnai Créc, santoiq Yê-su pai nâỉ la: ‘Yõn cũai cuchĩt túp cũai cuchĩt.’

# 10

## *Yê-su Ớn Tapul Chít La Bar Náq Pờq Táq Ranáq Án*

<sup>1</sup> Vớt ki ễn Yê-su rườh tapul chít la bar náq. Án ớn alóí ki pờq nhũang án, muoi tốp bar náq, mut nheq dũ vil dũ ntốq án chanchóm ễ pờq. <sup>2</sup> Án atỡng alóí ki neq: “Saro tâng sarái la-a khoi q chĩn lứq chơ, ma bữn bĩq náq cũai pờq sot saro ki. Cóg anhia câu sễq tễ Ncháu sarái yỗn án ớn sa-ữi náq pờq sot saro ki. <sup>3</sup> Anhia pờq! Cúq ớn anhia pờq samoât riang cừu con ớt mpứng dĩ acho cruang. <sup>4</sup> Anhia chỗi dững práq. Chỗi poac tũi riang cũai susễq. Chỗi dững bar cu cởp. Cóp toáq anhia ramóh yóu tâng rana, anhia chỗi tacu táq ntỡng cóp alóí. <sup>5</sup> Toáq anhia mut tâng đống aléq, tễ dâu lứq anhia pai neq: ‘Sễq Yiang Sursĩ chuai yỗn đống sũ nâi bữn bán sũan ien khễ níc.’ <sup>6</sup> Khân cũai ớt tâng đống ki lứq yoc Yiang Sursĩ táq yỗn alóí bữn ớc bốn ki, ki lứq Yiang Sursĩ yỗn. Ma khân alóí tở ễq, ki Yiang Sursĩ yỗn anhia ễn bữn ớc bốn ki. <sup>7</sup> Cóg anhia ớt muoi đống sâng. Anhia chỗi pờq ớt đống nâi đống ki. Cóp sana ntrớu cũai đống ki yỗn anhia cha, ki anhia cha sana ki. Cũai táq ranáq chuai cũai canỏh, cóq cũai canỏh chuai loah án táq ki, yỗn bữn cớng sana cha. <sup>8</sup> Toáq anhia mut tâng vil, khân cũai ki roap tabởp o cóq anhia, ngkĩq cóq anhia cha máh cớng sana alóí yỗn. <sup>9</sup> Tâng vil ki cóq anhia táq yỗn bán máh cũai a-ỉ. Cóp cóq anhia atỡng alóí neq: ‘Cheq chơ Yiang Sursĩ

táq sôt anhia.’ <sup>10</sup> Ma toâq anhia mut tâng vil cũai, ma cũai tâng vil ki tở bữn roap tabởp o chỏq anhia, ki cóq anhia loỏh loah chu rana cóp pai neq: <sup>11</sup> ‘Lứq samoât, phỏn cutểq tể vil anhia tớt tâng ayững hểq, lứq hểq trutrêh nheq phỏn cutểq ki tể ayững hểq, táq tểc anhia tở bữn roap hểq. Ma cóq anhia dáng samoât samỡi tề, khoiạ cheq chớ Yiang Sursĩ táq sôt!’ ”

<sup>12</sup> Chớ Yê-su atởng ển neq: “Cứq atởng anhia la toâq tangái Yiang Sursĩ rablớh nheq tữh cũai, án táq yỏn alới ca ỏt tâng vil ki bữn túh coat hỏn tể cũai tâng vil Sadôm tể mbỏq.”

*Yê-su Pupap Vil Ca Tở Ểq Sa-âm  
(Mathia 11:20-24)*

<sup>13</sup> “Bap lứq toâq pở anhia tâng vil Cờ-sín! Cóp bap lứq anhia ca ỏt tâng vil Bet-sada! Khân cứq táq ranáq salểh tâng vil Ti-rờ cóp vil Sadôn machớng cứq khoiạ táq tâng vil anhia chớ, ki dũn chớ cũai tâng vil ki ngin lỏih lểq cớt mút tamái ển. Cóp dũn chớ alới tâc tampác tanúh, cóp pức bởh tâng tở alới, táq tểc alới sâng ngua cở alới bữn lỏih. <sup>14</sup> Toâq tangái Yiang Sursĩ rablớh nheq tữh cũai, tangái ki án sâng sarũiq táq chỏq cũai tâng vil Ti-rờ cóp vil Sadôn hỏn tể án sâng sarũiq táq chỏq tởp anhia. <sup>15</sup> Cóp anhia ca ỏt tâng vil Cabê-na-um ới! Anhia chanchỏm anhia tềq chỏn bữm chu paloỏng tở? Lứq samoât, nỡ-ra Yiang Sursĩ apớng anhia tâng pớng sarloac!”

<sup>16</sup> Chớ Yê-su atởng neq chỏq tapul chít la bar náq ki: “Cũai alểq ma tamứng santoiạ anhia,

ki la machóng án tamúng santoiq cúq tê. Cóp cūai aléq ma tở ẽq tamúng santoiq anhia, ki la machóng án tở ẽq tamúng santoiq cúq tê. Cóp cūai aléq tở ẽq tamúng santoiq cúq, la machóng cūai ki tở ẽq tamúng santoiq án ca ớn cúq toàq tê.”

### *Tổp Tapul Chít La Bar Náq Píh Chu Loah*

<sup>17</sup> Tổp tapul chít la bar náq ki chu loah, cúp alóí sâng bũi lúq. Alóí atống Yê-su neq: “Ncháu ơi! Lúq samoât máh yiang sâuq trĩh parnai hếq bo hếq ớn alóí cúp hếq taléq ramúh Ncháu!”

<sup>18</sup> Yê-su atống loah alóí ki neq: “Cúq khoiq hũm yiang Satan satooh tẽ paloống cháí lúq, samoât riang lalieiq.\* <sup>19</sup> Anhia tamúng! Cúq yõn anhia bũn chóc yõn anhia têq tĩn cusân cúp pông cutiang, cúp yõn anhia riap chít loah yiang Satan. Cóp tở bũn ramúh ntróu têq táq anhia. <sup>20</sup> Ma anhia chõĩ ớn cõ yiang sâuq trĩh anhia. Cóp anhia ớn cõ Yiang Sursĩ khoiq chĩc ramúh anhia tâng paloống.”

### *Yê-su Sa-õn Mpoaq Án (Mathia 11:25-27; 13:16-17)*

<sup>21</sup> Bo ki Raviei Yiang Sursĩ yõn Yê-su sâng hữr lúq. Ngkíq án pai neq cúp Yiang Sursĩ: “Mpoaq cúq tâng paloống ơi! Mpoaq lúq la Ncháu paloống cúp Ncháu cốc cutẽq nâi! Cúq sa-õn mới khoiq apáh ngê mới yõn cūai ca samoât carnẽn cacót nâi, alóí ca tở yũah rien ntróu.

---

\* **10:18** 10:18 Yê-su atống yõn alóí dáng yiang Satan, án ca sớt nehq yiang sâuq, khoiq pút chóc án chơ.

Ma mới cutooq ngê nâi tẽ cũai rangoiq, alói ca khoiq rien sa-ũi. Lứq p̄ieiq, Mpoaq ơi, cứq khễn mới, yuaq ốc ki lứq o yáng moat mới.

22 “Dũ ramứh Mpoaq cứq khoiq chiau yỗn cứq. Tỡ bữn cũai aléq ma dáng dũ ốc tẽ Con Yiang Sursĩ. Ớng Mpoaq án toáp dáng dũ ốc ki. Cóp tỡ bữn cũai aléq ma dáng dũ ốc tẽ Mpoaq tâng paloõng. Ớng Con Yiang Sursĩ toáp dáng dũ ốc ki. Cóp cũai aléq Con Yiang Sursĩ rươh, lứq án apáh yỗn cũai ki dáng tẽ Mpoaq tâng paloõng.”

23 Moâm ki Yê-su p̄ih loah moat chu tốp rien tẽ án. Án atõng ớng alói ki sâng neq: “Bổn lứq cũai aléq ma bữn hữm máh ramứh anhia hữm. 24 Cứq atõng anhia samoât lứq, bữn sa-ũi náq cũai tang bõq Yiang Sursĩ, cóp bữn sa-ũi náq puo yoc lứq ẽ hữm máh ranáq anhia hữm sanua, ma alói tỡ bữn hữm. Cóp alói yoc lứq ẽ sâng máh ốc anhia sâng sanua, ma alói tỡ tẽq bữn sâng.”

### *Yê-su Sacâm Tẽ Cũai Sa-mari*

25 Bữn manoaq cũai thâi atõng phếp rit I-sarel toâq pỡ Yê-su. Án blóh chim Yê-su ẽq Yê-su tỡ dáng ta-ũi. Án pai neq: “Thâi ơi! Ntróu cứq táq yỗn cứq bữn tamoong mantái?”

26 Yê-su ta-ũi neq: “Tâng phếp rit Yiang Sursĩ khoiq chĩc ntróu? Toâq anhia doc, ntróu anhia sâng tẽ parnai ki?”

27 Cũai ki ta-ũi loah neq: “Parnai Yiang Sursĩ atõng neq: ‘Cóq anhia ayooq Yiang Sursĩ, la

Ncháu anhia, nheq tễ mút pahõm, nheq tễ rangúh rahõ, cớp nheq tễ sarnóm anhia.’☆

Cớp án pai ễn neq: ‘Cớq anhia ayooq yóu machóng anhia ayooq tỗ anhia bữm.’ ”☆

<sup>28</sup> Yê-su ta-õi cūai ki neq: “Lứq p̄ieiq mới pai. Khân mới táq ngkíq, lứq mới bữn tamoong mantái.”

<sup>29</sup> Ma cūai ki, án yoc apáh mút án, ễq Yê-su pai án la cūai tanoang o. Ngkíq án blóh ễn Yê-su neq: “Noau la yóu cứq?”

<sup>30</sup> Yê-su ta-õi parnai sacâm neq:

“Bữn manoaq cūai samiang p̄õq tâng rana sễng tễ vil Yaru-salem p̄õq chu vil Yê-ri-cô. Bo án p̄õq tâng rana ki, bữn cūai savễng palóng pữn nheq crong án. Cớp alóí toân án hõ. Cheq án ễ cuchĩt, alóí lúh táh chíq án. <sup>31</sup> Tangái ki bữn manoaq tễ tỗp tễng rit sang Yiang Sursĩ p̄õq rana ki tê. Án hữm cūai cheq ễ cuchĩt ki, ma án p̄õq viaq chíq. <sup>32</sup> Machóng ki tê toâq cūai táq ranáq tâng đống sang. Án hữm cūai bớc ki, án toâq ngơ mahõĩ, chơ án p̄õq viaq chíq tễ cūai ki. <sup>33</sup> Ma bữn manoaq tễ cruang Sa-mari p̄õq tâng rana ki tê. Án hữm cūai bớc ki, cớp án sâng sarũiq táq cūai ki. <sup>34</sup> Án toâq p̄õ cūai bớc ki, tỗh đõq rahâu cớp blống tâng ntốq bớc, chơ tĩan toâq aroâiq. Moâm ki án acốq cūai bớc ki achõn tâng aséh đến án, chơ án đững cūai ki toâq p̄õ đống noau siem cūai cớp yỗn cūai bếq. Ớt ngki cūai Sa-mari ki chừm siem cūai bớc ki. <sup>35</sup> Toâq tangái parnõ

☆ 10:27 10:27 Patâp Loah 6:5 ☆ 10:27 10:27 Lê-vi 19:18

án ãt bar ọc práq tẽ tũn án yõn pũ cũai ncháu đõng. Cớq án patâp ncháu đõng ki neq: ‘Cứq sễq anhia nhêng chuai cũai nâi. Cớq nõ pra cứq chu loah rana nâi, maléq sa-ũri práq anhia pút yõn án cha, cứq culáh loah yõn anhia.’ ”

<sup>36</sup> Moâm Yê-su atõng parnai sacâm nâi, án blớh cũai ca chim án neq: “Tẽ cũai pái náq pờq rana ki, aléq la yóu manoaq savẽng noau táq ki?”

<sup>37</sup> Án ca atõng phễp rit I-sarel ta-õi loah Yê-su neq: “Cũai ca chuai án, ki lữq yóu án.”

Ngkíq Yê-su atõng loah án neq: “Cóq mới pờq táq machóng cũai ki tê.”

### *Yê-su Pờq Sa-óh Mathê Cớq Mari*

<sup>38</sup> Bo Yê-su cớq tốp rien tẽ án pờq tâng rana, alới mut tâng muoi vil. Tâng vil ki bữn manoaq mansẽm, ramứh Mathê. Mathê nâi roap tabõp o chóq Yê-su yõn Yê-su mut tâng đõng án.

<sup>39</sup> Mathê nâi bữn a-ẽm mansẽm, ramứh Mari. Mari tacu cheq ayũng Yê-su cớq tamứng parnai Yê-su atõng. <sup>40</sup> Ma Mathê, án miaq tál sa-ũri ranáq. Ngkíq án toâq pũ Yê-su cớq pai neq: “Ncháu ời! A-ẽm cứq yõn manoaq cứq sâng táq ranáq nâi. Nỏq Ncháu chanchóm tẽ ọc ki? Cứq sễq Ncháu ớn a-ẽm cứq toâq chuai cứq nứng.”

<sup>41</sup> Ma Yê-su ta-õi án neq: “Ớ Mathê, Mathê ời! Coat lữq yõn mới; mới croõq cớq tál sa-ũri ranáq.

<sup>42</sup> Ma bữn muoi ramứh sâng cóq mới rườh. Mari khoiq rườh chơ ramứh ki, cớq ramứh ki noau tở tềq ãt loah tẽ án.”

# 11

## *Yê-su Atông Tể Santoiq Câu (Mathia 6:9-13; 7:7-11)*

<sup>1</sup> Bữn muoi tangái Yê-su ớt câu tâng muoi ntốq. Moâm án câu, bữn manoaq tể tốp rien tể án sểq neq: “Ncháu ơi! Sểq Ncháu atông hếq yỗn dáng câu, machóng Yang khoiq atông tốp rien tể án.”

<sup>2</sup> Yê-su atông alóir neq: “Toâq anhia câu, anhia câu neq:

‘Cucốh Mpoaq hếq ơi!

Sểq anhia yỗn nheq tữh cũai yám noap ramứh anhia.

Sểq anhia cốt sốt tâng mút pahỡm cũai.

<sup>3</sup> Sểq anhia yỗn hếq khám cha tangái nài.

<sup>4</sup> Sểq anhia táh lôih hếq khoiq táq chơ, yuaq hếq táh lôih noau táq chóc hếq.

Sểq anhia chỗi yỗn yang Satan radững hếq táq ranáq sáuq.’ ”

<sup>5</sup> Yê-su atông ễn tốp rien tể án neq: “Cứq sacâm neq: Sacâm anhia bữn yóu, cớp anhia pớq đống án, ma khoiq muoi mpút, cớp anhia pai neq: ‘Ai ơi! Cứq sểq mian pái long racáu mới,

<sup>6</sup> yuaq bữn cũai tamoi toâq pớ đống cứq, ma cứq tở bữn ntróu ể aloỏh yỗn tamoi cha.’ <sup>7</sup> Cỏh lơ yóu ki ể ta-ỡi anhia neq: ‘Mới chỗi arô cứq sanua, yuaq cứq khoiq cloaih toong chơ. Cứq cớp con acái cứq khoiq bếq. Cứq tở tềq yuor ỉt yỗn mới.’ <sup>8</sup> Ma cứq atông anhia neq: Tam yóu ki tở ểq yuor ỉt racáu yỗn anhia cữ anhia la yóu án, ma lứq samoât án yuor ỉt yỗn anhia yuaq anhia pakhoq ntếq án. <sup>9</sup> Cớp cứq atông anhia



neq: Khân anhia sêq, ki anhia bữn. Khân anhia chuaq, ki anhia ramóh. Khân anhia cucốq toong, ki noau phóh yỗn. <sup>10</sup> Yuaq dũ náq cũai ca sêq, ki án bữn. Aléq chuaq, ki án ramóh. Aléq cucốq toong, ki noau phóh yỗn. <sup>11</sup> Máh anhia ca bữn con chơ, khân con anhia sêq sĩaq, anhia yỗn án cusân tở? <sup>12</sup> Cóp khân án sêq tarểl ntruoi, anhia yỗn án pông catiang tở? <sup>13</sup> Anhia la moang cũai loài, ma noâng anhia dáng yỗn crớng o pở con anhia. Casõn Mpoaq anhia tâng paloõng, án lứq yỗn anhia bữn Raviei án khân anhia sêq tể án!”

*Yê-su Cóp Bên-sabul*

*(Mathia 12:22-30, 43-45; Mac 3:20-27)*

<sup>14</sup> Bo ki Yê-su tuih aloõh yiang sâuq ca táq yỗn manoaq cũai cõt ngong. Tữ Yê-su tuih aloõh yiang sâuq, cũai ki têq táq ntõng loah. Máh cũai cứng ki sâng dót lứq. <sup>15</sup> Ma bữn cũai tể tốp alóí pai neq: “Án nâi tuih aloõh yiang sâuq cõ nhơ yiang Bên-sabul yỗn án bữn chớch táq ranáq ki. Yiang Bên-sabul nâi la sốt nheq máh yiang sâuq.”\*

<sup>16</sup> Cóp bữn cũai canõh yoc ẽ chim Yê-su; chơ alóí sêq muoi tể tể án, án lứq bữn chớch tể Yiang Sursĩ. <sup>17</sup> Ma Yê-su dáng alóí chanchóm ngkíq, chơ án atõng alóí neq: “Khân bữn muoi cruang ma tốp nâi rachíl tốp ki, lứq tở bữn cõt noâng cruang. Cóp khân bữn muoi đống sũ ma manoaq ralõih chớq manoaq, lứq tở bữn cõt noâng đống sũ. <sup>18</sup> Khân tốp yiang Satan, ma manoaq rachíl

\* **11:15** 11:15 Bữn cũai đốq yiang Satan la yiang Bên-sabul.

manoaq, lúq tở bữn cõt noâng tồp yiang Satan. Anhia pai cứq tuih aloõh yiang sâuq cõ nhơ yiang Bêh-sabul yõn cứq bữn chớq. <sup>19</sup> Ma khân tồp puai anhia táq ranáq machớng ki tê, anhia tở bữn pai alóh bữn chớq tể yiang Bêh-sabul. Ngkíq, lúq samoát tể tồp anhia toáp tểq anhia bữm. <sup>20</sup> Ma khân cứq tuih aloõh yiang sâuq cõ nhơ Yiang Sursĩ yõn cứq táq, ki ranáq nâi apáh yõn anhia dáng Yiang Sursĩ táq sớt khoiq toáp pở anhia chơ.

<sup>21</sup> “Khân bữn cũai bán rêng lúq, cốp án bữn sa-ữi crớng pla đởq rabán kĩaq crớng án, cũai canõh lúq tở tềq talõh crớng án. <sup>22</sup> Ma khân bữn cũai bán rêng hõn tể án, cũai ki lúq riap chíl án, cốp ỉt nheq crớng pla tể án, chơ tampểq yõn cũai ca pởq parnơi cốp án.†

<sup>23</sup> “Cũai aléq ma tở bữn pruum muoi mút cốp cứq, cũai ki lúq tở ểq cứq. Cốp cũai aléq ma tở bữn đừng cũai canõh toáp pở cứq, la machớng án tở ểq cũai canõh puai ngê cứq tê.

<sup>24</sup> “Toáp yiang sâuq loõh tể tồ cũai, chơ yiang sâuq ki pởq tâng nốq sa-õt. Án chuaq nốq ể rlu, ma án tở bữn ramóh. Chơ án chanchóm neq: ‘Cứq ể chu loah pở nốq cứq khoiq loõh tể nhũang.’ <sup>25</sup> Tữ án chu pở nốq ki, án hữm ống nốq miat. Khoiq bráh briel, cốp máh crớng tâng nốq ki khoiq atức carsĩat nheq chơ. <sup>26</sup> Chơ án pởq coaiq cốp đừng achu tapul lám yiang sâuq

† **11:22** 11:22 Yê-su sacâm neq: ‘Cứq bán rêng hõn tể yiang Satan. Ngkíq cứq tềq chíl riap án, cốp ỉt nheq crớng pla tể án, chơ tampểq yõn máh cũai ca puai cứq.’

yõn õt parnoi cốp án tâng ntốq ki. Mách yiang ki la sáuq hõn tẽ án. Ngkíq throq cũai ki cõt sáuq clũi tẽ nhũang ẽn.”

<sup>27</sup> Bo Yê-su atõng parnai ki, bữn manoaq mansẽm tẽ cũai clũng pai casang lữq chỏq án neq: “Bốn lữq mansẽm ca canõt thâi, cốp yõn thâi pu tóh!”

<sup>28</sup> Ma Yê-su atõng loah án neq: “Ốc ki la pĩeiq tê, ma bốn hõn tẽ ki ẽn la cũai ca tamứng parnai Yiang Sursĩ cốp trĩh máh ốc ki!”

*Cũai Clũng Sẻq Yê-su Táq Ranáq Salẻh  
(Mathia 12:38-42)*

<sup>29</sup> Bo cũai clũng õt rôm pẻ Yê-su, án atõng alỏi neq: “Loài lữq máh cũai õt tâng dỏi nâi! Alỏi sẻq tẽ cứq muoi tẻc salẻh, ma cứq tở bữn táq yõn alỏi. Yuaq alỏi khoiq bữn chơ tẻc salẻh tẻ Yô-na, la cũai tang bỏq Yiang Sursĩ tẻ mbỏq.

<sup>30</sup> Yô-na la muoi tẻc salẻh yõn máh cũai tâng vil Ni-navê. Machóng ki tê cứq, Con Yiang Cốt Cũai, la muoi tẻc salẻh yõn máh cũai tâng dỏi nâi.

<sup>31</sup> Toâq tangái Yiang Sursĩ rablỏh neq tữh cũai, mansẽm puo tẻ mbỏq ca sớt tâng cruang Sê-ba, án tẻq cũai tâng dỏi nâi. Án tẻq tẻq ngkíq, yuaq án toâq tẻ cruang yớng lữq yoc ẽ tamứng ốc rangoaiq tẻ puo Sa-lamôn. Ma sanua, tâng ntốq nâi bữn manoaq rangoaiq hõn tẻ Sa-lamôn!

<sup>32</sup> Toâq tangái Yiang Sursĩ rablỏh neq tữh cũai, máh cũai tẻ vil Ni-navê tẻ mbỏq tẻq máh cũai tâng dỏi nâi. Alỏi tẻq tẻq ngkíq, yuaq toâq alỏi sâng parnai Yô-na atõng, alỏi ngin lỏih toập cốp

lêq cõt mút tamái ẽn. Ma sanua, tâng ntốq nâi bữn manoaq toâr hỡn tẽ Yô-na!”

*Yê-su Sacâm Tẽ Chớp Tóu*  
(*Mathia 5:15; 6:22-23*)

<sup>33</sup> Yê-su atỡng ẽn neq: “Tỡ bữn noau tacât chớp tóu, chớ pul cutooq, tỡ la catúp chớq khang. Ma lứq noau đốq tâng rông, yỗn dũ náq cũai mut têq hữm poang. <sup>34</sup> Moat cũai la samoât riang tabong yỗn tỡ. Khân moat anhia ma hữm, ki nheq tỡ anhia cõt poang. Ma khân moat anhia tỡ bữn hữm, ki nheq tỡ anhia cõt canám nheq. <sup>35</sup> Ngkíq cóq anhia nhêng yỗn samoât. Cõh lơ ngê anhia chanchóm poang, tỡ bữn lứq poang. <sup>36</sup> Khân anhia ma puai ốc poang, cóp tỡ bữn puai ốc canám ntrớu, ngkíq mút pahỏm anhia lứq cõt poang nheq. Nâi la samoât riang chớp tóu claq yỗn anhia têq hữm poang.”

*Yê-su Tếq Mách Cũai Pha-rasi Cớp Mách Cũai Yống Rit*  
(*Mathia 23:1-36; Mac 12:38-40*)

<sup>37</sup> Moâm Yê-su noâng atỡng ngkíq, bữn manoaq tẽ tốp Pha-rasi mớ Yê-su toâq cha muoi pêl pỡ đống án. Ngkíq Yê-su pỡq cha. <sup>38</sup> Ma cũai Pha-rasi ki, toâq án hữm Yê-su tỡ bữn ariau atỉ puai rit nhũang ẽ cha, án sâng dốt lứq. <sup>39</sup> Ngkíq Yê-su atỡng cũai ki neq: “Anhia tốp Pha-rasi bữn mút pahỏm samoât riang tangan cóp padien noau ariau ểq bráh ống yáng tiah, ma tâng clống moang nhợp. Nhợp ki la anhia rapón crớng noau cóp anhia loâi lứq! <sup>40</sup> Ở anhia ca sacũl

lứq ơi! Án ca tểng tở cũai, lứq án tểng dểh mút pahỏm cũai hỡ. <sup>41</sup> Ma cóq anhia bữn mút pahỏm yoc ẽ chuai cũai cadĩt. Ngkíq anhia cõt bráh dểh yáng clống cớp yáng tiah.

<sup>42</sup> “Bap lứq toâq pỡ anhia cũai Pha-rasi! Lứq anhia chiau sang yỏn Yiang Sursĩ pún muoi chít tể bát bai asai sakieu anhia. Ma anhia tở bữn trỉh parnai án patâp yỏn táq tanoang tapúng cớp ayooq Yiang Sursĩ samoât samoi. Cứq tở bữn yỏn anhia táh ranáq chiau sang ki, ma bar ốc ntun ki la cóq anhia táq.

<sup>43</sup> “Bap lứq toâq pỡ anhia cũai Pha-rasi ơi! Anhia yoc lứq ẽ bữn cachong tacu o clữi nehq tể canỏh tâng đống sang. Cớp anhia yoc cũai canỏh tabỏp o anhia bo anhia ốt cớp cũai clúng.

<sup>44</sup> Bap lứq toâq pỡ anhia cũai Pha-rasi ơi! Anhia la samoât riang ping cumuiq noau tở bữn táq tểc. Ngkíq cũai canỏh pỡq cớp tĩn ping ki, ma alói tở bữn dáng ntốq ki la nhọp lứq.”

<sup>45</sup> Bữn manoaq cũai atởng phếp rit pai chỏq Yê-su neq: “Thâi ơi! Thâi pai ngkíq, la machống thâi tểq hểq ca atởng phếp rit tê!”

<sup>46</sup> Yê-su atởng án neq: “Bap lứq toâq pỡ anhia ca atởng phếp rit! Anhia atởng cũai canỏh yỏn puai phếp rit coat lứq, ariang anhia yỏn alói dỏl crong ntâng. Ma atĩ anhia tở bữn ít chuai ntrầu crong ntâng tể alói. <sup>47</sup> Bap lứq toâq pỡ anhia! Anhia táq ping o yỏn cũai tang bỗq Yiang Sursĩ, ma lứq achúc achiac anhia toâp khoiq cachĩt chíq cũai tang bỗq Yiang Sursĩ ki. <sup>48</sup> Ngkíq, nâi la machống anhia pruum cớp ranáq achúc achiac

anhia khoiq táq, yuaq alóí khoiq cachĩt máh cūai tang bõq Yiang Sursĩ, chơ anhia táq ping yõn máh cūai tang bõq ki. <sup>49</sup> Ma ốc rangoaiq tẽ Yiang Sursĩ atõng neq: ‘Nữ-ra cứq ớn máh cūai tang bõq cứq cớp máh cūai ayũng atĩ cứq toâq pỡ alóí. Bữn cūai tẽ tồp ki alóí ẽ cachĩt, cớp bữn cūai canõh alóí ẽ toân.’ <sup>50</sup> Ngkíq tột alóí ca khoiq cachĩt máh cūai tang bõq, tột ki Yiang Sursĩ yõn toâq pỡ máh cūai tâng dõih nâi hỡ. <sup>51</sup> Tột ki bữn tẽ tangái noau cachĩt Aben, yõn toau toâq tangái noau cachĩt Sa-chari. Noau khoiq cachĩt Sa-chari tâng clõng Dõng Sang Toâr cheq prõng sang. Cứq atõng anhia samoât lứq, dũ ramứh tột ki lứq toâq pỡ cūai tâng dõih nâi!

<sup>52</sup> “Bap lứq toâq pỡ anhia cūai atõng phễp rit, yuaq anhia tỡ ẽq puai ngê Yiang Sursĩ samoât lứq. Cớp khân cūai canõh yoc ẽ puai, la anhia tỡ bữn yõn! Nâi la ariang anhia cloaih ngoah toong anhia tỡ ẽq mut, cớp tỡ yõn cūai canõh mut tê!”

<sup>53</sup> Toâq Yê-su loõh tẽ dõng ki, máh cūai yõng rit cớp máh cūai Pha-rasi, alóí aloõh ngê ẽ chíl Yê-su, cớp alóí blóh án tẽ sa-ũih ramứh. <sup>54</sup> Alóí tutuaiq tamứng níc yoc ẽ ramóh Yê-su pai ốc lõih, dõq alóí tẽq cauq án.

## 12

*Parnai Patâp Yõn Nheq Tũh Tồp Rien Tẽ Án  
(Mathia 10:26-33; 12:32; 10:19-20; Mac 8:15)*

<sup>1</sup> Bo ki bữn cūai tỡ dáng sếq ngin ốt rôm ngki. Clứng lứq cūai, toau manoaq tĩn ayũng

manoaq. Dâu lúq Yê-su atông tốp rien tễ án neq: “Cóq anhia ớt yong tễ crong táq yõn bẽng mi cõt pluoih tễ tốp Pha-rasi. Crong ki la alói táq nan puai ngê Yiang Sursĩ. <sup>2</sup> Khân bữn ramúh ntróu noau pul cutooq sanua, chumát noau tở têq pul cutooq noâng. Cóp ranáq ntróu noau táq clõp sanua, chumát noau tở têq táq clõp noâng. <sup>3</sup> Ngkíq, santoiq ntróu anhia khoiq atông yõn bĩq náq dáng, nỡ-ra clúng lúq cũai dáng santoiq ki. Cóp ốc ntróu anhia racháp tâng cutũr cũai tâng clóng clõp, nỡ-ra dũ cruang bữn dáng tễ ốc ki.

<sup>4</sup> “Anhia la yóu cứq. Cứq atông anhia samoât lúq neq: Chõih ngcõh cũai ca têq cachĩt tở anhia, ma vót alói cachĩt anhia, alói tở têq táq ntróu chóq raviei anhia. <sup>5</sup> Ma cứq atông anhia dáng cóq anhia ngcõh noau. Cóq anhia ngcõh Yiang Sursĩ, yuaq Yiang Sursĩ têq cachĩt tở anhia, cóp raviei anhia têq án apống tâng pống sarloac. Cứq atông anhia samoât lúq, cóq anhia ngcõh án!

<sup>6</sup> “Anhia dốq chõng sỡng lám chóm tẻc-tẻc, ma kia án bĩq lúq. Ma Yiang Sursĩ tở bữn khlĩr lám léq tễ máh chóm ki. <sup>7</sup> Lúq samoât, dũ ntreh sóc tâng plõ anhia, Yiang Sursĩ khoiq ngh chơ. Ngkíq, anhia chõih ngcõh ntróu noâng, yuaq rangúh anhia Yiang Sursĩ pasẻq hỡn tễ sa-ũih lám chóm tẻc-tẻc.

<sup>8</sup> “Cóp cứq atông anhia neq: Cũai alẻq ma ngin yáng moat cũai canõh, pai án puai muoi mút cóp cứq, machớng ki tẻ cứq, Con Yiang Cõt Cũai, ngin loah cũai ki yáng moat máh ranẻng Yiang Sursĩ. <sup>9</sup> Ma khân cũai alẻq calõih cứq yáng moat

cūai canõh, machóng ki tê cứq calõih loah cūai ki yáng moat máh ranẽng Yiang Sursĩ tâng paloõng tê.

<sup>10</sup> “Cūai aléq ma acrieiq cứq, Con Yiang Cõt Cūai, ki têq Yiang Sursĩ táh lôih án. Ma khân cūai aléq ma acrieiq Raviei Yiang Sursĩ, lứq Yiang Sursĩ tở nai táh lôih cūai ki.

<sup>11</sup> “Toâq noau dững anhia pở dống sang, tở la yáng moat cūai sõt, anhia chõỉ clong nhũang ntróu anhia yoc ẽ pai. <sup>12</sup> Lứq bo ki toâp Raviei Yiang Sursĩ ẽ atõng anhia máh santoiq anhia cóq pai.”

### *Yê-su Sacâm Tẽ Cūai Sốc Bữn*

<sup>13</sup> Bữn manoaq tẽ cūai cứng ki pai chóq Yê-su neq: “Thâi ơi! Sẽq thâi ớn ai cứq tampẽq mun mpoaq hẽq yõn cứq.”

<sup>14</sup> Yê-su blớh cūai ki neq: “Noau yõn cứq bữn chóc dõq sữq anhia cóp tampẽq mun anhia bar náq?”

<sup>15</sup> Chơ án atõng máh cūai mpẽr ki neq: “Anhia kĩaq yõn samoât, ngcõh mút pahõm anhia cõt ham dóc, yuaq cūai tở bữn tamoong cõ nhơ bữn crong sa-ũi.”

<sup>16</sup> Yê-su atõng alớỉ toâq parnai sacâm neq: “Bữn cūai sóc, sarái án cõt palâi sa-ũi lứq.

<sup>17</sup> Cūai ki chanchóm neq: ‘Tở bữn noâng ntóq cứq ẽ dõq máh palâi tẽ sarái cứq. Nỏq cứq ẽ táq sanua?’ <sup>18</sup> Chơ án chanchóm ẽn neq: ‘Cứq táq neq: Cứq talõh dống tiaq, cóp táq loah dống tamái yõn toâr hỡn ẽn. Chơ cứq parõm dõq máh saro cóp máh crong cứq tâng dống ki. <sup>19</sup> Chơ



cứq chanchóm neq hõ: Cứq bữn sa-ũi lứq. Sa-ũi cumo cứq tở bữn túh cóq tutáq, ma cứq bữn dũ cha. Cứq õt ien, tâc sâng, nguaiq cha sâng.’ Ngkíq cũai sốc ki chanchóm. <sup>20</sup> Ma Yiang Sursĩ pai chók cũai ki neq: ‘Mới sacũl lứq. Sadâu nâi toâp nheq anhúq mới. Chơ máh sanốc mới pachúm parôm cõt khong noau?’ ”

<sup>21</sup> Chơ Yê-su pai neq: “Machóng cũai ki tê Yiang Sursĩ táq yõn cũai ham cóp parôm sa-ũi crong, alói tở bữn sốc ntróu yáng moat Yiang Sursĩ.”

*Yê-su Atõng Tễ Ồc Clong  
(Mathia 6:25-34)*

<sup>22</sup> Chơ Yê-su atõng tốp rien tễ án neq: “Ngkíq cứq atõng anhia neq: Anhia chõi clong tễ sana anhia ẽ cha tở la tampác anhia ẽ tâc. <sup>23</sup> Hái bữn tamong la toâr hõn tễ hái bữn sana cha. Cóp hái bữn tở chác la toâr hõn tễ hái bữn tampác tâc. <sup>24</sup> Anhia nhêng chu chóm ca-ac. Chóm ki tở bữn choat choi, tở bữn sot, cóp tở bữn đõq sana ntróu tâng đõng. Ma Yiang Sursĩ lứq chừm siem chóm ki. Casõn anhia, Yiang Sursĩ pasêq hõn tễ máh chóm. <sup>25</sup> Tở bữn cũai aléq ma têq to anhúq án yõn cõt cuti hõn cõ tễ án clong la-õq. <sup>26</sup> Khân anhia ma tở têq táq muoi ranáq cõt ngkíq, nõq anhia clong níc tễ ramứh canõh?

<sup>27</sup> “Anhia nhêng chu piar bát. Piar ki tở bữn túh táq ranáq ntróu tễ tampác tâc. Ma cứq atõng anhia samoât lứq neq: Puo Sa-lamôn ca sốc lứq, án tở bữn sóp tampác nêuq ariang piar nâi. <sup>28</sup> Lứq Yiang Sursĩ toâp yõn piar bát cõt

nêuq. Ma piar tamoong mahôi sâng. Tangái nâi án cháh, tangái parnõ án rangôm. Lứq samoât, clũĩ tẽ piar ki Yiang Sursĩ yõn anhia bữn tampác tâc. Cỗ nõq anhia sa-âm ma bĩq lứq? <sup>29</sup> Anhia chõĩ cọng ntrứu tẽ cọng nguaiq cha. <sup>30</sup> Mách ramứh nâi cũai ca tở bữn dáng Yiang Sursĩ đốq cọng. Ma Mpoaq anhia tâng paloõng khoiq dáng chơ anhia cóq bữn máh ramứh ki. <sup>31</sup> Ma cóq anhia chuaq yõn Yiang Sursĩ cõt sốt tâng mút pahõm anhia. Khân ngkiq, án lứq yõn anhia bữn máh ramứh ki hữ.

<sup>32</sup> “Anhia la yóu cứq ơi! Anhia bĩq náq, ma chõĩ ngcõh ntrứu, yuaq Mpoaq anhia tâng paloõng sâng bũi pahõm yõn anhia bữn chóc tâng ntốq án sốt. <sup>33</sup> Cóq anhia chẻq mun anhia; chơ chuai cũai cadĩt. Cóp cóq anhia ít cọng ngoaih ca tở bữn têq rúng; chơ đốq máh cọng ngoaih anhia tâng paloõng. Cọng tở nai pứt; savẽng tở têq mut tutuoiq, cóp lamooh la tở têq cha. <sup>34</sup> Yuaq tâng ntốq aléq anhia đốq máh mun anhia, mút pahõm anhia ốt chanchóm níc chu ntốq ki.”

### *Yê-su Atõng Tẽ Thrũan Táq Ranáq*

<sup>35</sup> “Cóq anhia thrũan nhũang cóp cóq anhia ốt trõĩ níc. <sup>36</sup> Anhia cóq táq machống cũai táq ranáq đốq acoan ncháu alóĩ chu tẽ cõl. Toâq ncháu chu, ncháu cucốq ngoah toong. Chơ alóĩ pớh toáp yõn ncháu alóĩ. <sup>37</sup> O lứq toâq ncháu chu cóp hữm máh cũai táq ranáq án ốt coan níc cóp tở bữn bẻq. Ngkiq, máh cũai táq ranáq ki sâng bũi tê, yuaq ncháu alóĩ khoiq hữm alóĩ táq

ngkíq. Cúq atǒng anhia samoât lúq, ncháu ki thrũan hâu loah alóí. Án yǒn máh cũai táq ranáq án tacu, cóp án toáp yǒn alóí crong sana cha. <sup>38</sup> Pǐeiq ncháu ki chu muoi mpút tǒ la chu cláih lúq cǒng bũn. Ma máh cũai táq ranáq án noâng sâng bũi óh lúq, yuaq alóí khiq thrũan đǒq chơ. <sup>39</sup> Cóq anhia dáng neq tê la khân ncháu đǒng dáng bo léq cũai savěng ẽ mut tutuoiq tâng đǒng án, lúq án trǒi níc tǒ yǒn cũai savěng têq mut tutuoiq tâng đǒng án. <sup>40</sup> Máh ki tê, cóq anhia thrũan acoan níc, yuaq anhia tǒ dáng bo léq cúq la Con Yiang Cốt Cũai toâq loah. Cúq lúq toâq bo anhia tǒ bũn chanchóm ntróu tẽ cúq toâq.”

*Noau La Sũl O Cóp Sũl Tǒ Bũn O?  
(Mathia 24:45-51)*

<sup>41</sup> Chơ Phi-er blóh Yê-su neq: “Ncháu oi! Ncháu atǒng parnai sacâm nâi yǒn óng hếq, tǒ la Ncháu atǒng yǒn dũ náq cũai hǒ?”

<sup>42</sup> Yê-su ta-õi neq: “Khân bũn cũai sũl táq o cóp rangoaiq, ncháu lúq chóch án yǒn cǒt sǒt đǒq nhêng máh cũai táq ranáq ncháu. Ntróu ncháu ón siem, án siem aki. <sup>43</sup> Khân sũl ki táq pǐeiq máh ranáq ncháu án ón, án sâng bũi lúq bo ncháu án chu. <sup>44</sup> Cúq atǒng anhia samoât lúq, nǒ-ra ncháu yǒn sũl ki bán kĩaq nheq máh mun án. <sup>45</sup> Ma khân sũl ki la cũai sâuq, lúq án chanchóm neq: ‘Noâng dũn, nǒq ncháu cúq chu.’ Ngkíq, án toân máh cũai táq ranáq ncháu án, đêh mansẽm đêh samiang, cóp án pǒq cha nguaiq bũl plêc níc. <sup>46</sup> Chơ ncháu ki chu, ma sũl ki tǒ bũn dáng tangái ki, cóp án tǒ bũn

chanchóm ntróu tẽ ọc ki. Ngkíq ncháu ki lúq tráh sũl ki, cốp án yõn sũl ki õt parnoi cốp máh cũai ca tở bữn trĩh án.

<sup>47</sup> “Sũl ca dáng máh ngê ncháu, ma án tở bữn thữan cốp tở bữn trĩh, ncháu lúq yõn noau toân án hập lúq. <sup>48</sup> Ma sũl ca tở bữn dáng ntróu tẽ máh ngê ncháu án, cốp án táq ranáq lỏih, ncháu ki yõn noau toân án bĩq sâng, yuaq án tở bữn dáng. Cũai aléq noau yõn sa-ũi, noau ngcuang bữn loah sa-ũi tê tẽ cũai ki. Cốp cũai aléq noau cớiq yõn sa-ũi, ki noau ớn cũai ki culáh clũi tẽ ki ẽn.”

*Yê-su Patâp Santoiq Canõh Ẽn*

*(Mathia 10:34-36; 16:2-3; 5:25-26)*

<sup>49</sup> “Cứq toâq pở nâi la samoât riang cứq dũng ùih dỏq chõng cốc cutẽq nâi. Cứq yoc lúq ranáq ki vớt dớh. <sup>50</sup> Cứq cóq chũuq sa-ũi ramứh túh coat; cốp mút pahõm cứq túh arức lúq toau toâq máh ranáq ki moâm! <sup>51</sup> Anhia chanchóm cứq toâq pở cutẽq nâi yõn cũai õt ien khẽ tở? Tở cõn ngkíq! Cứq toâq pở nâi, dỏq táq yõn cũai cõt ratah. <sup>52</sup> Tẽ tangái nâi toau toâq tangái ntun, khân bữn muoi đõng ma bữn sỡng náq, alới manoaq tở bữn prua chỏq manoaq. Pái náq tở bữn prua cốp bar náq, cốp bar náq tở bữn prua cốp pái náq. <sup>53</sup> Mpoaq tở bữn prua cốp con samiang, cốp con samiang tở bữn prua cốp mpoaq. Mpiq tở bữn prua cốp con mansẽm, cốp con mansẽm tở bữn prua cốp mpiq. Yacán tở bữn prua cốp cumân, cốp cumân tở bữn prua cốp yacán.”

<sup>54</sup> Yê-su atõng máh cũai clứng ki ẽn neq: “Toàq anhia hữm ramứl cũm toàq tẽ angia mandang pát, anhia dỏq pai paloõng ẽ mia. Ki lứq mia. <sup>55</sup> Cỏp toàq anhia hữm cuyal phát tẽ angia cruang phũac, anhia dỏq pai cruang anhia ẽ phũac tê. Ki lứq phũac. <sup>56</sup> Anhia la cũai táq nan dáng sa-ữi ramứh! Anhia saccoal tếc tâng cutẽq cỏp tâng paloõng, ma anhia tở bữn saccoal tếc Yiang Sursĩ yõn anhia dáng tẽ ngê án tâng dõi nài.

<sup>57</sup> “Nỏq anhia tở dáng rườh ỏc aléq lứq p̄ieiq?

<sup>58</sup> Toàq anhia ralõih cỏp cũai canõh, chơ cũai ki ẽ dứng anhia pỏq ramóh cũai sớt, cóq anhia pruum ratoi loah nhũang anhia tở yũah ramóh cũai sớt. Khân anhia tở bữn pruum ratoi chái, cõh lơ cũai ki dứng anhia toàq pỏ cũai sớt yõn án rasữq anhia. Ngkíq cũai sớt ki ẽ chiau anhia yõn noau kháng anhia tâng cuaq tũ. <sup>59</sup> Anhia tở têq loõh tẽ cuaq toau anhia culáh dũ nheq máh práq samoát cũai sớt ki pai.”

## 13

### *Phi-lat Cachit Máh Cũai Cali-lê*

<sup>1</sup> Bo ki bữn cũai ỏt ngki atõng Yê-su tẽ ranáq Phi-lat cachit máh cũai Cali-lê bo alóki kiac charán sang Yiang Sursĩ. <sup>2</sup> Yê-su ta-õi alóki neq: “Anhia chanchóm máh cũai Cali-lê ca chũuq cuchit ki bữn lôih ntâng hỡn tẽ máh cũai Cali-lê canõh tở? <sup>3</sup> Lứq tở cõn ngkíq! Cúq atõng anhia samoát lứq, khân anhia tở bữn ngin lôih lêq cõt mút tamái ẽn, anhia lứq cóq cuchit machóng alóki ki

tê. <sup>4</sup> Cóp ntróu anhia chanchóm tẽ muoi chít tacual nãq cũai tâng Salũam, bo ngôl cuti ralíh catẽt alóí? Anhia chanchóm alóí bữn lôih hõn tẽ máh cũai tâng vil Yaru-salem tở? <sup>5</sup> Lứq tở cõn ngkíq! Cứq atõng anhia samoát lứq, khân anhia tở bữn ngin lôih lêq cõt mút tamái ẽn, anhia lứq cóq cuchĩt machóng alóí ki tê.”

### *Yê-su Sacâm Tẽ Aluang Tở Bữn Cõt Palâi*

<sup>6</sup> Chơ Yê-su atõng alóí toãq parnai sacâm neq: “Bữn manoaq cũai bữn muoi nỡm tarúng dáh tâng nưong án. Án pỡq chuaq palâi tẽ nỡm ki, ma tở hữm bữn palâi. <sup>7</sup> Ngkíq án ón cũai kĩaq nưong ki neq: ‘Nâi! Khoi q pái cumo nâi chơ cứq toãq chuaq palâi tẽ nỡm nâi, ma cứq tở hữm án palâi ntróu. Chơ mới tamư táh chíq nỡm nâi. Án sác cutẽq miat sâng.’ <sup>8</sup> Ma cũai kĩaq nưong ki ta-õi neq: ‘Ncháu ơi! Sẽq mới đõq nỡm nâi tamoong muoi cumo voai. Cứq ẽ píq prúng pẽn nỡm nâi, chơ cứq ẽ chóq phõn. <sup>9</sup> Toãq cumo ntun, khân án cõt palâi, ki hái bữn cha. Ma khân án tở bữn cõt palâi, hái tamư táh.’ ”

### *Yê-su Táq Bán Cũai Tacô Tâng Tangái Rlu*

<sup>10</sup> Bữn muoi Tangái Rlu, Yê-su atõng tâng đõng sang. <sup>11</sup> Ớt ngki bữn manoaq mansẽm cloong tacô khoi q muoi chít tacual cumo chơ, yuaq bữn muoi lám yiang sãuq táq yõn án tở tẽq tayúng tanoang. <sup>12</sup> Toãq Yê-su hữm mansẽm ki, án arô neq: “Avia ơi! Sanua, avia tở bữn a-ĩ ngkíq noãng!”

13 Moâm ki, Yê-su satoaq atĩ tâng tỗ mansêm ki. Bo ki toâp cloong án cõt tanoang loah, cốp án khễn Yiang Sursĩ.

14 Ma cũai ndõm dõng sang ki sâng ùan lứq Yê-su táq yõn bán cũai a-ĩ tâng Tangái Rlu. Ngkíq án pai chóq máh cũai õt ngki neq: “Bữn tapoât tangái dõq hái táq ranáq. Máh tangái ki anhia têq toâq pỡ nâi yõn noau táq bán. Anhia chõĩ toâq sễq noau táq bán anhia tâng Tangái Rlu!”

15 Ma Yê-su atõng cũai ndõm dõng sang ki neq: “Anhia la cũai táq nan sâng! Nheq tữh anhia, khân bữn ntroõq tỡ la aséh õt tâng cuaq, anhia lứq pớh yõn án loõh nguaiq dõq tê tâng Tangái Rlu. 16 Mansêm nâi la tễ tống toiq A-praham machõng anhia tê, ma yiang Satan khiq chõq án nheq muoi chít tacual cumo chơ. Nõq tỡ bữn o acláh án tâng Tangái Rlu?”

17 Bo Yê-su pai ngkíq, máh cũai ca ùan án, alớĩ sâng casiet táq lứq. Ma máh cũai proai ki sâng bũĩ pahõm tễ máh ranáq o Yê-su táq.

*Yê-su Sacâm Tễ Ốc Bát Cốt Cốt  
(Mathia 13:31-32; Mac 4:30-32)*

18 Yê-su atõng ễn neq. “Yiang Sursĩ táq sốt la samoât ntrớu? Cốp ramứh ntrớu têq cứq sacâm tễ sốt ki? 19 Sốt ki la samoât riang muoi ốc cuplốq lavứng. Bữn manoaq samiang ỉt ốc cuplốq ki pỡq trứh tâng sarái án. Chơ ốc ki dách cốp toâr achõn cõt samoât nỡm aluang. Têq chóm táq sớh tâng abễng án.”

*Yê-su Sacâm Tễ Crơng Táq Yỗn Bễng Mi Cốt Pluoih*

*(Mathia 13:33)*

<sup>20</sup> Cớp Yê-su sacâm ễn neq: “Yiang Sursĩ táq sốt la samoât riang ntrớu? <sup>21</sup> Sốt ki la samoât crơng táq yỗn bễng mi cốt pluoih. Bữn mansêm ỉt manhũt crơng ki, chơ talốc cớp bốt mi tâng adéh pống. Chơ bốt mi ki cốt pluoih nheq.”

*Ngoah Toong Hễp*

*(Mathia 7:13-14, 21-23)*

<sup>22</sup> Bo Yê-su pớq tâng rana ễ pớq chu vil Yarusalem, án veh tâng vil cốt vil toâr cớp atống cũai tâng máh vil ki. <sup>23</sup> Bữn manoaq blớh án neq: “Ncháu ơi! Yiang Sursĩ chuai amoong cũai ống bĩq náq sâng tở?”

Yê-su atống nheq tửh cũai ki neq: <sup>24</sup> “Cớq anhia cutống mut tâng ngoah toong hễp. Cớq atống anhia samoât lứq, bữn cứng cũai yoc ễ mut tâng ngoah toong hễp ki, ma alới tở dáng bữn mut.

<sup>25</sup> “Toâq ncháu đống yuor catáih chíq ngoah toong, nheq tửh anhia ốt tayứng yáng tiah cucốq toong cớp arô neq: ‘Ncháu ơi! Sễq Ncháu pớh toong yỗn hếq mut!’ Ma Ncháu ki ta-ỡi anhia neq: ‘Cớq tở dáng tễ léq anhia toâq!’ <sup>26</sup> Chơ anhia atống loah neq: ‘Hếq khiq nguaiq cha parnơi cớp Ncháu, cớp Ncháu khiq atống tâng vil hếq!’ <sup>27</sup> Ma Ncháu ki ta-ỡi loah neq: ‘Cớq tở dáng tễ léq anhia toâq. Anhia pang yong tễ cứq, yuaq anhia la moang cũai loâi!’ <sup>28</sup> Toâq nỡ-ra anhia lứq nhiam cớp carũot canễng tabang cồ



sâng túh arúc lúq, bo anhia hũm A-praham, I-sac, Yacóp, cốp máh cūai tang bỗq Yiang Sursĩ ốt tâng nốq Yiang Sursĩ sốt, ma anhia ốt yáng tiah tở têq mut. <sup>29</sup> Bữn máh cūai toâq tễ angia mandang loõh, angia mandang pát, angia pỡng cốp angia pũn. Alói ki bữn tacu cha tâng nốq Yiang Sursĩ sốt tâng paloõng. <sup>30</sup> Lúq samoât alói cacót sanua, chumát alói cõt toâr ẽn. Cốp alói ca toâr sanua, chumát alói cõt cacót ẽn.”

*Yê-su Ayooq Lúq Cūai Ớt Tâng Vil Yaru-salem  
(Mathia 23:37-39)*

<sup>31</sup> Bo ki bữn máh cūai tễ tỗp Pha-rasi toâq pỡ Yê-su cốp atõng án neq: “Cóq thâi loõh tễ nốq nâi, pỡq chu nốq canõh ẽn, yuaq puo Hê-rôt ẽ cachĩt chíq thâi.”

<sup>32</sup> Ma Yê-su ta-õi alói neq: “Anhia pỡq chu Hê-rôt, án ca yoc lúq đốq rathũ, cốp atõng án neq: ‘Noâng bĩq tangái sâng cứq tuih toáoh yiang sâuq cốp táq bán máh ramứh cūai a-ĩ. Chơ toâq moâm nheq máh ranáq cứq, ki cứq lúq cuchĩt.’

<sup>33</sup> Ma sanua cốp parnữ pra, cóq cứq puai ngê Yiang Sursĩ, chơ chõn chu vil Yaru-salem, yuaq cūai tang bỗq Yiang Sursĩ tở têq cuchĩt yáng tiah vil Yaru-salem.

<sup>34</sup> “Ở vil Yaru-salem, anhia ca ốt tâng vil Yaru-salem ơi! Anhia la cūai đốq cachĩt cūai tang bỗq Yiang Sursĩ, cốp tám tamáu chốq máh cūai Yiang Sursĩ ớn toâq pỡ anhia. Bữn sa-ũi trở chơ cứq yoc ẽ parõm pachứm nheq tữh anhia, samoât riang ntruoi atu cutrốc arô con án yõn ốt nhựp khlap. Ma anhia tở ẽq! <sup>35</sup> Sanua cứq tở bữn cláh

clơ noâng dồng sũ anhia. Cúq atỡng anhia neq: Nỡ-ra anhia tỡ bữn hữm noâng cúq, toau toâq tangái anhia pai neq: ‘Bốn lứq án ca toâq nhơ ramứh Ncháu hái.’ ”✧

## 14

*Yê-su Táq Bán Manoaq Cũai A-ĩ Tâng Tangái Rlu*

<sup>1</sup> Bữn muoi Tangái Rlu, Yê-su pỡq cha muoi pêl tâng dồng manoaq cũai sốt tâng tốp Pha-rasi. Mách cũai ốt ngki nhêng níc chu Yê-su. <sup>2</sup> Bữn manoaq samiang a-ĩ u-áih toâq pỡ Yê-su. <sup>3</sup> Yê-su blớh máh cũai atỡng phễp rit cớp máh cũai Pha-rasi neq: “Puai rit hái, têq hái táq bán cũai a-ĩ tâng Tangái Rlu tỡ?”

<sup>4</sup> Ma alới ốt ravuỉ sâng, tỡ bữn ta-ỡi ntróu. Ngkíq Yê-su tếc cũai a-ĩ ki, cớp án táq bán. Chơ Yê-su ón án chu. <sup>5</sup> Moâm ki Yê-su atỡng neq: “Khân bữn manoaq tể anhia ma bữn con samiang tỡ la ntroỏq ma sapủl tâng đỡq parníq tâng Tangái Rlu, anhia lứq âc achỗn bo ki toâp, pỉeiq tỡ?”

<sup>6</sup> Ma alới tỡ bữn ta-ỡi Yê-su ntróu tể ốc ki.

*Phễp Cớp Khũn*

<sup>7</sup> Yê-su hữm bữn máh cũai tamoi rươh ntốq tacu coah pỡng. Ngkíq án atỡng alới toâq parnai sacâm neq: <sup>8</sup> “Toâq noau mới anhia pỡq côl, anhia chỗi chuaq ntốq tacu coah pỡng. Cỗh lơ bữn manoaq toâr hỡn tể anhia toâq tê. <sup>9</sup> Ngkíq cũai ca mới anhia toâq cớp pai neq: ‘Anhia

priang ntốq yễn cũai nâi tacu.’ Ốc ki táq yễn anhia sâng casiet, cóp anhia cóq pờq tacu coah pưn ễn. <sup>10</sup> Ma khân noau mới anhia, o lứq la anhia ốt coah pưn. Chơ án ca mới anhia toâq cóp atống anhia neq: ‘Ai ơi! Sễq ai chỗn tacu coah pờng.’ Ngkíq án ca mới anhia yám noap anhia yáng moat máh tamoi. <sup>11</sup> Yuaq cũai aléq ma achỗn tỗ bữm, nữ-ra cũai ki lứq cõt cacót. Ma cũai aléq asễng tỗ bữm, nữ-ra cũai ki lứq cõt toâr.”

<sup>12</sup> Moâm ki Yê-su atống cũai ca mới án neq: “Bo léq mới ễ táq muoi pêl cha bũi, tâng tarừp tỡ la tabữ, mới chỗi mới yóu, tỡ la sễm ai, tỡ la cũai sốc tâng vil mới toâq. Cỗh lơ alới ễ mới loah mới tê, chơ culáh đờq tễ mới khoiq mới alới. <sup>13</sup> Ma toâq mới táq muoi pêl cha bũi, cóq mới mới máh cũai cadít, máh cũai ralĩh, máh cũai yỗt, cóp máh cũai sũt moat. <sup>14</sup> Chơ mới bữn ốc bốn sa-ữi, yuaq cũai ki ốq ntrứu ễ culáh yễn mới. Lứq Yiang Sursĩ toâp culáh cóng mới tang alới tâng tangái cũai tanoang o tamoong loah tễ cuchĩt.”

*Yê-su Sacâm Tễ Muoi Pêl Bũi  
(Mathia 22:1-10)*

<sup>15</sup> Bữn manoaq tacu cha ntốq ki sâng Yê-su atống ngkíq, chơ án pai chóq Yê-su neq: “Bốn lứq alới ca cha sana tâng ntốq Yiang Sursĩ sốt!”

<sup>16</sup> Ma Yê-su atống án neq: “Bữn manoaq samiang táq muoi pêl bũi, cóp án mới clứng cũai toâq cha. <sup>17</sup> Toâq ngư cha, án ớn ranễng án pờq coâiq máh cũai khoiq án mới neq: ‘Anhia toâq

cha! Khoiq moâm chơ hếq tềng sana!’ <sup>18</sup> Ma máh cūai án khoiq mới, ariang pai alóí bữn muoi mút tở ếq pởq. Bữn manoaq tề tốp alóí pai neq: ‘Cứq khoiq chỡng muoi tâm cutềq đởq táq sarái. Cứq sểq lôih, cứq cóq pởq nhêng saliq!’ <sup>19</sup> Bữn manoaq ển pai neq: ‘Cứq khoiq chỡng sỡng cáp ntroỏq. Cứq sểq lôih, cứq cóq pởq nhêng chim ntroỏq.’ <sup>20</sup> Cớp bữn manoaq ển pai neq: ‘Cứq mbởiq ít lacuoi. Ngkíq cứq tở têq pởq.’ <sup>21</sup> Chơ ranềng ki chu atởng loah ncháu án máh santoiq alóí pai. Ncháu ki sâng ũan lứq, chơ án ớn ranềng án neq: ‘Mới pởq cháí chu máh rana dũ ravéh tâng vil, cớp pởq coaiq máh cūai cadít, máh cūai yôt, cớp máh cūai sũt moat, yỗn alóí pởq pở nái.’ <sup>22</sup> Chơ ranềng ki chu, cớp án pai neq: ‘Ncháu ơi! Cứq khoiq táq samoât ncháu ớn, ma tâng đống ncháu noâng la-a.’ <sup>23</sup> Chơ ncháu ki ớn ranềng án neq: ‘Mới loỏh tề vil, pởq chu rana put cớp dũ ravéh cót hỡ. Khân mới ramóh cūai aléq, yỗn mới cucốh cucũoi mới cūai ki toâq, đởq táq yỗn tadát đống cứq. <sup>24</sup> Ma máh cūai cứq khoiq mới tề nhũang, ki tở va manoaq tềq toâq cha bũi tâng đống cứq.’ ”

*Yoc Ể Puai Yê-su, Cớq Táq Nởq?  
(Mathia 10:37-38; 5:13; Mac 9:50)*

<sup>25</sup> Bữn clứng cūai pởq parnơi cớp Yê-su. Chơ án pít nhêng chu alóí cớp atởng alóí neq: <sup>26</sup> “Khân cūai aléq yoc ể puai ngê cứq, ma cūai ki ayooq mpiq mpoaq án, tở la con lacuoi án, tở la sểm ai sểm ỡi án, tở la án ayooq rangứh

án bữm hỡn tễ án ayooq cúq, cũai ki tỡ têq puai ngê cúq. <sup>27</sup> Cũai aléq ma tỡ bữn ỉt dỏi bữm aluang sangcáng án bữm, cớp tỡ bữn puai cúq lứq samoát, cũai ki tỡ têq cõt cũai rien tễ cúq. <sup>28</sup> Khân bữn manoaq tễ anhia ma yoc ẽ táq muoi lám đống toâr, đầu lứq cóq án tếng máh aluang aloai crái samữ voai. <sup>29</sup> Khân án tỡ bữn táq ngkíq, cõh lơ toâq án patứng đống, ma tỡ bữn khám máh crớng ẽ táq moâm, chớ dũ náq cũai hữm đống ki tỡ bữn moâm, cớp alới cacháng ayê án. <sup>30</sup> Alới pai neq: ‘Cũai nâi khoi q táq đống, ma tỡ cõt moâm noâng!’ <sup>31</sup> Cớp khân bữn puo ca bữn muoi vian tahan, ma án ẽ pỡq chíl puo ca bữn bar vian tahan, đầu lứq puo ki cóq chanchóm nõq án ẽ táq yõn têq riap. <sup>32</sup> Khân án dáng tỡ riap, bo puo canõh noâng ớt yớng, án cóq ớn máh ranẽng án pỡq sễq tễ puo ki chõi chíl noâng, ma yõn ớt ratoi. <sup>33</sup> Machớng ki tê, khân bữn cũai tễ anhia ma tỡ bữn táh dũ ramứh án bữn, án tỡ têq cõt cũai rien tễ cúq.

<sup>34</sup> “Boi la lứq crớng o. Ma khân boi cõt ntiah, nõq ẽ táq yõn cõt báq loah? <sup>35</sup> Tỡ têq táq ntrớu noâng boi ki. Hái cóq voang chu cutễq. Aléq bữn cutữr yoc ẽ tamứng, ki tamứng!”

## 15

### *Charán Cữu Pút Ma Ramóh Loah (Mathia 18:12-14)*

<sup>1</sup> Bữn máh cũai parõm práq thễq cớp cũai lờih canõh hỡ toâq yoc ẽ tamứng Yê-su. <sup>2</sup> Máh cũai Pha-rasi cớp máh cũai yớng rit, alới tễq Yê-su

neq: “Cũai nâi õt parnoi cốp cũai lôih, cốp án chi-cha cốp alói hỡ.”

<sup>3</sup> Chơ Yê-su atỡng alói toâq parnai sacâm neq:  
<sup>4</sup> “Khân bữn manoaq tễ anhia bữn muoi culám lám cữu ma pút chíq muoi lám, lứq án đợq takêh chít takêh lám tâng lêng. Chơ án pỡq chuaq toâp muoi lám cữu ki yỗn toau án ramóh loah. Lứq tỡ? <sup>5</sup> Toâq án ramóh loah cữu ki, án sâng bũi lứq. <sup>6</sup> Chơ án ít apỡng cữu ki tâng apal, cốp đững achu pỡ đống. Vót ki án arô yóu cốp atỡng alói neq: ‘Sanua cứq sâng bũi lứq! Cứq ramóh loah cữu khoi q pút.’ <sup>7</sup> Cứq atỡng anhia neq: Machóng cốp parnai sacâm nâi, Yiang Sursĩ sâng bũi lứq khân bữn manoaq cũai lôih ma ngin lôih lêq cõt mút tamái ễn. Yiang Sursĩ sâng bũi tễ manoaq ki clũi tễ án sâng bũi tễ takêh chít takêh náq ca chanchóm alói tanoang o cốp tỡ bữn cóq ngin lôih lêq cõt mút tamái ễn.”

### *Yê-su Atỡng Tễ Ốc Práq Pút Ma Ramóh Loah*

<sup>8</sup> “Tỡ la khân bữn manoaq mansẽm bữn muoi chít ốc práq, ma pút chíq muoi ốc, ntróu án táq? Án lứq tacât chóp tóu, pễh đống, cốp nhêng chuaq nheq tâng máh soq đống toâq án ramóh loah ốc práq ki. <sup>9</sup> Toâq ramóh chơ, ngkíq án arô yóu cốp atỡng alói neq: ‘Sanua cứq bũi lứq, yuaq cứq ramóh loah práq khoi q pút.’ <sup>10</sup> Cứq atỡng anhia neq: Machóng parnai sacâm nâi, máh ranẽng Yiang Sursĩ tâng paloỡng sâng bũi lứq bữn manoaq cũai lôih ma ngin lôih lêq cõt mút tamái ễn.”

### *Con Samiang Pút Ma Ramóh Loah*

11 Yê-su atõng ẽn neq: “Bữn cũai mpoaq ca bữn bar lám con samiang. 12 Con ralõh sêq tẽ mpoaq án neq: ‘Mpoaq ơi! Cúq sêq mới tampẽq máh mun mới yõn hếq. Cúq yoc ẽ bữn pún cúq sanua.’ Ngkíq mpoaq alói tampẽq mun án yõn bar náq con án. 13 Mỗ tở bữn dũn, con ralõh ki ìt crong cróu án, chơ án pỏq. Án loõh tẽ cruang án, pỏq cuang pỏ cruang yơng. Ờt ngki án phỏng talõh nheq. 14 Tữ án tác cha threc nheq práq án, tâng cruang ki p̄ieiq panhieih lứq. Chơ án mbõiq ỏq lứq tê. 15 Án sêq tuthẽ cớp manoaq cũai tâng cruang ki, chơ cũai ki ớn án loõh pỏq chu lểng cớp bán alic. 16 Án sâng panhieih lứq. Án yoc ẽ cha sana alic, ma tở bữn noau yõn án cha. 17 Ngkíq án sarõh sarnóm, chanchóm loah neq: ‘Ờ pỏ đống mpoaq cúq bữn cứng cũai tuthẽ. Alói cha dõi loõh cũi, parêh par-ỏh. Ma cúq cheq ẽ cuchĩt khlac. 18 Cúq cóq pih chu loah pỏ mpoaq cúq, cớp atõng án neq: “Mpoaq ơi! Cúq táq lỏih chỏq Yiang Sursĩ cớp chỏq mới hỡ. 19 Cúq la cũai tở o. Sêq mpoaq chõi đỏq noâng cúq la con. Ma cúq sêq mới yõn cúq cõt cũai tuthẽ machớng noau tê.” ’ 20 Bo ki toáp án yuor tayũng cớp pih chu pỏ mpoaq án.

“Con ralõh ki noâng ờt tẽ yơng, mpoaq án hữm poah rapoang. Mpoaq án sâng sarũiq táq, chơ án palõng chu con. Án kĩaou cớp hũn hĩt con án. 21 Con ki pai chỏq mpoaq án neq: ‘Mpoaq ơi! Cúq khioq táq lỏih chỏq Yiang Sursĩ cớp chỏq

mới hỡ. Cúq la cũai tỡ o. Sễq mpoaq chỗi đợc  
noâng cúq la con.’ <sup>22</sup> Ma mpoaq án atợng cũai  
sũl neq: ‘Âu anhia táq chá! Dững au o cũi  
nheq tễ canõh asóp án. Chóq sambễt tâng atĩ án,  
cóp asóp cợp tâng ayững án. <sup>23</sup> Anhia kiac con  
ntroợq nín lứq hỡ. Hái cha. Hái bũi ỡn, <sup>24</sup> yuaq  
con cúq nâi ariang án khoiq cuchĩt, ma sanua  
samoât riang án tamoong loah. Tễ nhũang án  
khoiq pứt. Ma sanua cúq tamóh loah!’ Ngkĩq  
alới cha bũi óh lứq.

<sup>25</sup> “Bo ki ai clúng noâng táq sarái. Từ án chu  
cheq ễ toâq đợng, án sâng sường noau ũat, noau  
puan sarai. <sup>26</sup> Án arô manoaq cũai tuthễ; cợp  
blớh neq: ‘Ntrớu noau táq?’ <sup>27</sup> Cũai tuthễ ta-ỡi  
neq: ‘A-ễm mới chu. Mpoaq mới khoiq kiac con  
ntroợq nín, yuaq con án chu bán sũan.’ <sup>28</sup> Ai  
clúng ki sâng cutâu lứq tâng mứt án. Án tỡ  
ễq mut noâng đợng. Chớ mpoaq án loõh aliam.  
<sup>29</sup> Án pai chóq mpoaq án neq: ‘Tỡ dáng sếq cumo  
nâi chớ cúq táq samoât sũl yõn mới. Ntrớu mới  
ớn cúq táq, cúq táq aki. Ma mới tỡ nai yõn  
cúq muoi lám con mbễq đợc cúq cha bũi cợp  
yớu. <sup>30</sup> Ma sanua con ralõh mới chu, cợp án  
khoiq phợng talõh neq máh mun mới yõn máh  
mansẽm chệq tỡ. Ma noâng mới kiac con ntroợc  
nín yõn án.’ <sup>31</sup> Mpoaq án ta-ỡi neq: ‘Con ỡi! Mới,  
ki ỡt níc cợp cúq. Nheq tữh crợng cúq la cữt  
khong mới. <sup>32</sup> Ma hái cóq táq bũi o, yuaq a-ễm  
mới samoât riang án khoiq cuchĩt, ma sanua  
riang án tamoong loah. Samoât riang án khoiq  
pứt, ma sanua hái tamóh loah.’ ”



# 16

## *Yê-su Sacâm Tê Cũai Táq Ranáq Ca Thũ Ncháu*

*Án*

<sup>1</sup> Yê-su atõng tốp rien tẽ án neq: “Bữn manoaq cũai sốc, án bữn manoaq ayững atĩ dõq nhêng salĩq mun án. Ma noau cauq pai cũai ki talõh máh mun ncháu án. <sup>2</sup> Ngkĩq ncháu ki arô cũai ki, cốp blóh án neq: ‘Ntróu cứq sâng noau pai mới táq tở pĩeiq chóc cứq? Mới atõng yõn cứq dáng máh léq mới chểq chõng, cốp máh léq mới yõn noau voaq. Mới tở têq cõt noâng cũai nhêng salĩq máh mun cứq.’ <sup>3</sup> Ngkĩq, cũai ki chanchóm neq: ‘Ncháu cứq cheq ẽ táh cứq. Án tở yõn cứq nhêng salĩq noâng mun án. Nõq cứq ẽ táq sanua? Cứq óq bán rêng dõq táq sarái. Khân põq susẽq, ki cứq casiet táq noau. <sup>4</sup> Sanua cứq dáng chơ ntróu cứq ẽ táq. Chơ toâq tangái cứq tở bữn cõt noâng cũai nhêng mun án, tangái ki cứq noâng bữn yóu ca roap cứq, cốp yõn cứq õt tâng dõng alói.’ <sup>5</sup> Ngkĩq án arô máh cũai tu ncháu án, cốp án blóh cũai ca toâq nhũang neq: ‘Maléq mới tu ncháu cứq?’ <sup>6</sup> Cũai ki ta-õi: ‘Cứq tu muoi culám thõng dõq tóu palâi o-li-vê.’ Ranẽng ki pai neq: ‘Chơ! Cứq yõn mới culáh sõng chít thõng sâng.’ <sup>7</sup> Chơ án blóh cũai canõh ẽn neq: ‘Ma mới, maléq mới tu?’ Cũai ki ta-õi: ‘Cứq tu muoi culám sanic saro.’ Ranẽng ki pai neq: ‘Cứq yõn mới culáh tacual chít sanic sâng.’ <sup>8</sup> Vót ki, ncháu ki khẽn cũai nhêng salĩq ca sâuq ki, yuaq án táq rangoaiq. Lứq samoât, cũai tở bữn puai ngê Yiang Sursĩ, alói táq chóc yóu alói

rangoaiq hõn tẽ cũai ca puai ngê Yiang Sursĩ đốq táq chốq yóu alóí.

<sup>9</sup> “Cứq atõng anhia ẽn neq: khân anhia bữn sa-ữi cớng sanốc, cóq anhia yõn cũai canốh hỡ; ngkíq máh cớng ki táq yõn anhia bữn sa-ữi yóu. Chơ toáq tangái sanốc anhia pút neq, tangái ki Yiang Sursĩ ẽ yõn anhia ốt tâng ntốq têq tamoong mantái níc. <sup>10</sup> Khân anhia táq o tâng ranáq cacót, anhia lứq táq o tâng ranáq toâr tê. Cớp khân anhia ma táq tỡ o tâng ranáq cacót, anhia lứq táq tỡ o tâng ranáq toâr tê. <sup>11</sup> Ngkíq, khân anhia tỡ bữn táq o cớp sanốc ntữn anhia tâng dõĩ nâi, nốq têq Yiang Sursĩ yõn anhia bữn mun ca tỡ nai pút tâng paloõng? <sup>12</sup> Cớp khân anhia tỡ bữn táq o cớp cớng noau cớiq dỡ cớp anhia, ki tỡ bữn noau ẽ chiau cớng yõn cõt khong anhia.

<sup>13</sup> “Tỡ bữn noau têq cõt sũl yõn bar náq ncháu. Pĩeiq án kêt ncháu nâi, ma ayooq ncháu ki; tỡ la án yám ncháu nâi, ma mumat ncháu ki. Machống ki tê, anhia tỡ têq puai ngê Yiang Sursĩ pĩrap cớp ngê ham sanốc tâng dõĩ nâi.”

### *Yê-su Patâp Ẽn*

*(Mathia 11:12-13; 5:31-32; Mac 10:11-12)*

<sup>14</sup> Máh cũai Pha-rasi ca sâng Yê-su atõng ngkíq, alóí ayê Yê-su, yuaq alóí pasếq máh cớng sanốc tâng dõĩ nâi. <sup>15</sup> Yê-su pai chốq alóí neq: “Anhia táq ranáq ẽq noau pai anhia la cũai tanoang o, ma Yiang Sursĩ dáng mút pahõm anhia. Ramứh ntróu cũai đốq chanchóm o lứq, máh ramứh ki tỡ bữn o ntróu yáng moat Yiang Sursĩ.

16 “Yiang Sursĩ atõng cũai na phễp rit Mõi-se, cớp na máh santonq cũai tang bõq án atõng, toau toâq dõĩ Yang dõq táq batẽm. Tẽ tangái Yang toâq, bữn noau atõng parnai o tẽ Yiang Sursĩ táq sớt. Cớp dũ náq cũai yoc lứq mut tâng tốp Yiang Sursĩ sớt, ma alóĩ chanchóm alóĩ têq mut cõ nhơ tẽ rêng alóĩ bữm. 17 Paloõng cớp cutẽq cõt pút la khễ hỡn tẽ muoi ốc tẽ phễp rit Yiang Sursĩ cõt pút.

18 “Cũai aléq ma táh lacuoi án cớp ãt lacuoi canõh ẽn, ranáq ki la samoât riang án cooc lacuoi noau. Cớp khân cũai aléq ma ãt lacuoi noau táh, ranáq ki la samoât riang án cooc lacuoi noau tê.”

### *Yê-su Atõng Tẽ Cũai Sốc Bữn Cớp La-sarơ*

19 “Bữn manoaq cũai sốc; án sớp au nõuq lứq, cớp cu rangái án tâc cha thừơng la-õq. 20 Cớp bữn manoaq cũai cadĩt, ramứh La-sarơ. Noau dũng dõq án õt yáng tiah cheq ngoah toong dõng cũai sốc ki. Tõ án moang mpĩh. 21 Án nguang bữn cha ngách mbéh tẽ cũai sốc ki. Cớp bữn acho toâq yẽl mpĩh án. 22 Vót ki, án cuchĩt, cớp ranẽng Yiang Sursĩ dũng án õt parnơĩ cớp A-praham. Ntun ki cũai sốc ki cuchĩt tê, cớp noau dũng túp án. 23 Chơ cũai sốc ki õt tâng pống sarloac túh coat lứq. Án tapoang achõn, cớp án hữm A-praham õt yõng lứq tẽ án. Án hữm La-sarơ õt parnơĩ cớp A-praham. 24 Ngkĩq án arô casang lứq neq: ‘O A-praham, la achúc achiac cứq ơĩ! Sẻq anhia ayooq táq cứq nứng. Sẻq

anhia ón La-sarɔ toâq pɔ cừq, cớp yõn án alốq atĩ án tâng dờq, chơ ayốq tâng lieih cừq, yuaq cừq sâng túh coat lứq tâng ùih nâi!’ <sup>25</sup> Ma A-praham ta-õi án neq: ‘Con ơi! Mới sanhữ loah tễ bo mới noâng tamoong, mới khoiq thương la-õq, ma La-sarɔ cadĩt cớp túh coat lứq. Ma sanua tâng nốq nâi án bữn ốt ien khẽ, ma mới ốt nốq ki bữn túh coat lứq. <sup>26</sup> Cớp muoi ốc ẽn, bữn sanor yarũ cớp la-a lứq mpứng dĩ hái. Cũai aléq ma yoc ẽ yang tễ nốq hếq pờq chu mới, la tở têq. Cớp cũai aléq ma yoc ẽ yang tễ nốq mới pờq chu hếq, la tở têq.’ <sup>27</sup> Chơ cũai sốc ki pai ẽn neq: ‘Khân ngkíq, cừq sếq anhia ón La-sarɔ pờq chu đống mpoaq cừq. <sup>28</sup> Yuaq cừq noâng bữn sỡng náq sểm ai ốt ngki. Yõn La-sarɔ catoaih atống alóí, đốq alóí tở bữn mut tâng nốq túh coat lứq nâi.’ <sup>29</sup> Ma A-praham pai neq: ‘Sểm ai mới khoiq bữn chơ parnai Mũi-se atống cớp parnai cũai tang bỗq Yiang Sursĩ tễ mbốq atống. Yõn sểm ai mới tamứng cớp trĩh santoiq alóí ki.’ <sup>30</sup> Cũai sốc ki pai ẽn neq: ‘O A-praham, la achúc achiac cừq ơi! Alóí tở tamứng santoiq máh cũai ki. Ma khân bữn cũai cuchĩt ma tamoong loah pờq atống alóí, lứq alóí ngin lôih lêq cõt mút tamái ẽn.’ <sup>31</sup> Ma A-praham atống loah án neq: ‘Khân sểm ai mới ma tở bữn tamứng santoiq Mũi-se cớp máh cũai tang bỗq Yiang Sursĩ khoiq atống, lứq alóí tở bữn noap tê cũai cuchĩt ma tamoong loah.’ ”

# 17

## *Yê-su Atông Tể Táh Lôih (Mathia 18:6-7, 21-22; Mac 9:42)*

<sup>1</sup> Yê-su atông tốp rien tể án neq: “Lứq tờ bữn ốq ramứh ca ẽ radững cũai táq lôih, ma bap lứq toàq pỡ cũai ca radững ki. <sup>2</sup> Khân cũai aléq radững muoi noaq carnễn máh nài yỗn tờ bữn sa-âm cứq noàng, khaq noau alễu tamáu toàr lứq tâng tacong án cóp apống án tâng đờq mut tể nhũang án ẽ radững carnễn ki. <sup>3</sup> Anhia nhêng o mút pahồm anhia bữm! Khân yóu anhia ma táq lôih chóq anhia, cóq anhia sươq án. Cóp khân án ngìn lôih, cóq anhia táh lôih cũai ki. <sup>4</sup> Khân yóu anhia táq lôih chóq anhia tapul trỗ tâng muoi tangái, ma khân án toàq ngìn kho anhia tâng tapul trỗ ki, pai neq: ‘Sễq mới táh lôih cứq,’ ngkiq cóq anhia táh lôih án.”

## *Yê-su Atông Tể Ốc Sa-âm*

<sup>5</sup> Tốp ayững atĩ Yê-su pai neq: “Sễq Ncháu táq yỗn hếq sa-âm sa-ữi lứq ễn.”

<sup>6</sup> Yê-su atông alóit neq: “Khân ốc sa-âm anhia cacót máh muoi ốc cuplốq lavứng sâng, ki têq anhia ớn nỡm aluang nài neq: ‘Aluang oi, mới rọq chíq nỡm mới bữm, chơ mới chóh loah tâng đờq mut ễn,’ chơ nỡm aluang ki lứq trỉh anhia.”

## *Yê-su Atông Tể Cũai Táq Ranáq*

<sup>7</sup> “Khân manoaq tể tốp anhia bữn sũl tal sarái tờ la bán charán cữu yỗn án, toàq sũl ki chu tabữ, ncháu ki tờ bữn pai chóq án neq: ‘Âu mới mut

cha voai.’ <sup>8</sup> Ma án dốq pai neq: ‘Âu mới aloõh crong sana yõn cứq cha. Cóp mới saráu tampác, chơ mới ốt hâu cứq yõn toau toâq moâm cứq cha. Vót ki, nõq têq mới cha.’ <sup>9</sup> Cóp ncháu ki tở bữn sa-õn sũl ki cõ tễ sũl ki trĩh santoiq án ớn. <sup>10</sup> Ma anhia la machóng sũl ki tê. Toâq anhia táq moâm nheq máh ranáq Yiang Sursĩ ớn anhia táq, cóq anhia pai neq: ‘Hếq la sũl Yiang Sursĩ. Hếq tở bữn ngu quang Yiang Sursĩ khẽn hếq, cõ hếq táq óng ranáq Yiang Sursĩ ớn hếq táq sâng.’ ”

### *Yê-su Táq Bán Muoi Chít Náq Cũai A-ĩ Tut*

<sup>11</sup> Bo Yê-su pởq chu vil Yaru-salem, án pởq pha raloan cruang Sa-mari cóp Cali-lê. <sup>12</sup> Cheq án ẽ mut vil, án ramóh muoi chít náq cũai a-ĩ tut. Alóí ốt yong tễ án. <sup>13</sup> Alóí arô casang lứq neq: “Ncháu Yê-su ời! Sarũiq táq hếq nứng!”

<sup>14</sup> Toâq Yê-su hữm alóí, chơ án pai: “Anhia pởq apáh tở anhia yõn cũai tễng rit sang Yiang Sursĩ hữm.”

Bo alóí pởq, alóí cõt bán a-ĩ tut. <sup>15</sup> Manoaq tễ tởp muoi chít náq ki, toâq án hữm khoiq bán chơ, ngkíq án pĩh loah pở Yê-su, cóp sa-õn Yiang Sursĩ casang lứq. <sup>16</sup> Án cucõh u-ap yáng moat Yê-su cóp sa-õn Yê-su. Án la cũai Sa-mari. <sup>17</sup> Yê-su pai neq: “Bữn muoi chít náq khoiq cõt bán, pẽiq tở? Ma pở léq alóí takêh náq? <sup>18</sup> Óng manoaq nãi toáp toâq sa-õn Yiang Sursĩ. Cóp án la cũai tễ cruang canõh.”

<sup>19</sup> Chơ Yê-su atõng án neq: “Mới yuor tayúng. Cõ mới sa-âm, mới cõt bán.”

*Yê-su Atông Tễ Yiang Sursĩ Táq Sốt  
(Mathia 24:23-28, 37-41)*

<sup>20</sup> Bữn cũai tễ tộp Pha-rasi blớh Yê-su noâng maléq dũn nỏq Yiang Sursĩ táq sốt. Yê-su ta-đi alóí neq: “Yiang Sursĩ táq sốt la án tở bữn apáh tếc yỗn cũai hữm samoât samoi. <sup>21</sup> Tở bữn noau têq pai neq: ‘Nâi! Yiang Sursĩ táq sốt la tâng ntốq nâi, tở la ntốq ki!’ Noau tở têq pai ngkiq, yuaq Yiang Sursĩ táq sốt la tâng mút pahõm anhia.”

<sup>22</sup> Chơ Yê-su atông tộp rien tễ án neq: “Nỡ-ra lứq toâq tangái anhia sâng ẽr áiq lứq yoc ẽ hữm Con Yiang Cốt Cũai ớt tâng cutêq nâi ống muoi tangái sâng la péq toâp, ma anhia tở dáng bữn hữm. <sup>23</sup> Bữn cũai canõh ẽ pai chỏq anhia neq: ‘Con Yiang Cốt Cũai ớt ntốq nâi, tở la ớt ntốq ki.’ Ma anhia chõỉ pỡq, cớp chõỉ noap santoiq alóí. <sup>24</sup> Ariang lalieiq lacang tễ pứp nâi toâq pứp ki tâng paloõng, cứq Con Yiang Cốt Cũai toâq la machóng ki tề. <sup>25</sup> Ma nhũang tangái ki, cứq cóq chũuq sa-ũỉ ramứh túh coat cớp máh cũai tâng dõỉ nâi calõih táh cứq. <sup>26</sup> Tữ cứq, Con Yiang Cốt Cũai, toâq loah pỡ cutêq nâi la samoât riang dõỉ Nô-ê tễ mbỏq tề. <sup>27</sup> Tâng dõỉ Nô-ê, dũ náq cũai cha nguaiq bũỉ óh lứq, cớp alóí ít con lacuoi mantoat tễ nling, yỗn toau toâq tangái Nô-ê chõn tâng tuoc. Chơ dõỉq raloâm toâq, cớp dũ náq cũai tâng dõỉ ki cuchĩt nheq. <sup>28</sup> Cớp ngư cứq, Con Yiang Cốt Cũai, toâq loah la samoât riang dõỉ Lot tễ mbỏq. Máh cũai tâng dõỉ ki cha nguaiq bũỉ óh lứq, alóí chẻq chỡng, alóí choat chõi, cớp táq

dống. <sup>29</sup> Ma tangái Lot loõh tẽ vil Sadôm, Yiang Sursĩ apõng mũ cõp pla ùih samoât riang mia satooh tẽ paloõng, chơ dũ náq cũai tâng vil ki cuchĩt neq. <sup>30</sup> Tangái cứq, Con Yiang Cõt Cũai, toàq la machớng ki tẽ.

<sup>31</sup> “Tâng tangái ki, khân cũai aléq ma õt nhưp curũm dõng, cóq án chõih chõn ìt noâng crõng tẽ dõng. Cũai táq sarái, cóq án chõih chu noâng pỡ dõng. <sup>32</sup> Cóq anhia sanhữ loah tẽ lacuoi Lot tẽ mbỏq! <sup>33</sup> Cũai aléq ma paséq rangứh án bữm, rangứh cũai ki lứq pút. Ma cũai aléq chũuq pút rangứh án, rangứh cũai ki tỡ nai pút. <sup>34</sup> Cứq atõng anhia samoât lứq, tâng sadâu ki bữn bar náq bẻq muoi ntốq. Manoaq, Yiang Sursĩ dững pỡq cõp án; ma manoaq ẽn, Yiang Sursĩ dõq ngki. <sup>35</sup> Bo ki bữn bar náq mansẽm õt cuclóh saro. Yiang Sursĩ dững chíq manoaq, ma manoaq ẽn, Yiang Sursĩ dõq ngki. <sup>36</sup> Cõp bo ki bữn bar náq samiang õt tâng sarái. Yiang Sursĩ dững manoaq pỡq cõp án, ma manoaq ẽn, Yiang Sursĩ dõq ngki.”\*

<sup>37</sup> Moâm Yê-su pai ngkíq, tộp rien tẽ án blớh neq: “Ncháu ơi! Ranáq nài bữn pỡ léq?”

Yê-su ta-õih alớih toàq parnai sacâm neq: “Ntốq léq bữn cũai cuchĩt, ntốq ki lứq bữn chớm calang srúh rôm cha sâiq cumuìq.”

## 18

### *Parnai Sacâm Tẽ Cũai Sốt Sữq Cán Cumai*

\* **17:36** 17:36 Sa-ũih tâm saráq tẽ mbỏq tỡ bữn bữn rana 36 nài.



1 Chơ Yê-su atỡng tộp rien tễ án toâq muoi parnai sacâm, yuaq án yoc alóí dáng cớq alóí câu níc cớp chõỉ pê pahõm. 2 Án pai neq: “Bữn manoaq cũai sớt rasũq máh cũai tâng vil. Án tỡ bữn ngcõh Yiang Sursĩ, cớp án tỡ bữn yám noap cũai hỡ. 3 Tâng vil ki bữn manoaq cán cumai. Án toâq níc pỡ cũai sớt ki, cớp án pai neq: ‘Sẽq achuaih carláh đõq chóq cũai ca táq cứq!’ 4 Khoiқ dũn lứq chơ cán cumai ki táq ngkíq, ma cũai sớt ki tỡ ẽq tamứng. Ma bữn muoi tangái án chanchóm neq: ‘Cứq tỡ bữn ngcõh Yiang Sursĩ, cớp cứq tỡ bữn yám noap đẽh cũai hỡ. 5 Ma cõ cán cumai nâi toâq sẽq níc tễ cứq, ngkíq cứq chuai án. Khân cứq tỡ bữn chuai, án lứq toâq pakhoq níc cứq, cớp án táq yõn cứq sâng sa-ĩr!’ ”

6 Chơ Yê-su pai ẽn neq: “Anhia sâng ma tỡ bữn santoiq cũai sớt ki pai? Án sũq ma án sũq tỡ bữn tanoang tapứng. 7 Ma Yiang Sursĩ, án ca rasũq pĩeiq lứq, án ẽ chuai cũai puai ngê án, cũai ca arô án cu rangái cu sadâu. Án lứq toâq chuai alóí toâp, cớp tỡ bữn cro. 8 Cớp cứq atỡng anhia dáng tẽ, Yiang Sursĩ sũq tanoang tapứng yõn máh cũai ca puai ngê án, cớp án táq cháỉ lứq. Ma tũ cứq, Con Yiang Cõt Cũai, toâq loah pỡ cớc cutẽq nâi, cứq ramóh cũai sa-âm Yiang Sursĩ nheq mút pahõm tỡ?”

*Parnai Sacâm Tễ Manoaq Cũai Pha-rasi Cớp Manoaq Cũai Parõm Práq Thẽq*

9 Yê-su atỡng ẽn toâq parnai sacâm chóq máh cũai ca chanchóm alóí tanoang o hỡn tễ cũai

canõh. <sup>10</sup> Án pai neq: “Bữn bar náq samiang mut tâng Dõng Sang Toâr yoc ẽ câu. Manoaq la cũai Pha-rasi, cớp manoaq ẽn la cũai parõm práq thẽq. <sup>11</sup> Cũai Pha-rasi ki tayúng câu ngcuai lứq neq: ‘Cucõh Yiang Sursĩ ời, cứq sa-õn anhia yuaq cứq tõ bữn táq lôih riang cũai canõh. Cứq tõ bữn ham cớng noau. Cứq tõ bữn raphẽq rathũ noau. Cứq tõ bữn cooc lacuoi noau. Cứq sa-õn anhia, cứq tõ bữn riang cũai parõm práq thẽq nãi. <sup>12</sup> Cứq ót sana muoi tổn bar tangái. Cớp máh mun cứq, khân bữn muoi chít pún, ki cứq chiau sang yõn anhia muoi pún.’ <sup>13</sup> Ma cũai parõm práq thẽq ki õt yớng tẽ cũai Pha-rasi. Án tõ khón tapoang achõn chu paloõng. Án trúp apõm án bữm táq tếc án sâng ngua lứq. Cớp án pai neq: ‘O Yiang Sursĩ ời! Sẽq anhia sarũiq cứq núng, yuaq cứq la cũai lôih!’ ”

<sup>14</sup> Chơ Yê-su pai neq: “Cứq atõng anhia samoât lứq, cũai parõm práq thẽq nãi chu pữ dõng, án lứq cõt tanoang o yáng moat Yiang Sursĩ. Ma cũai Pha-rasi ki, tõ bữn tanoang o ntróu yáng moat Yiang Sursĩ. Khân cũai aléq achõn tõ yoc ẽ cõt toâr, nõ-ra cũai ki cõt cacót. Cớp cũai aléq asẽng tõ yõn cacót sanua, nõ-ra án lứq cõt toâr.”

*Yê-su Câu Yõn Carnẽn Cót Cót  
(Mathia 19:13-15; Mac 10:13-16)*

<sup>15</sup> Bữn máh cũai dững carnẽn cõt cõt toâq pữ Yê-su, ẽq Yê-su satoaq atĩ tâng máh carnẽn ki. Ma tốp rien tẽ Yê-su sớoq tõ yõn alóit dững máh carnẽn ki pữ Yê-su. <sup>16</sup> Ma Yê-su arô carnẽn ki

toâq pǝ án; chơ án pai neq: “Anhia yǝn carnĕn toâq pǝ cúq. Chǝi catáng alǝi, yuaq tâng tǝp Yiang Sursĩ sǝt, bũn ǝng cũai ca bũn mút pahǝm samoât carnĕn nâi. <sup>17</sup> Cúq atǝng anhia samoât lúq, cũai aléq ma tǝ bũn pruam yǝn Yiang Sursĩ táq sǝt samoât carnĕn pruam, cũai ki tǝ tĕq mut tâng tǝp Yiang Sursĩ sǝt.”

*Bũn Manoaq Cũai Sǝc*

*(Mathia 19:16-30; Mac 10:17-31)*

<sup>18</sup> Bũn manoaq cũai sǝt tâng tǝp I-sarel toâq blǝh Yê-su neq: “Thâi Ơi! Thâi la lúq Ơ. Ntrǝu cúq cóq táq yǝn tĕq cúq bũn tamoong mantái?”

<sup>19</sup> Yê-su blǝh loah án neq: “Nǝq mới đǝq cúq Ơ? Ớng Yiang Sursĩ toâp la Ơ. <sup>20</sup> Mới dáng chơ máh ố Yiang Sursĩ patâp neq: Chǝi cooc lacuoi tǝ la cayac noau; chǝi cachĩt cũai; chǝi tutuoiq; chǝi táq ntǝng lauq; cóp yám noap mpiq mpoaq.”✧

<sup>21</sup> Cũai ki pai neq: “Dũ ố patâp ki cúq khoiq trĩh tĕ bo cúq noâng sanyǝr.”

<sup>22</sup> Tũ Yê-su sâng án pai ngkĩq, Yê-su atǝng loah án neq: “Mới noâng khlâiq muoi ramứh. Cóq mới pǝq chĕq nheq máh mun mới; chơ ĩt práq ki chuai máh cũai cadĩt. Khân mới táq ngkĩq, mới lúq bũn mun ngoaih tâng paloǝng. Chơ mới toâq cóp puai cúq.”

<sup>23</sup> Ma tũ án sâng Yê-su pai ngkĩq, án sâng ngua lúq, yuaq án la cũai sǝc.

<sup>24</sup> Yê-su hũm án sâng ngua. Chơ Yê-su atǝng ĩn neq: “Máh cũai sǝc, coat lúq yǝn alǝi mut

✧ **18:20** 18:20 Loǝh Tĕ Ê-yip-tô 20:12; Patâp Loah 5:16-20

tâng tốp Yiang Sursĩ sốt! <sup>25</sup> Charán lac-da luaiq hống srúm la khể hỡn tể cũai sốc bữn mut tâng tốp Yiang Sursĩ sốt.”

<sup>26</sup> Mách cũai ca sâng Yê-su pai ngkiq, alói blóh án neq: “Khân ngkiq, noau têq mut tâng tốp Yiang Sursĩ sốt?”

<sup>27</sup> Yê-su ta-õi alói neq: “Cũai tở têq táq bữm ranáq ki, ma Yiang Sursĩ têq táq nheq tữh ranáq.”

<sup>28</sup> Chơ Phi-er atỡng Yê-su neq: “Nài! Hếq khoiq táh dũ ramứh hếq bữn, cõ hếq ẽ puai thài.”

<sup>29</sup> Yê-su ta-õi máh cũai ki neq: “Cứq atỡng anhia samoât lứq, cũai aléq ma táh đống sũ, táh mpiq mpoaq, táh sểm ai, cớp táh con lacuoi, cõ án yoc Yiang Sursĩ táq sốt, <sup>30</sup> cũai ki lứq bữn loah clữi tể máh ramứh án táh tể nhũang. Cớp chumát án lứq bữn tamoong mantái.”

*Yê-su Atỡng Sĩa Tể Án Cớq Cuchĩt  
(Mathia 20:17-19; Mac 10:32-34)*

<sup>31</sup> Yê-su dững aloõh ống tốp rien tể án sâng, chơ án atỡng alói neq: “Anhia tamứng! Hái chõn pỡ vil Yaru-salem. Ớt tâng vil ki, lứq cõt rapĩeiq máh santoiq cũai tang bõq Yiang Sursĩ tể mbỏq khoiq chĩc đợq tể Con Yiang Cõt Cũai. <sup>32</sup> Noau chiau án pỡ atĩ cũai tở cõn cũai I-sarel. Alói ki ayê ra-ac án, lóc án, cớp cuchóh tâng tồ án. <sup>33</sup> Alói proaih án, cớp cachĩt án. Ma catâm tangái pái, án yuor tamoong loah.”

34 Ma tốp rien tễ Yê-su tở bữn sapúh ntróu tễ ốc nâi, yuaq santoiq Yê-su atỡng la yarũ lứq. Ngkíq alóit tở bữn dáng raloaih tễ ốc Yê-su atỡng.

*Yê-su Táq Bán Cũai Sũt Moat Tâng Vil Yê-ri-cô  
(Mathia 20:29-34; Mac 10:46-52)*

35 Tữ Yê-su cheq toâq vil Yê-ri-cô, bữn manoaq cũai sũt moat ốt susêq kễng rana. 36 Bo án sâng cũai cứng pởq pha cheq án, án blóh neq: “Cốt ranáq ntróu toâp?”

37 Mách cũai ki ta-ôi án: “Yê-su tễ vil Na-sarết pởq pha cheq nâi.”

38 Ngkíq cũai sũt ki arô casang lứq neq: “Ơ Yê-su tễ tống Davít ơi! Sễq Ncháu sarũiq táq cứq nứng.”

39 Cũai ca pởq tâng rana ki sươq án chỏi tabỏq.

Ma án pai casang lứq ễn: “Ơ anhia tễ tống Davít ơi! Sễq anhia sarũiq táq cứq nứng.”

40 Yê-su tangút, cốp ớn noau dừng cũai sũt ki toâq pở án. Tữ cũai ki toâq, Yê-su blóh án neq:

41 “Ntróu mới yoc cứq táq yỗn mới?”

Cũai sũt ta-ôi Yê-su: “Ncháu ơi! Sễq Ncháu táq yỗn moat cứq cốt blang!”

42 Chơ Yê-su atỡng án neq: “Yỗn moat mới cốt blang! Cỗ mới sa-âm, moat mới cốt blang.”

43 Bo ki toâp moat cũai ki cốt blang. Chơ án puai Yê-su cốp khễn Yiang Sursĩ. Tữ cũai cứng hữm ngkíq, alóit khễn Yiang Sursĩ tê.

## 19

*Yê-su Cốp Sachê*

<sup>1</sup> Yê-su pha tâng mpúng dĩ vil Yê-ri-cô. <sup>2</sup> Ớt tâng vil ki bữn manoaq samiang, ramúth Sachê. Án sớt máh cũai parôm práq thểq, cóp án sớt hữ. <sup>3</sup> Án yoc ẽ hữm Yê-su la noau. Ma án la cũai dễn. Ngkíq án tở bữn hữm Yê-su, yuaq cũai cứng catáng chíq án. <sup>4</sup> Ngkíq án lúh pởq nhũang máh cũai cứng. Chơ án chồn tâng nỡm lavoah\* yoc ẽ hữm Yê-su pởq pha cheq aluang ki.

<sup>5</sup> Bo Yê-su toâq pở ntốq nỡm aluang ki, án tapoang achõn, cóp án atõng Sachê neq: “Sachê ơi! Mới sễng cháí, yuaq tangái nâi cứq cóq ớt dống mới.”

<sup>6</sup> Ngkíq Sachê sễng toáp, cóp án roap chõm Yê-su bủi hỡr lứq. <sup>7</sup> Máh cũai ca hữm ngkíq, alớí bubéq-bubựp neq: “Cũai tamoi nâi pởq pở dống cũai lỏih.”

<sup>8</sup> Ma Sachê tayúng yáng moat nheq tữh cũai ki cóp án atõng Yê-su neq: “Ncháu ơi! Máh mun cứq, cứq ỉt tadĩ chuai máh cũai cadít. Cóp khân bữn cũai aléq cứq khoi q lỏp án muoi pún, sanua cứq culáh loah án pỏn pún.”

<sup>9</sup> Yê-su atõng án neq: “Tangái nâi Yiang Sursĩ lứq chuai amoong dống sủ nâi, yuaq anhia la tễ tống toi q A-praham machóng hếq tê. <sup>10</sup> Cứq, Con Yiang Cõt Cũai, toâq pở nâi yoc ẽ chuaq cóp chuai amoong máh cũai khoi q clóc rana.”

*Parnai Sacâm Tễ Práq Nễn*  
(*Mathia 25:14-30*)

\* **19:4** 19:4 Tâng parnai Créc noau đởq aluang ki la ‘su-camôr’.

11 Moâm ki, Yê-su atõng toâq parnai sacâm sĩa chók cũai ca khoiq sâng án pai ngkíq. Án khoiq cheq ẽ toâq vil Yaru-salem chơ, cốp máh cũai chanchóm khoiq cheq ẽ toâq chơ tangái Yiang Sursĩ táq sốt tâng cruang alóí. 12 Ngkíq Yê-su pai neq: “Bữn manoaq cũai sốt pỡq chu cruang canõh, cốp ẽq máh cũai sốt tâng cruang ki chók án cõt puo tâng cruang án bữm. Vót ki án ẽ chu loah pỡ cruang án. 13 Nhũang án ẽ pỡq, án arô muoi chít náq cũai táq ranáq án. Án yõn muoi noaq muoi nễn práq,† cốp án patâp neq: ‘Anhia táq nõq yõn práq nãi cõt lơi toau toâq tangái cứq chu loah.’ 14 Máh cũai proai tâng cruang án, alóí kêt án cốp tỡ ẽq án cõt puo alóí. Ngkíq alóí ớn noau pỡq atõng cũai sốt toâr lứq ca ẽ chók án cõt puo neq: ‘Hếq tỡ ẽq cũai nãi cõt sốt hếq.’

15 “Ma cũai ki bữn cõt puo, chơ án chu loah pỡ cruang án. Án arô máh cũai táq ranáq án ca khoiq roap práq, yoc ẽ dáng maléq sa-ữi alóí bữn lơi tể práq ki. 16 Cũai toâq nhũang pai neq: ‘Ncháu ơi! Cứq bữn lơi muoi chít nễn tể muoi nễn ncháu khoiq yõn cứq.’ 17 Cũai sốt ki pai neq: ‘O lứq mới táq! Mới la cũai o táq ranáq cứq! Yuaq mới táq o cốp bĩaq práq nãi, ngkíq cứq ẽ chók mới yõn cõt sốt tâng muoi chít vil.’ 18 Bữn manoaq ễn toâq cốp pai neq: ‘Ncháu ơi! Cứq bữn lơi sỡng nễn tể muoi nễn ncháu khoiq yõn cứq.’ 19 Cũai sốt ki pai chók án neq: ‘Cứq ẽ chók

† 19:13 19:13 Kia muoi nễn dõi ki la li manoaq tuthẻ pái casái.

mới cõt sôt tâng sồng vil.’ <sup>20</sup> Cóp bữn manoaq ẽn toâq cốp pai neq: ‘Ncháu ơi! Nâi la práq nẽn ncháu khoiq yõn cứq. Cứq cayóm đõq práq nâi tâng aroâiq. <sup>21</sup> Cứq ngcõh ncháu, yuaq cứq dáng ncháu pasẽq lứq práq ncháu. Ncháu tở bữn táq, ma ncháu ẽ ít. Ncháu tở bữn choat, ma ncháu ẽ sot.’ <sup>22</sup> Cũai sôt ki pai chóc án neq: ‘Mới la cũai loâi lứq táq ranáq cứq! Parnai mới tẽq loah mới bữm. Mới khoiq dáng chơ cứq pasẽq lứq práq cứq. Cốp mới dáng cứq tở bữn táq, ma cứq ít. Cứq tở bữn choat, ma cứq sot. <sup>23</sup> Khân ngkíq, cõ nõq mới tở yõn cũai canõh voaq práq cứq. Chơ, toâq tangái cứq chu loah, cứq bữn práq ki cốp lơi hõ.’ <sup>24</sup> Vớt ki, cũai sôt ki atõng máh cũai õt mpẽr ki neq: ‘Ìt loah muoi nẽn práq ki tẽ án. Chơ yõn pở cũai ca bữn muoi chít nẽn.’ <sup>25</sup> Ma máh cũai ki atõng cũai sôt ki neq: ‘Ncháu ơi! Cũai ki khoiq bữn muoi chít nẽn chơ!’ <sup>26</sup> Ma cũai sôt ki ta-õi alóí neq: ‘Án ca bữn sa-ũi, cứq yõn án bữn sa-ũi lứq ẽn. Ma án ca tở bữn bữn ntróu, cứq yõn án ốq loâng. <sup>27</sup> Ma máh alóí ca tở ẽq cứq cõt puo alóí, dũng alóí pở nâi cốp cachit nheq alóí yáng moat cứq!’ ”

*Yê-su Mut Tâng Vil Yaru-salem*

*(Mathia 21:1-11; Mac 11:1-11; Yang 12:12-19)*

<sup>28</sup> Moâm Yê-su pai ngkíq, án pỏq carlíq máh cũai ca pỏq pở vil Yaru-salem. <sup>29</sup> Tữ cheq án ẽ toâq vil Bê-phayê cốp vil Bê-thani, pở ntốq dũal O-li-vê, án ớn bar náq tốp rien tẽ án pỏq nhũang. <sup>30</sup> Án patâp alóí ki neq: “Anhia pỏq chu vil ki.



Bo anhia toâq ramỏh vil, anhia lủq ramỏh muoi lám aséh dển con ca tở bữn noau ỏt yủah. Noau khoiủ chỏq đỏq án pỏ ntỏq ki. Anhia leh án cỏp đứng án chu cứq. <sup>31</sup> Khân noau blỏh anhia: ‘Nỏq anhia leh aséh nâi?’ chớ anhia ta-ỡi neq: ‘Ncháu hái ể mian aséh nâi.’ ”

<sup>32</sup> Chớ alới bar náq ki pỏq, cỏp alới hủm samoât Yê-su khoiủ atởng alới. <sup>33</sup> Bo alới leh aséh con ki, cũai ndỏm aséh ki blỏh alới neq: “Nỏq anhia leh aséh nâi?”

<sup>34</sup> Alới ta-ỡi án neq: “Ncháu hái ể mian aséh nâi.”

<sup>35</sup> Chớ alới đứng achu aséh dển ki yỏn Yê-su. Moâm ki alới ỉt tampác alới sủn tâng cloong aséh ki. Chớ alới apỏng Yê-su chỏn tacu tâng aséh ki. <sup>36</sup> Bo Yê-su pỏq, noau sủn tampác tâng rana yỏn án pỏq. <sup>37</sup> Tở án pỏq cheq ể toâq vil Yaru-salem, pỏ ntỏq rana sểng tể dủal O-li-vê, bữn cứng cũai ca rien tể án triau cupo. Alới sa-ỡn cỏp khển Yiang Sursỉ casang lủq, yuaq alới khoiủ hủm máh ranáq salểh. <sup>38</sup> Alới pai neq: “Sểq Yiang Sursỉ apỏng ỏc bốn yỏn puo nâi, án ca toâq pỏ nâi cũ Yiang Sursỉ ỏn. Sểq ỏc ien khể toâq tâng paloỏng cỏp santoiủ khể toâq pỏ Yiang Sursỉ.” ✧

<sup>39</sup> Tâng cũai cứng ki bữn dển cũai Pha-rasi hỡ. Alới pai chỏq Yê-su neq: “Thâi ời! Cỏq thâi sủoq máh cũai rien tể thâi chỏi yỏn alới triau cupo noâng.”

40 Ma Yê-su ta-õi alóí neq: “Khân máh cũai nâi tở bữn triau cupo ngkíq, cứq atởng anhia samoât lứq, Yiang Sursĩ lứq yỗn tamáu ẽn triau cupo.”

### *Yê-su Sâng Ngua Tễ Vil Yaru-salem*

41 Từ Yê-su cheq ẽ toâq vil Yaru-salem, án tapoang chu vil ki, chơ án nhiam. 42 Cóp án pai neq: “Tangái nâi cứq yoc lứq máh anhia ca ốt tâng vil nâi dáng, cóq anhia táq nỏq yỗn têq ốt ien khẽ. Ma sanua, ốc nâi anhia tở têq sâng. 43 Nỡ-ra toâq máh tangái cũai par-ũal anhia ẽ puon cutêq lavíng mpêr vil anhia, cóp alóí tở yỗn anhia loỏh tễ vil. Alóí ẽ catáng dũ rana. 44 Alóí ẽ cachít dũ náq anhia cóp talỏh nheq vil anhia. Alóí tở yỗn muoi ramứh ntróu tâng vil anhia noâng plot, yuaq anhia tở bữn dáng tangái Yiang Sursĩ khoi q toâq ẽ chuai amoong anhia!”

### *Yê-su Mut Tâng Dống Sang Toâr*

*(Mathia 21:12-17; Mac 11:15-19; Yang 2:13-22)*

45 Yê-su mut tâng Dống Sang Toâr, chơ án tuih aloỏh nheq máh cũai chẻq chỡng tâng ki. 46 Án atởng alóí neq: “Tâng tâm saráq Yiang Sursĩ tễ mbỏq, án khoi q pai neq:

‘Noau đởq đống cứq la đống yỗn câu sẻq.’<sup>☆</sup>

Ma anhia táq đống nâi cõt ariang cựp yỗn cũai savẻng mut tooq!”

47 Cu rangái Yê-su atởng tâng Dống Sang Toâr. Máh cũai sốt tốp tẻng rit sang Yiang Sursĩ, máh cũai yỗng rit, cóp máh cũai sốt canỏh, alóí chuaq

☆ 19:46 19:46 Ê-sai 56:7

ngê ẽ cachĩt Yê-su. <sup>48</sup> Ma alóit tở dáng nỏq ẽ táq yõn cachĩt Yê-su, yuaq nheq máh cũai ẽ tamúng níc santoiq án atõng.

## 20

### *Noau Blóh Yê-su Tẽ Chórc Án (Mathia 21:23-27; Mac 11:27-33)*

<sup>1</sup> Bữn muoi tangái Yê-su atõng parnai o tẽ Yiang Sursĩ yõn máh cũai proai tâng Dõng Sang Toâr tamúng. Bo ki bữn máh cũai sỏt tỏp tẽng rit sang Yiang Sursĩ, máh cũai yõng rit, cỏp máh cũai sỏt nheq sâu, toâq pỡ án cỏp blóh neq: <sup>2</sup> “Sẽq thâi atõng hếq tẽ chórc ntrầu thâi táq ranáq salễh nâi? Noau yõn thâi bữn chórc nâi?”

<sup>3</sup> Yê-su ta-õi alóit neq: “Cứq yoc ẽ blóh anhia muoi ỏc tê. Sẽq anhia ta-õi cứq: <sup>4</sup> Ranáq batẽm Yang táq, tẽ léq ranáq ki toâq, tẽ Yiang Sursĩ tỡ la tẽ cũai?”

<sup>5</sup> Chơ alóit sarhõng neq: “Khân hái ta-õi án neq: ‘Ranáq batẽm nâi toâq tẽ Yiang Sursĩ,’ ngkếq án blóh loah hái neq: ‘Khân ngkíq, nỏq anhia tỡ bữn sa-âm Yang?’ <sup>6</sup> Ma khân hái ta-õi án neq: ‘Ranáq batẽm nâi chõng toâq tẽ cũai,’ chơ hái ngcõh cũai proai tám tamáu chóq hái, yuaq alóit sa-âm Yang la cũai tang bỏq Yiang Sursĩ.”

<sup>7</sup> Ngkíq alóit ta-õi Yê-su neq: “Hếq tỡ dáng.”

<sup>8</sup> Yê-su ta-õi loah alóit neq: “Chơ! Cứq tỡ bữn atõng tê yõn anhia dáng noau yõn cứq bữn chórc táq máh ranáq nâi.”

*Parnai Sacâm Tễ Manoaq Chóh Palâi Nho  
Tâng Nương  
(Mathia 21:33-46; Mac 12:1-12)*

<sup>9</sup> Yê-su atỡng máh cūai clững ki toâq parnai sacâm neq: “Bữn manoaq chóh voar nhỏ tâng nương. Chơ án yỗn cūai canốh táq đỡ nương án. Alóí pruam ndõm cốp mpễq máh palâi. Moâm ki án pỡq cruang canốh. <sup>10</sup> Toâq ngư palâi chĩn, ncháu ki ớn cūai sũl toâq pỡ alóí ca táq đỡ nương án. Án ớn sũl ki ít pún án tễ alóí. Ma alóí ca táq ranáq tâng nương ki toân cūai sũl, cốp alóí tuih án chu miat. <sup>11</sup> Chơ ncháu ki ớn sũl canốh ễn pỡq chu nương ki. Ma cūai táq đỡ nương ki toân cūai sũl ki tê, cốp alóí lóc acrieiq án; chơ alóí tuih án yỗn chu miat. <sup>12</sup> Vớt ki ncháu ớn manoaq sũl ễn. Ma cūai táq đỡ nương ki táq sũl ki bớch chũl, cốp alóí tuih aloỏh án hỡ. <sup>13</sup> Chơ ncháu ki chanchóm neq: ‘Nốq ễn cứq ễ táq? Cứq ớn con samiang ca cứq pasếq lứq ễn pỡq. Lứq alóí yám noap án.’ <sup>14</sup> Ma toâq alóí ca táq đỡ nương ki hữm con samiang ncháu nương, chơ manoaq atỡng manoaq neq: ‘Nâi la lứq con tống ncháu. Hâi! Hái cachĩt chíq án! Chơ máh mun án cõt khong hái!’ <sup>15</sup> Chơ alóí âc sadỏh con ncháu ki loỏh tễ nương, cốp alóí cachĩt án. Ngkíq, nốq toập ncháu ki ễ táq chóq máh cūai táq đỡ nương án? <sup>16</sup> Lứq án toâq cachĩt táh nheq alóí, cốp án yỗn cūai canốh ễn táq đỡ nương án.”

Máh cūai sâng parnai ki, alóí pai neq: “Chỗi yỗn cõt ngkíq!”

<sup>17</sup> Ma Yê-su nhêng chu alóí cốp blớh neq:

“Khân tở bữn ngkiq, ntróu la ngê tễ santoiq tâng tâm saráq Yiang Sursĩ khoiq pai tễ mbốq neq: ‘Cốc tamáu cũai táq đống khoiq táh, tamáu ki noau hữm o hỡn tễ tamáu canõh. Chơ noau ít cốp chĩp bân soq đống.’\*☆

<sup>18</sup> Cũai aléq ma dỏm tâng tamáu nâi, án khat loâng. Ma khân tamáu nâi satooh p̄ieiq tễ cũai, cũai ki lứq đươiq thág.”

*Yê-su Atỡng Tễ Práq Thễq  
(Mathia 22:15-22; Mac 12:13-17)*

<sup>19</sup> Mách cũai sốt tốp tễng rit sang Yiang Sursĩ cốp máh cũai yống rit chuaq ngê ẽ cốp toáp Yê-su, yuaq alóí dáng Yê-su atỡng parnai sacâm ki tễ alóí. Ma alóí tở khón, yuaq alóí ngcõh máh cũai proai. <sup>20</sup> Ma alóí tutuaiq níc tễ Yê-su. Alóí ớn cũai p̄õq soc ngê tễ án. Cũai ki táq nan cũai mantoat o, ma alóí toáp p̄õ Yê-su yoc ẽ chuaq ralíh tễ án. Alóí yoc ẽ cốp cốp chiau án p̄õ atĩ cũai sốt. <sup>21</sup> Mách cũai soc ngê ki blóh Yê-su neq: “Thâi ơi! Hếq dáng chơ thâi atỡng p̄ieiq níc. Cốp yáng moat thâi, nheq tửh cũai la lí-ralĩ nheq. Thâi atỡng ngê Yiang Sursĩ p̄ieiq lứq. <sup>22</sup> Ngkiq hếq sễq thâi atỡng hếq: Ntróu thâi chanchóm, p̄ieiq ma tở bữn hái cóq muap práq thễq p̄õ puo Rô-ma?”

<sup>23</sup> Ma Yê-su khoiq dáng alóí bữn ngê ẽ chim án; chơ án pai chóq alóí neq: <sup>24</sup> “Anhia dững

---

\* **20:17** 20:17 Puaí tễ ranáq alóí táq, tamáu aléq noau chĩp tâng soq, tamáu ki táng yõn đống cõt khâm. Tamáu ki Yê-su sacâm tễ tở án toáp. ☆ **20:17** 20:17 Ủat Khển 118:22

yõn cúq nhêng muoi ọc práq! Ồc práq nâi bữn roáp cốp chĩr samoât tỗ noau?”

<sup>25</sup> Alói ta-õi neq: “Puo Rô-ma.”

Chơ Yê-su atỡng loah alói neq: “Crong puo Rô-ma, cóq anhia culáh loah yõn puo Rô-ma, cốp crong Yiang Sursĩ, cóq anhia culáh loah yõn Yiang Sursĩ.”

<sup>26</sup> Bo Yê-su atỡng yáng moat cũai cứng, máh cũai ca chim Yê-su tỡ bữn ramóh muoi ọc lóih ntróu tễ santomq Yê-su atỡng. Ngkíq alói sâng dót lứq Yê-su ta-õi ngkíq. Chơ alói tỡ bữn tabốq ntróu noâng.

*Tổp Sa-dusê Blóh Yê-su Tễ Ồc Tamoong Loah  
(Mathia 22:23-33; Mac 12:18-27)*

<sup>27</sup> Bữn cũai tễ tổp Sa-dusê toâq pỡ Yê-su. Tổp alói ki pai cũai khoiq cuchĩt tỡ têq tamoong loah. Alói atỡng Yê-su neq: <sup>28</sup> “Thâi ơi! Mũi-se khoiq chĩc yõn hái dáng neq: ‘Khân manoaq samiang khoiq cuchĩt, ma lacuoi án noâng tamoong, cốp alói tỡ yũah bữn con, ngkíq sễm ai án cóq siem lacuoi án, đốq patốq loah án ca khoiq cuchĩt.’”

<sup>29</sup> Dỡi mbốq bữn tapul náq sễm ai. Ai clúng khoiq ít lacuoi. Ma án cuchĩt tỡ yũah bữn con.

<sup>30</sup> Ngkíq a-ễm ndĩ án siem lacuoi ai. <sup>31</sup> Cốp machống ki tê, tễ a-ễm ndĩ toau toâq a-ễm ralốh. Tapul náq alói la machống nheq. Alói cuchĩt ma tỡ yũah bữn con. <sup>32</sup> Toâq parsốt thánq mansễm ki cuchĩt tê. <sup>33</sup> Tữ máh cũai cuchĩt tamoong loah,

✧ **20:28** 20:28 Patâp Loah 25:5

mansẽm ki cõt lacuoi noau? Yuaq alói tapul náq ndõm nheq mansẽm ki!”

<sup>34</sup> Yê-su ta-õi alói neq: “Mansẽm samiang ãt cõt lacuoi cayac ống tâng dõi nâi sâng. <sup>35</sup> Ma alói ca sa-âm Yiang Sursĩ, lứq Yiang Sursĩ yõn alói tamooing loah tẽ cuchĩt, cớp án yõn alói tamooing mantái níc. Cũai ki tở bữn ãt noâng lacuoi cayac.

<sup>36</sup> Alói la samoât riang ranẽng Yiang Sursĩ tê; alói tở nai cuchĩt noâng. Alói lứq cõt con acái Yiang Sursĩ, yuaq alói khoiq tamooing loah tẽ cuchĩt chơ. <sup>37</sup> Ma tẽ ranáq cũai cuchĩt ma tamooing loah, Mõi-se khoiq yõn hái dáng raloaih tẽ ốc ki, bo án chĩc atõng tẽ rambũ blữ ùih ma tở bữn cat. Ntốq ki án dõq Yiang Sursĩ la

‘Yiang Sursĩ A-praham sang, I-sac sang, cớp Yacốp sang.’<sup>☆</sup>

<sup>38</sup> Têq hái dáng alói tamooing loah tẽ cuchĩt, yuaq cũai cuchĩt tở têq sang Yiang Sursĩ. Ống alói ca tamooing sâng têq sang án, cớp nheq tữh cũai bữn tamooing cõ nhơ tẽ Yiang Sursĩ.”

<sup>39</sup> Moâm Yê-su pai ngkíq, bữn cũai tẽ tốp yống rit pai chớq Yê-su neq: “Thâi ơi! Lứq pĩeiq máh sãtoiq thâi pai!”

<sup>40</sup> Vót ki, alói tở khón blóh muoi sãtoiq ntróu noâng tẽ Yê-su.

### *Sãtoiq Blóh Tẽ Crĩt*

*(Mathia 22:41-46; Mac 12:35-37)*

<sup>41</sup> Yê-su blóh alói ki neq: “Yuaq nõq cũai dốq pai Crĩt toâq tẽ tống toiq puo Davĩt? <sup>42-43</sup> Cutô

<sup>☆</sup> **20:37** 20:37 Loõh Tẽ Ê-yip-tô 3:6

Davĩt toáp atõng tâng tâm saráq Parnai Ûat Khẽn Yiang Sursĩ neq:

‘Yiang Sursĩ atõng chók Ncháu cứq neq:

“Mới tacu coah atoam cứq†

yõn toau toâq tangái cứq yõn alói ca yoc ẽ cachĩt mới õt pũn talang ayũng mới, cõt sũl mới.” \*✠

<sup>44</sup> Cutõ Davĩt toáp đõq Crĩt la ‘Ncháu’. Ki nõq tẽq Davĩt đõq cũai tẽ tõng toiq án bũm la ‘Ncháu’?”

*Yê-su Sươq Cũai Chõi Táq Machóng Cũai Yõng Rit*

*(Mathia 23:1-36; Mac 12:38-40)*

<sup>45</sup> Bo chũng cũai õt tamũng santoiq Yê-su, án atõng tốp rien tẽ án neq: <sup>46</sup> “Anhia chõi táq machóng cũai yõng rit. Alói yoc lứq sớp au tuar cuti, cớp alói yoc lứq cũai canõh tabõp o bo alói õt cớp cũai chũng. Alói yoc ẽ bũn cachõng tacu o clũi nheq tẽ canõh tâng đõng sang, cớp alói yoc ẽ tacu coah pũng toâq noau mới alói toâq cha. <sup>47</sup> Alói lờp máh mun cán cumai, cớp alói câu cuti lứq ẽq noau pai alói tanoang o. Ma chumát tột alói ntâng hỡn tẽ máh cũai canõh!”

## 21

*Manoaq Cán Cumai Chók Práq Sang*

*(Mac 12:41-44)*

<sup>1</sup> Yê-su nhẽng chu ntõq cũai chók práq sang tâng Đõng Sang Toâr. Án hũm cũai sốc chók

† **20:42-43** 20:42-43 Puaiphẽp rit cũai I-sarel, khãn cũai aléq ma yoc ẽ yám noap cũai canõh lứq samoât, ngkĩq án yõn cũai ki õt coah atoam án. \*✠ **20:42-43** 20:42-43 Ûat Khẽn 110:1



práq tâng ki. <sup>2</sup> Cóp án hữm manoaq cán cumai cadĩt lứq, chók bar ọc práq sâng, kia bĩq lứq. <sup>3</sup> Yê-su pai neq: “Cứq atỡng anhia samoât lứq, cán cumai nâi cadĩt lứq, ma án chók práq sang sa-ữi hỡn tễ cũai canỏh. <sup>4</sup> Yuaq máh cũai canỏh chók práq clũi tễ alói tâc cha, ma cán cumai nâi ốq lứq. Máh léq án bữn, án chók nheq máh ki.”

*Yê-su Atỡng Tễ Noau Talỏh Dống Sang Toâr  
(Mathia 24:1-2; Mac 13:1-2)*

<sup>5</sup> Bữn cũai achưng alư tễ Dống Sang Toâr. Alói pai dống sang ki nêuq lứq, yuaq noau táq toâq tamáu o. Cóp tâng dống ki bữn sa-ữi cớng nêuq o noau sang yỏn Yiang Sursĩ. <sup>6</sup> Ma Yê-su atỡng cũai ki neq: “Máh dống toâr anhia hữm tâng ntốq nâi, chumát tamáu noau táq dống nâi tỡ bữn ratót noâng parnoi; án ratáh nheq.”

*Yê-su Atỡng Tễ Ốc Túh Coat Toâq Pỡ Cũai  
(Mathia 10:16-25; 24:3-14; Mac 13:3-13)*

<sup>7</sup> Alói blớh Yê-su neq: “Thâi oi! Sếq thâi atỡng yỏn hếq dáng, noâng dũn maléq ranáq nâi toâq? Cóp bữn tếc ntrứu sapáh nhũang tễ ranáq nâi toâq?”

<sup>8</sup> Yê-su ta-ỡi alói neq: “Cóq anhia ỡt yỏn khếuq; chỗi yỏn noau phếq anhia. Chumát bữn sa-ữi náq toâq clểu ramứh cứq, cóp alói pai neq: ‘Cutỏ cứq nâi toâp la Crĩt!’ Cóp alói pai neq tề: ‘Tangái parsốt ể toâq chơ!’ Ma anhia chỗi noap santoiq alói. <sup>9</sup> Tữ anhia sâng parhan noau rachĩl cóp noau tampỏr ể cữt sớt, ki anhia chỗi croỏq

ntróu. Yuaq ranáq nâi cóq toâq nhũang voai. Ma tở yũah toâq tangái parsót thánq.”

<sup>10</sup> Yê-su atông ễn neq: “Tangái ki bữn tởp nâi rachíl ratáq cóp tởp ki, cóp cruang nâi rachíl ratáq cóp cruang ki. <sup>11</sup> Bữn sa-ữi ntốq cutểq rachâu cóp cacút. Bữn sa-ữi ntốq óq sana cha. Cóp bữn sa-ữi ramứh a-ĩ, manoaq tót tể manoaq. Máh ramứh túh coat nâi lứq toâq, cóp bữn sa-ữi tểc salễh tể paloong toâq tề.

<sup>12</sup> “Ma nhũang máh ramứh ki toâq, bữn cũai cởp cóp táq túh coat lứq anhia. Alói dững anhia pở dống sang tởp I-sarel yỗn noau sữq anhia, cóp alói chóq anhia tâng cuaq hữ. Alói dững anhia yáng moat máh puo cóp yáng moat máh cũai sớt la cở tian anhia puai ngê cứq. <sup>13</sup> Máh ramứh ki táq yỗn anhia tềq atông tể ngê cứq. <sup>14</sup> Cóq anhia chỏi clong nhũang ntróu anhia yoc ể pai chóq cũai sớt ki. <sup>15</sup> Bo ki, cứq toâp atông anhia cóp yỗn anhia bữn ngê rangoaiq tềq táq ntởng santoiq p̄ieiq chóq alói ca ể táq anhia. Chơ alói tở tềq rasuon ntróu noâng anhia. <sup>16</sup> Lứq mpiq mpoaq, sểm ai, khỡi cuya, cóp yóu anhia ể chiau anhia pở at̄i cũai ể táq anhia. Bữn cũai tể tởp anhia, noau cachit. <sup>17</sup> Nheq tữh cũai kêt anhia cở tian anhia puai ngê cứq. <sup>18</sup> Ma sóc tâng plở anhia tở bữn pứt muoi ntreh ntróu. <sup>19</sup> Cở anhia chĩuq tanhữ níc, ngkĩq yuaq anhia bữn tamoong mantái.”

*Yê-su Atông Tể Noau Talốh Vil Yaru-salem  
(Mathia 24:15-21; Mac 13:14-19)*

20 “Toâq anhia hũm cứng tahan õt mpẽr vil Yaru-salem, ngkiq anhia dáng khoiq cheq noau ẽ talõh vil ki. 21 Bo ki, alói ca õt tâng cruang Yudê cóq lúh chõn õt tâng cóh ẽn. Alói ca õt tâng vil Yaru-salem cóq loõh tẽ vil. Cóp alói ca õt yáng tiah vil Yaru-salem cóq chõi chu noâng põ vil. 22 Tangái ki la tangái Yiang Sursĩ táq máh tốp I-sarel cõ tian alói tở trĩh, yõn cõt rapĩeiq máh santoiq noau khoiq chĩc tâng tâm saráq Yiang Sursĩ tẽ mbõq. 23 Tâng tangái ki tõi q bap lúq mansẽm õt mumiaq cóp mansẽm apu con. Yuaq tangái ki la túh coat lúq toâq põ cruang nâi, cóp Yiang Sursĩ táq máh cũai nâi. 24 Án ca noau poâiq toâq dau. Án ca noau cõp dũng táq sũl põ cruang canõh. Cóp máh cũai tở cõn cũai I-sarel ẽ talõh nheq vil Yaru-salem toau sõt dõi alói.”

*Yê-su Atõng Tẽ Con Yiang Cõt Cũai Toâq Loah  
(Mathia 24:29-31; Mac 13:24-27)*

25 “Vót ki, bũn tếc salẽh tâng moat mandang, rliang casâi, cóp máh mantõr hõ. Cóp tâng cutẽq nâi bũn sa-ũri cruang cũai sâng dót cóp ngcõh lúq cõ dõq murt lampóh cóp hõ casang lúq. 26 Cũai pút murt cõ alói sâng ngcõh, cóp alói croõq lúq yuaq máh ramứh túh coat toâq põ dũ cruang. Cóp máh ramứh bũn chóc tâng paloõng, Yiang Sursĩ táq yõn rachâu nheq. 27 Vót ki noau hũm Con Yiang Cõt Cũai toâq mpúng dĩ ramứl; án bũn chóc sõt toâr cóp roâp ang-ũr lúq. ✧ 28 Bo anhia hũm ramứh nâi toâq, anhia

✧ 21:27 21:27 Daniel 7:13

tayúng cốp tapoang achôn, yuaq cheq ẽ toâq Yiang Sursĩ chuai amoong anhia.”

*Parnai Sacâm Tẽ Aluang Tarúng  
(Mathia 24:32-35; Mac 13:28-31)*

<sup>29</sup> Chơ Yê-su atõng alói toâq parnai sacâm neq: “Anhia nhêng chu nỡm aluang tarúng cốp chu nỡm aluang canõh. <sup>30</sup> Toâq anhia hữm aluang lacúp sala, anhia dáng cheq ẽ toâq casâi phũac. <sup>31</sup> Machóng ki tê, toâq anhia hữm máh ranáq cứq atõng anhia sanua, anhia dáng Yiang Sursĩ táq sớt khoi q cheq ẽ toâq chơ. <sup>32</sup> Cứq atõng anhia samoât lứq, cũai tâng dõi nâi tở bữn cuchĩt nhũang tẽ máh ramứh nâi toâq. <sup>33</sup> Chumat, paloõng cốp cutẽq cõt pút nheq, ma santoiq cứq atõng tở nai pút.”

*Yê-su Atõng Cóg Kĩaq O Tở Bữm*

<sup>34</sup> “Cóg anhia kĩaq o tở bữm. Chõi yõn mút pahõm anhia yoc ẽ nguai q cha sa-ữi tở la bũl plêc; cốp chõi clong ngcõh ốq tâc cha tâng dõi tamoong anhia. Khân ngkíq, tâng tangái cứq toâq loah pở cutẽq nâi, ngcõh lơ anhia tở bữn chanchóm ntróu tẽ cứq toâq loah. Yuaq tangái ki cứq toâq chái lứq, samoât riang taho loaih. <sup>35</sup> Cốp tangái ki toâq pở dũ náq cũai tâng cốc cutẽq nâi. <sup>36</sup> Ngkíq cóq anhia nguang cốp coan níc tangái ki. Cóg anhia câu yõn anhia têq viaq vót tẽ ramứh túh coat ki, cốp câu yõn Con Yiang Cõt Cũai têq ngin anhia la cũai tanoang o yáng moat án tâng tangái án rablớh nheq tữh cũai.”

<sup>37</sup> Cu rangái Yê-su atỡng tâng Dống Sang Toâr, ma toâq sadâu án pỡq bẻq tâng dũal O-li-vê.  
<sup>38</sup> Toâq poang tarựp tẻ cláih bữn chửng cũai toâq pỡ Dống Sang Toâr ẻ tamứng Yê-su atỡng.

## 22

### *Cũai Sốt Chuaq Ngê Cachĩt Yê-su* *(Mathia 26:1-5; Mac 14:1-2; Yang 11:45-53)*

<sup>1</sup> Cheq ẻ toâq tangái tốp I-sarel Táq Rit Cha Bẻng Mi Ớq Cờng Pluoih, la tangái alới sanhữ loah Tangái Loõh.\* <sup>2</sup> Mách cũai sốt tốp tẻng rit sang Yiang Sursĩ cốp máh cũai yống rit, alới chuaq ngê ẻ cachĩt Yê-su. Ma alới ngcõh máh cũai proai.

### *Yuda Pruam Chẻq Chíq Yê-su* *(Mathia 26:14-16; Mac 14:10-11)*

<sup>3</sup> Bo ki yiang Satan mut tâng mút Yuda I-cari-ôt, la manoaq tẻ tốp muoi chít la bar náq rien tẻ Yê-su. <sup>4</sup> Chơ Yuda pỡq ramóh máh cũai sốt tốp tẻng rit sang Yiang Sursĩ cốp sốt cũai kĩaq Dống Sang Toâr. Án sarhống alới nỏq ẻ táq yõn bữn cốp Yê-su. <sup>5</sup> Mách cũai ki sâng ỡn lứq, cốp alới ữq chang práq yõn Yuda. <sup>6</sup> Yuda khoiạ pruam cốp alới; chơ án chuaq rana bo léq khẻ alới cốp Yê-su ma tỡ bữn chửng cũai ốt cheq Yê-su.

---

\* **22:1** 22:1 Tangái ki alới sanhữ tangái Yiang Sursĩ chuai yõn alới loõh tẻ cruang Ê-yip-tô tẻ mbỏq.

*Yê-su Ớt Cha Parnơi Cóp Tộp Rien Tễ Ấn  
(Mathia 26:17-25; Mac 14:12-21; Yang 13:21-30)*

<sup>7</sup> Tữ toàq Tangái Táq Rit Cha Bễng Mi Ớq Cờng Pluoih. Tangái ki cũai I-sarel cóq kiac charán cữu puai phễp rit Yiang Sursĩ atỡng yỗn sanhữ loah Tangái Loõh. <sup>8</sup> Ngkíq Yê-su ớn Phi-er cóp Yang neq: “Anhia pỡq tễng sana yỗn hái cha sanhữ loah Tangái Loõh.”

<sup>9</sup> Ma alới blớh Yê-su: “Ntốq aléq thài yỗn hếq pỡq thữan?”

<sup>10</sup> Chơ Yê-su atỡng alới neq: “Bo anhia mut tâng vil, anhia lứq ramóh manoaq samiàng ayếq aluoi dỡq. Anhia puai ntun cũai ki. Dống léq án mut, anhia mut dống ki tê. <sup>11</sup> Chơ anhia atỡng cũai ncháu dống ki neq: ‘Thài yoc ể blớh mới neq: Nléq clống tamoi? Tâng clống ki cứq yoc ể cha pêl bũi sanhữ Tangái Loõh cóp tộp rien tễ cứq.’ <sup>12</sup> Moâm ki án lứq sadoi muoi clống toâr tâng tran pỡng yỗn anhia. Clống ki bữn dũ nheq máh cớng tadống. Chơ anhia thữan tâng clống ki.”

<sup>13</sup> Chơ alới bar náq pỡq, cóp alới ramóh samoât máh Yê-su khoi q atỡng alới. Ngkíq alới thữan muoi pêl sanhữ Tangái Loõh. <sup>14</sup> Toàq ngư chi-cha, Yê-su tacu cóp tộp muoi chít la bar náq ayững atĩ án. <sup>15</sup> Chơ Yê-su atỡng alới neq: “Cứq yoc lứq ể cha nguai q cóp anhia dỏq sanhữ Tangái Loõh tễ nhũang cứq ramóh túh coat. <sup>16</sup> Cứq atỡng anhia samoât lứq, cứq tỡ bữn cha nguai q noàng cóp anhia riàng pêl nài, yỗn

toau cõt rapĩeiq máh ramúh noau sanhữ toâq noau cha nguaiq pêl nâi tâng tangái Yiang Sursĩ táq sôt.”

<sup>17</sup> Moâm Yê-su pai ngkíq, án ít cachoc dõq cốp sa-õn Yiang Sursĩ. Chơ án pai neq: “Anhia ít cốp tampẽq dõq nâi yõn anhia nguaiq. <sup>18</sup> Cúq atõng anhia samoât lúq, cúq tở bữn nguaiq noâng dõq palâi nho nâi toau toâq tangái Yiang Sursĩ táq sôt.”

<sup>19</sup> Án ít bẽng cốp sa-õn Yiang Sursĩ. Chơ án pĩh bẽng cốp avoi yõn alói. Cốp án pai neq: “Bẽng nâi la tở cúq, ca cúq chiau yõn anhia. Toâq anhia cha bẽng nâi, anhia sanhữ níc cúq.”

<sup>20</sup> Moâm alói cha, Yê-su táq machóng ki sĩa. Án ít cachoc dõq, chơ án pai neq: “Dõq nâi la aham cúq. Aham nâi loõh táq tể Yiang Sursĩ khoiq par-ữq parnai tamái cốp anhia.

<sup>21</sup> “Ma bữn manoaq tể anhia ca cha parnơi cốp cúq sanua, án lúq chẻq cúq. <sup>22</sup> Con Yiang Cõt Cũai cóq pỡq tâng rana Yiang Sursĩ anoat yõn án pỡq. Ma bap lúq toâq pỡ cũai ca chẻq án.”

<sup>23</sup> Chơ alói tabỏq manoaq blóh manoaq: “Noau toâp tể tốp hái ẽ táq ranáq nâi?”

### *Noau Toâr Hỡn Tâng Tốp Rien Tể Yê-su?*

<sup>24</sup> Alói tốp rien tể Yê-su rasuon ratuaq noau tâng tốp alói toâr hỡn tể canõh. <sup>25</sup> Yê-su atõng alói neq: “Tâng dõi nâi, máh cũai puo yoc lúq cũai proai cõt sũl alói. Cốp máh cũai bữn chóc, ẽq lúq noau khẽn alói, pai alói la cũai dõq chuai yóu. <sup>26</sup> Ma anhia chỏi táq ngkíq. Khân cũai aléq

tễ anhia ma yoc cõt toâr hõn, cóq án cõt samoât cũai cacót. Cóp án ca ẽ cõt sớt, cóq án hâu cũai canõh. <sup>27</sup> Anhia hũm cũai aléq toâr hõn, án ca tacu cha sâng, tở la án ca tềng crơng sana? Lứq án ca tacu cha ki toâr hõn. Ma cứq õt cóp anhia samoât cũai hâu sâng.

<sup>28</sup> “Tốp anhia la õt níc cóp cứq; bo cứq ramóh sa-ữi ốc túh coat, anhia tở bữn táh cứq. <sup>29</sup> Mpoaq cứq khoiq anoat yõn cứq cõt sớt. Machớng ki tê cứq anoat yõn anhia cõt sớt. <sup>30</sup> Cứq yõn anhia cha nguaiq parnõi cóp cứq bo cứq cõt sớt. Cóp cứq yõn anhia tacu rablớh nheq muoi chít la bar tốp cũai I-sarel.”

*Yê-su Atõng Nhũang Tễ Ranáq Phi-er Táq  
(Mathia 26:31-35; Mac 14:27-31; Yang 13:36-38)*

<sup>31</sup> “Ơi Si-môn, Si-môn! Yiang Satan khoiq sẽq ẽ bữn anhia. Án yoc ẽ táq túh coat anhia, ariang noau ùm nưo saro. <sup>32</sup> Ma cứq khoiq câu yõn mới, đởq mới tở bữn pút ốc sa-âm. Tữ mới sa-âm loah cứq, cóq mới chuai máh sễm ai mới, yõn alới sa-âm pacái lứq ẽn.”

<sup>33</sup> Ma Phi-er ta-õi Yê-su neq: “Ncháu ơi! Cứq ẽ pởq tê cóp Ncháu. Khân noau chóq tữ, tở la noau cachĩt, la cứq pruam cóp Ncháu.”

<sup>34</sup> Ma Yê-su atõng loah Phi-er neq: “Phi-er ơi! Nhũang ntruoi tở yũah tacar, mới lứq calõih cứq pái trõ.”

*Yê-su Patâp Ẽn Chóq Tốp Rien Tễ Án*



<sup>35</sup> Yê-su blóh tốp rien tễ án neq: “Bo cứq ớn anhia pớq ma cứq tở yỗn anhia dững tũi, tở la toai práq, tở la cởp, bo ki anhia óq ntróu tở?”

Alóí ta-ôi: “Hếq tở bữn óq ntróu.”

<sup>36</sup> Chơ Yê-su pai ễn neq: “Ma sanua cứq atỡng anhia neq: Aléq bữn tũi, yỗn án dững. Aléq bữn toai práq, yỗn án catoân. Aléq óq dau, yỗn án chéq au, chơ chỡng dau ễn. <sup>37</sup> Parnai Yiang Sursĩ atỡng tễ cứq neq:

‘Noau noap án la cũai lôih ariang cũai canốh tê.’<sup>✧</sup> Sanua cóq cởt rapĩeiq máh santiago ki pai tễ cứq. Cóp máh santiago canốh noau khoiq pai tễ cứq la cóq cởt rapĩeiq tê.”

<sup>38</sup> Tốp rien tễ Yê-su atỡng án neq: “Ncháu ơi! Nài! Khoiq bữn chơ bar pla dau.”

Chơ Yê-su ta-ôi: “Ờq. Péq chơ.”

### *Yê-su Câu*

*(Mathia 26:36-46; Mac 14:32-42)*

<sup>39</sup> Yê-su loốh tễ ntốq ki pớq chu dũal O-li-vê ễn, la ntốq án đốq pớq tễ nling. Cóp máh tốp rien tễ án pớq cóp án tê. <sup>40</sup> Tữ alóí toâq pớ ntốq ki, án atỡng tốp rien tễ án neq: “Cóc anhia câu chỏi yỗn noau radững anhia táq lôih.”

<sup>41</sup> Yê-su loốh tễ alóí bữn sám muoi chít achoang. Chơ án sacốh racól cóp câu. <sup>42</sup> Án câu neq: “Mpoaq ơi! Khân mới pruum, sẽq mới avĩaq máh ranáq ca ễn toâq pớ cứq. Ma Mpoaq chỏi puai rangứh cứq yoc, ma puai samoât Mpoaq sâng yoc.”

✧ 22:37 22:37 Ê-sai 53:12

43 Chơ bữn manoaq ranẽng Yiang Sursĩ tẽ paloong toađ pỡ Yê-su cớp chuai yõn mứt pahõm Yê-su rơi chĩuq máh ranáq túh coat ki.† 44 Yê-su sâng túh arúc lứq tâng mứt pahõm án. Chơ án câu nheq rangứh rahõ. Bữn pahữ looh tẽ tở án samoat riang aham tayỏq tâng cutẽq.

45 Tữ Yê-su yuor tẽ câu, án pỉh loah pỡ tốp rien tẽ án. Án hữm alóỉ bẻq, cõ alóỉ sâng lakéh lứq chanchóm sa-ũỉ óc ngua. 46 Yê-su blóh alóỉ: “Nỏq anhia bẻq? Cỏq anhia tamõ! Cớp cỏq anhia câu yõn vớt tẽ noau radũng anhia táq lỏih.”

*Noau Cớp Yê-su*

*(Mathia 26:47-56; Mac 14:43-50; Yang 18:3-11)*

47 Bo Yê-su noang atõng tốp rien tẽ án, bữn cứng cũai toađ parnỏi cớp Yuda, án la tẽ tốp muoi chít la bar náq rien tẽ Yê-su. Yuda ayông máh cũai cứng ki toađ pỡ Yê-su. Chơ án hữn Yê-su. 48 Ma Yê-su blóh Yuda neq: “Nỏq mới hữn cứq, Con Yiang Cốt Cũai? Mới ể chẻq cứq tỡ?”

49 Tữ tốp rien tẽ Yê-su hữm óc ntróu ể toađ, alóỉ blóh Yê-su: “Ncháu ời! Pỉeỉq tỡ, hẻq tráh alóỉ toađ dau?”

50 Cớp manoaq tẽ alóỉ tráh manoaq sũl cũai sớt nheq tẽ rit sang Yiang Sursĩ, ta-õh cutữ coah atoam.

51 Yê-su atõng alóỉ neq: “Chõỉ! Yõn alóỉ túng táq.”

Chơ án atót loah cutữ cũai ki yõn án cốt bán.

† 22:43 22:43 Bữn máh tâm saráq tẽ mbỏq tỡ bữn bữn rana 43 cớp 44 nài.

52 Chơ Yê-su pai chóc máh cũai sốt tốp tềng rit sang Yiang Sursĩ, máh tahan kĩaq Dổng Sang Toâr, cốp máh cũai sốt nheq sâu, alóí toâq cốp án neq: “Nốq anhia dững dau cốp cuan toâq cốp cúq samoât anhia ẽ cốp cũai savẽng? 53 Cu rangái cúq ốt cốp anhia tâng Dổng Sang Toâr ma anhia tở bữn táq ntróu chóc cúq. Ma tangái nâi anhia têq puai rangúh anhia bữm, la ngê canám.”

*Phi-er Calõih Yê-su*

*(Mathia 26:57-58, 69-75; Mac 14:53-54, 66-72; Yang 18:12-18, 25-27)*

54 Chơ alóí cốp Yê-su, cốp dững án toâq pở dổng cũai sốt nheq tể rit sang Yiang Sursĩ. Phi-er puai cutuaih ntun clĩ Yê-su. 55 Toâq alóí mut tâng nchõh dổng ki, alóí nhúq ùih. Chơ alóí tacu nghẽng ùih parnoì. Dếh Phi-er hữ nghẽng cốp alóí. 56 Ma bữn manoaq mansẽm táq ranáq tâng dổng ki hữm Phi-er tacu nghẽng ùih. Án cloân chu Phi-er, chơ án pai neq: “Cũai nâi ốt cốp Yê-su ki tê.”

57 Ma Phi-er calõih Yê-su. Án pai neq: “Mới chõi la amõq! Cúq tở dáng án ki.”

58 Chơ mahõĩ bar ẽn, toâq cũai canõh hữm Phi-er, cốp án pai neq: “Mới la tể tốp ki tê.”

Ma Phi-er ta-õĩ: “Cúq tở cõn tể tốp ki dáih!”

59 Vót ki ẽn, bữn muoi ngút, bữn manoaq samiang canõh sacoal Phi-er. Án pai: “Lúq samoât cũai nâi ốt cốp Yê-su, yuaq án la cũai Cali-lê tê.”

<sup>60</sup> Ma Phi-er ta-õi: “Cứq tở dáng ntróu mới pai.”

Bo Phi-er noâng pai ngkiq, ntruoi tacar toâp.

<sup>61</sup> Chơ Yê-su luliaq nhêng chu Phi-er. Cớp Phi-er sanhữ loah tễ Yê-su khoi q pai chỏq án neq: “Tễ ntruoi tở yũah tacar, mới calõih cứq pái trồ.”

<sup>62</sup> Chơ Phi-er loõh tễ ki cớp án nhiam la-õq lứq.

*Noau Ayê Ra-ac Yê-su*

*(Mathia 26:67-68; Mac 14:65)*

<sup>63</sup> Alói ca cớp Yê-su ayê ra-ac án cớp toân án.

<sup>64</sup> Alói tán moat án, chơ pai neq: “Âu mới pai, mới ca tang bỗq Yiang Sursĩ, noau chooc mới.”

<sup>65</sup> Cớp sa-ũi ramứh canõh alói acrieiq asáh án.

*Yê-su Ớt Yáng Moat Mách Cũai Sốt Tộp I-sarel*

*(Mathia 26:59-66; Mac 14:55-64; Yang 18:19-24)*

<sup>66</sup> Toâq poang tarựp, máh cũai sốt nheq sâu, máh cũai sốt tộp tễng rit sang Yiang Sursĩ, cớp máh cũai yống rit, alói toâq rôm parnoi. Noau dững Yê-su toâq pỡ alói. Chơ alói blóh án neq:

<sup>67</sup> “Khân mới la lứq Crít, cóq mới atõng hếq.”

Ma Yê-su ta-õi alói neq: “Khân cứq atõng anhia, la anhia tở bữn noap cứq mỗ. <sup>68</sup> Cớp khân cứq blóh anhia, la anhia tở bữn ta-õi cứq mỗ.

<sup>69</sup> Ma tễ nâi chumát cứq, Con Yiang Cõt Cũai, lứq ớt tacu coah atoam Yiang Sursĩ Sốt Toâr Lứq.”☆

<sup>70</sup> Chơ nheq tữh alói blóh án: “Mới la lứq Con Yiang Sursĩ tở?”

Yê-su ta-õi neq: “Lứq pñei q ariang anhia pai.”

☆ **22:69** 22:69 Ớt Khẽn 110:1

71 Chơ alóí pai neq: “Choam hái ẽ blóh noâng cūai canóh. Hái sâng tẽ bõq án toáp pai, la péq chơ.”

## 23

*Yê-su Ớt Yáng Moat Phi-lat*

*(Mathia 27:1-2, 11-14; Mac 15:1-5; Yang 18:28-38)*

<sup>1</sup> Bo ki nheq tốp alóí ca sarhống ẽ dững asuoi Yê-su pỡ Phi-lat.\* <sup>2</sup> Pỡ ntốq ki alóí cauq apót Yê-su neq: “Hếq ramóh cūai nâi radững cūai tâng cruang hái táq tỡ p̄ieiq. Án pai neq: ‘Anhia chõỉ muap práq thẽq yõn puo cūai Rô-ma.’ Cóp án pai án toáp la Crít, puo cūai I-sarel.”

<sup>3</sup> Phi-lat blóh Yê-su: “Lứq ma tỡ bữn mới la puo cūai I-sarel?”

Yê-su ta-õỉ án: “Lứq p̄ieiq ariang mới pai.”

<sup>4</sup> Chơ Phi-lat atõng máh cūai sốt tốp tẽng rit sang Yiang Sursĩ, cóp máh cūai proai neq: “Cứq tỡ bữn ramóh muoi ốc lôih n̄rấu tẽ cūai nâi.”

<sup>5</sup> Ma alóí ớn níc Phi-lat yõn táq Yê-su. Alóí pai neq: “Tẽ dâu lứq cūai nâi pỡq cachúc tâng cruang Cali-lê. Moâm ki án pỡq cachúc pláh cruang Yudê. Sanua án toáq cachúc pỡ nâi ẽn.”

<sup>6</sup> Từ Phi-lat sâng alóí pai án tẽ cruang Cali-lê, án blóh alóí, Yê-su la cūai Cali-lê, ma tỡ bữn.

<sup>7</sup> Chơ toáq Phi-lat dáng Yê-su lứq cūai Cali-lê, án dáng cūai ca sốt Yê-su la puo Hê-rôt. Chơ án ớn noau dững Yê-su pỡ Hê-rôt, yuaq tangái ki Hê-rôt ớt tâng vil Yaru-salem tê.

---

\* **23:1** 23:1 Phi-lat la manoaq cūai Rô-ma, án táq sốt chũop cruang Yudê.

*Yê-su Ôt Yáng Moat Puo Hê-rôt*

<sup>8</sup> Tữ Hê-rôt hữm Yê-su, án ỡn lứq. Khoi q dũn lứq chơ án yoc ẽ ramóh Yê-su, yuaq án khoi q sâng sa-ũi ramứh noau atỡng tẽ Yê-su. Cóp án yoc ẽ hữm Yê-su táq ranáq salẽh. <sup>9</sup> Chơ án blớh Yê-su sa-ũi ớc. Ma Yê-su tở bữn ta-ỡi án muoi ớc ntrớu. <sup>10</sup> Máh cũai sớt tốp têng rit sang Yiang Sursĩ, cóp máh cũai yống rit, alới tayúng cauq cutóh níc Yê-su. <sup>11</sup> Chơ Hê-rôt cóp tahan án táq Yê-su samoat bỡ sanẽh. Cóp alới ra-ac án. Alới asóp án au tuar samoat puo đốq sớp. Chơ alới yỗn noau asuoi loah án pỡ Phi-lat. <sup>12</sup> Tẽ tangái ki Hê-rôt cóp Phi-lat cõt ratoi loah, yuaq tẽ nhũang alới ra-ũan.

*Noau Rườh Yê-su Cóq Cuchĩt*

*(Mathia 27:15-26; Mac 15:6-15; Yang 18:39-19:16)*

<sup>13</sup> Chơ Phi-lat parỏm loah máh cũai sớt tốp têng rit sang Yiang Sursĩ, máh cũai sớt, cóp máh cũai proai; <sup>14</sup> cóp án pai chóq alới neq: “Anhia dũng cũai nâi toâq pỡ cứq, anhia pai án radũng cũai táq tỡ pĩeiq. Ma cứq khoi q blớh án yáng moat anhia, cóp cứq tỡ bữn ramóh muoi ớc lỏih ntrớu án táq samoat anhia cauq án. <sup>15</sup> Cóp Hê-rôt la tỡ bữn ramóh lỏih ntrớu tẽ; yuaq ngkíq án dũng loah cũai nâi pỡ cứq. Tỡ bữn ramứh ntrớu án táq ma cóq roap tột cuchĩt. <sup>16</sup> Ngkíq cứq ẽ toân án, chơ cứq acláh.”

<sup>17</sup> Puai rit tâng tangái cha bũi ki, Phi-lat cóq acláh manoaq cũai tũ.† <sup>18</sup> Ma máh cũai clứng

† 23:17 23:17 Bữn máh tâm saráq tẽ mbóq tỡ bữn bữn rana 17 nâi.

ki pai muoi próh casang lúq neq: “Dững cachĩt chíq án nài! Acláh yõn hếq Ba-raba!”

<sup>19</sup> Ba-raba nài la cũai noau khoi q chók tâng cuaq tũ yuaq án cachúc cũai tâng vil ki, cốp án khoi q cachĩt cũai hỡ. <sup>20</sup> Phi-lat yoc lúq acláh Yê-su; chơ án pai loah chók cũai cứng ki. <sup>21</sup> Ma alói pai casang lúq ẽn: “Téh án tâng aluang sangcáng! Téh án tâng aluang sangcáng!”

<sup>22</sup> Chơ Phi-lat blóh sĩa alói cõt pái trỗ neq: “Ntróu anhia hũm án táq lôih? Cúq tở bữn ramóh ọc ntróu ma têq cachĩt án. Ngkíq cúq toãn án, chơ acláh.”

<sup>23</sup> Ma alói ớn níc Phi-lat, cốp alói pai casang lúq yõn téh Yê-su tâng aluang sangcáng. Chơ máh parnai alói cõt blẽng lúq. <sup>24</sup> Ngkíq Phi-lat yõn noau táq ariang alói sếq. <sup>25</sup> Cốp án acláh Ba-raba yõn alói, riang alói khoi q sếq tễ adóh. Ba-raba cõt tũ yuaq án cachúc cũai tâng vil ki, cốp án khoi q cachĩt cũai hỡ. Ma Phi-lat chiau Yê-su yõn alói; alói ẽ táq nõq la tam alói.

*Noau Téh Yê-su Tâng Aluang Sangcáng  
(Mathia 27:32-44; Mac 15:21-32; Yang 19:17-37)*

<sup>26</sup> Bo alói dững aloõh Yê-su tễ vil, alói ramóh manoaq ramúh Si-môn tễ cruang Si-rên chu tễ yáng tiah vil. Alói cốp án, cốp ớn án dõl aluang sangcáng Yê-su. Chơ án puai coah cũ Yê-su.

<sup>27</sup> Bữn cứng lúq cũai puai Yê-su. Bữn dếh mansẽm hỡ puai án, cốp alói nhiam atếh. <sup>28</sup> Ma Yê-su luliaq chu cũ; chơ án pai chók alói neq: “Mansẽm tễ vil Yaru-salem ơi! Anhia chõi nhiam

tễ cứq. Ma anhia nhiam yỗn tỗ anhia cớp con acái anhia bữm. <sup>29</sup> Nỡ-ra lứq toâq tangái noau ễ pai neq: ‘Bốn lứq cũai cứt cớp cũai tỡ nai canốt con. Cớp bốn lứq cũai bữn tóh, ma tỡ nai apu con.’ <sup>30</sup> Tangái ki alớ ễ sễq tễ cóh neq: ‘Cóh ời! Anhia ralíh catết chíq hếq!’

“Cớp alớ ễ sễq tễ máh dũal neq: ‘Máh dũal ời! Anhia pul culúp chíq hếq.’” ✧

<sup>31</sup> Chơ Yê-su sacâm ễn neq: “Khân aluang ramoong ma noau poâiq táh, ki nốq ễn noau ễ táq chốq aluang roỏh?” ‡

<sup>32</sup> Cớp noau dững bar náq cũai lôih, ễ cachít alớ ki parnời cớp Yê-su tê. <sup>33</sup> Tữ alớ toâq pỡ ntốq noau đốq Ntốq Nghang Cantar Plờ, ntốq ki toâp noau cachít pái náq ki, téh alớ tâng aluang sangcáng. Yê-su noau téh tâng aluang sangcáng mpững dĩ. Ma bar náq cũai lôih ki, noau téh manoaq coah atoam, manoaq coah avêr Yê-su.

<sup>34</sup> Chơ Yê-su pai neq: “Mpoaq ời! Sễq Mpoaq táh lôih alớ ca táq cứq, yuaq alớ tỡ bữn dáng ntrầu alớ táq.”

Chơ máh tahan tampễq tampác Yê-su na séng anhúq, aléq bữn la thối. <sup>35</sup> Bữn cũai sốt ốt tayứng parnời cớp máh cũai proai yoc ễ nhêng Yê-su. Máh cũai sốt ki ayê ra-ac Yê-su neq: “Cũai canốh ki têq án chuai amoong. Khân án lứq Crít, án ca Yiang Sursĩ rườh, sanua yỗn án chuai amoong tỡ án bữm.”

✧ **23:30** 23:30 Hô-sĩa 10:8; Sapáh Baih 6:16 ‡ **23:31** 23:31 Yê-su sacâm án la samoât aluang ramoong, ma alớ ki la samoât aluang roỏh.



<sup>36</sup> Dềnh máh cũai tahan ayê ra-ac án tê. Alói avới yỗn án nguaiq blống chong, <sup>37</sup> Cóp alói pai neq: “Khân mới lứq puo cũai I-sarel, âu mới chuai amoong tổ mới bữm.”

<sup>38</sup> Chơ noau chĩc đợq tâng pian pỡng plữ Yê-su neq: CŨAI NÂI LA PUO CŨAI I-SAREL.

<sup>39</sup> Alói bar nắq ca noau téh parnơi cóp Yê-su, án ca manoaq ki pai atũl Yê-su neq: “Khân mới lứq Crĩt, âu mới chuai amoong tổ mới, cóp chuai amoong hếq hồ.”

<sup>40</sup> Ma án ca manoaq ẽn sươq cũai ca pai ngkĩq neq: “Nốq mới tở bữn ngcõh Yiang Sursĩ táq mới? Mới cóp án ki noau táq machớng nheq.

<sup>41</sup> Hái la pĩeiq lứq noau táq, yuaq noau carláh đợq loah tể máh ranắq hái khoiq táq. Ma án, án tở bữn táq lôih ntróu.”

<sup>42</sup> Chơ cũai ca sươq ki pai chóq Yê-su neq: “Yê-su ơi! Toáq mới cõt sốt nõ-ra, sếq mới chõĩ khlĩr cứq.”

<sup>43</sup> Chơ Yê-su ta-õĩ án neq: “Cứq atõng mới samoát lứq, tangái nâi toáp mới bữn ỡt cóp cứq tâng cruang ien khẽ tâng paloõng.”

### *Yê-su Cheq Ta-õh Rangứh*

*(Mathia 27:45-56; Mac 15:33-41; Yang 19:28-30)*

<sup>44</sup> Bo moat mandang ẽ cuvõ toàng, cõt canám chũop nheq cruang ki, toau toáq mandang priang. <sup>45</sup> Moat mandang cõt pứt chíq, cóp aroáiq noau catáng tâng Dống Sang Toár chống

raháq cõt bar sarẽc. <sup>46</sup> Yê-su u-õi casang lúq neq: “Mpoaq oi! Cúq pachúh raviei cúq põ mới.”✧

Toâq án tangút pai, chơ ta-õh toâp rangúh án.

<sup>47</sup> Bữn manoaq sôt muoi culám náq tahan, án hữm máh ranáq nâi. Án khễn Yiang Sursĩ, cốp án pai neq: “Lúq samoât cũai nâi la cũai tanoang o.”

<sup>48</sup> Nheq tữh cũai rôm cheq ki sâng ngua lúq. Chơ alói chu nheq chu đống alói. <sup>49</sup> Máh cũai sarcoal Yê-su cốp máh mansẽm ca puai án tẽ cruang Cali-lê, alói ốt yơng-yơng, tapoang nhêng máh ranáq noau táq chók Yê-su.

*Noau Túp Yê-su*

*(Mathia 27:57-61; Mac 15:42-47; Yang 19:38-42)*

<sup>50</sup> Bữn manoaq ramúh Yô-sep tẽ tốp sôt cũai I-sarel. Án la cũai o cốp tanoang lúq. <sup>51</sup> Án tở bữn pruam cốp tốp sôt bo alói táq Yê-su. Án la tẽ cruang Yudê, vil Ari-mathê. Cốp án nguang Yiang Sursĩ táq sôt. <sup>52</sup> Án pởq chu Phi-lat cốp sêq cumuiq Yê-su. <sup>53</sup> Chơ án toâq alíh cumuiq Yê-su tẽ aluang sangcáng. Án som toâq aroâiq, cốp án túp tâng ping noau tọc tâng tamáu. Ping ki noau tở yũah túp cũai. <sup>54</sup> Tangái ki la noau thữan cheq ẽ toâq Tangái Rlu.

<sup>55</sup> Máh mansẽm ca puai Yê-su tẽ cruang Cali-lê pởq tapun Yô-sep cốp nhêng ping Yê-su. Alói hữm noau chók cumuiq Yê-su tâng ping. <sup>56</sup> Moâm ki alói chu pở đống. Alói thữan cớng

✧ **23:46** 23:46 Ủat Khễn 31:5

puom yoc ẽ chók tâng cumuiq Yê-su. Cóp toâq Tangái Rlu, alóí rlu tê puai ốc Yiang Sursĩ khoiq patáp.

## 24

### *Yê-su Tamoong Loah*

*(Mathia 28:1-10; Mac 16:1-8, 12-13; Yang 20:1-10)*

<sup>1</sup> Tâng tangái muoi tâng tón ntun, tẽ cláih lúq máh mansẽm ki pốq chu ping Yê-su. Alóí dững máh crong puom alóí khoiq thữan đốq. <sup>2</sup> Alóí hữm tamáu catáng ngoah ping ki khoiq noau vih aloõh. <sup>3</sup> Ma toâq alóí mut tâng ping ki, alóí tở bữn hữm noâng cumuiq Yê-su. <sup>4</sup> Alóí ốt tayúng ngki cồ sâng dốt lúq. Ma bo ki toáp alóí hữm bar nác samiang sóp au cloc lúq sarbal dểh moat. <sup>5</sup> Máh mansẽm ki sâng ngcõh lúq, chơ alóí ngũq mieiq alóí chu cutẽq. Ma samiang ki pai chók alóí neq: “Nốq anhia chuaq cũai tamoong tâng ntốq nâi? Ntốq nâi noau đốq ống cũai cuchĩt. <sup>6</sup> Án ca anhia chuaq, án tở bữn ốt nnâi; án khoiq tamoong loah chơ. Anhia sanhữ nốq án pai chók anhia bo án noâng ốt cốp anhia tâng cruang Calilê. <sup>7</sup> Án pai neq: ‘Con Yiang Cốt Cũai cóq toâq pở atĩ cũai sâuq. Chơ alóí cachĩt án, téh án tâng aluang sangcáng. Ma catâm tangái pái án yuor tamoong loah.’ ”

<sup>8</sup> Ngkíq mansẽm ki sanhữ loah tẽ máh parnai Yê-su khoiq atõng. <sup>9</sup> Chơ alóí chu tẽ ping. Alóí atõng nheq máh ramứh nâi yõn tốp muoi chít la muoi noaq rien tẽ Yê-su dáng. Cóp alóí atõng

yõn nheq máh cũai canõh dáng tê. <sup>10</sup> Mansẽm ca atõng ramứh nài yõn tốp ayững atĩ Yê-su dáng la Mari, tẽ vil Mac-dala, Yô-ana, cốp Mari mpiq Yacõ. Cốp bữn mansẽm canõh hữ pỡq cốp alói. <sup>11</sup> Ma tốp rien tẽ Yê-su tỡ bữn noap parnai mansẽm ki pai. Alói chanchóm mansẽm ki atõng tư sâng.\* <sup>12</sup> Ma Phi-er yuor tayững. Án lủh toáp pỡ ping Yê-su. Án ngũq talẽn chu ping, chơ án hữm ống aroaiq miat tâng ping ki. Chơ án chu, cốp án dót lủq tâng mút án tẽ ranáq nài.

<sup>13</sup> Tangái ki toáp bữn bar náq yóu Yê-su pỡq tâng rana chu vil Êm-ma-ut. Vil ki yong tẽ vil Yaru-salem mán muoi chít la muoi ki-lô-mết. <sup>14</sup> Bo alói pỡq, alói manoaq táq ntõng cốp manoaq tẽ máh ốc alói sâng noau pai tẽ Yê-su. <sup>15</sup> Bo alói noâng táq ntõng ngkíq, Yê-su toáp pỡq saponq cốp alói. <sup>16</sup> Ma moat alói tỡ bữn sacoa Yê-su. <sup>17</sup> Yê-su blóh alói: “Ốc ntróu anhia ratoai tẽ adóh, manoaq táq ntõng cốp manoaq?”

Chơ alói tangứt cốp moat múh alói ngua lủq.

<sup>18</sup> Manoaq tẽ bar náq ki, ramứh Clêu-ba, blóh neq: “Nóq mới la tamoi tâng vil Yaru-salem, ma mới tỡ bữn dáng ntróu noau táq bar pái tangái nài?”

<sup>19</sup> Yê-su blóh: “Ramứh ntróu noau táq?”

Chơ alói atõng án neq: “Máh ramứh tẽ Yê-su, cũai tẽ vil Na-sarết. Án la cũai tang bỗq Yiang Sursĩ. Salẽn lủq máh ranáq án táq cốp blêng lủq parnai án pai yáng moat Yiang Sursĩ cốp nheq

\* **24:11** 24:11 Sa-ữi tâm saráq tẽ mbóq tỡ bữn bữn rana 11 nài.

từh cũai. <sup>20</sup> Ma máh cũai sớt tồp tểng rit sang Yiang Sursĩ, cớp máh cũai canõh ca sớt hếq, alớ cachĩt án, téh án tâng aluang sangcáng. <sup>21</sup> Ma bo ki, hếq chanchóm án la cũai Yiang Sursĩ rườh đốq chuai amoong cũai I-sarel. Sanua khoiq pái tangái nâi chơ tể máh ranáq ki cõt. <sup>22</sup> Cớp bữn mansẽm tâng tồp hếq táq ntõng yõn hếq sâng dót lứq. Alớ ki pỡq tể cláih lứq pỡ ping Yê-su, <sup>23</sup> ma alớ tỡ bữn ramóh cumuiq Yê-su. Chơ alớ toâq pỡ hếq cớp pai alớ hữm ranẽng Yiang Sursĩ, cớp ranẽng ki atõng alớ pai Yê-su khoiq tamooong loah chơ. <sup>24</sup> Bữn cũai canõh tể tồp hếq pỡq chu ping ki. Cớp alớ hữm samoât máh mansẽm ki atõng tê, ma alớ tỡ bữn hữm Yê-su.”

<sup>25</sup> Chơ Yê-su atõng alớ ki neq: “Anhia la sacũl lứq, cớp cro lứq anhia sa-âm máh parnai cũai tang bỗq Yiang Sursĩ khoiq atõng tể mbỗq. <sup>26</sup> Nốq anhia tỡ bữn dáng Crĩt cóq chũuq ốc túh coat nâi, ki nốq án bữn chớc toâr lứq?”

<sup>27</sup> Chơ Yê-su ruaih loah yõn alớ dáng nheq tể máh tâm saráq Yiang Sursĩ pai tể án, tể santoiq Mõi-se chĩc yõn toau toâq nheq parnai cũai tang bỗq Yiang Sursĩ atõng.

<sup>28</sup> Cheq alớ ẽ toâq vil alớ yoc ẽ õt, ma Yê-su ẽ pỡq luat vil ki. <sup>29</sup> Ma alớ catoâng án, pai neq: “Sếq mới õt cớp hếq voai. Khoiq tabữ chơ, cheq ẽ sadâu.”

Ngkíq Yê-su mut õt cớp alớ. <sup>30</sup> Toâq alớ tacu chi-cha, Yê-su ỉt bẽng, cớp án sa-õn Yiang Sursĩ. Chơ án pĩh bẽng cớp avoi yõn alớ cha. <sup>31</sup> Bo ki

alóí sanhữ cớp sacoal Yê-su. Chơ sarbiet toập Yê-su. Alóí tở hữm án noâng. <sup>32</sup> Alóí manoaq pai chók manoaq neq: “Lúq ma tở bữn, mút pahõm hái sâng bũi õn apũol bo án táq ntõng cớp hái tangái nâi tâng rana, cớp bo án aloõh yõn hái parnai Yiang Sursĩ?”

<sup>33</sup> Chơ alóí bar náq yuor toập cớp pih chu loah pở vil Yaru-salem. Alóí ramóh tốp muoi chít la muoi noaq rien tễ Yê-su õt rôm parnơi cớp cũai canõh. Ngkíq alóí bữn sâng tê máh tốp rôm ki táq ntõng, neq: <sup>34</sup> “Lúq samoât Ncháu hái tamong loah! Si-môn khoiq ramóh án chơ.”

<sup>35</sup> Chơ bar náq ki ẽn atõng alóí ca rôm ngki tễ máh ranáq alóí khoiq hữm tâng rana, cớp tễ alóí sacoal Yê-su bo án pih bẽng.

### *Yê-su Toạq Loah Pở Tốp Rien Tễ Án*

*(Mathia 28:16-20; Mac 16:14-18; Yang 20:19-23)*

<sup>36</sup> Noâng alóí táq ntõng ngkíq, cutõ Yê-su palooh mpúng dĩ alóí. Cớp án pai chók alóí neq: “Anhia õt ien khẽ.”

<sup>37</sup> Ma alóí ngcõh lúq cớp cangcoaih, yuaq alóí chanchóm cumuiq Yê-su palơ alóí. <sup>38</sup> Chơ Yê-su blóh alóí neq: “Nỏq anhia ngcõh? Cớp nỏq anhia cọng tâng mút anhia? <sup>39</sup> Anhia nhêng chu ayũng atĩ cứq. Lúq cutõ cứq toập. Cớp anhia pỏq satoaq chim cứq, chơ anhia dáng cũai, yuaq cumuiq tở bữn bữn sâiq cớp nhang riang cứq.”

40 Moâm Yê-su pai ngkiq, án apáh yõn alói nhêng ayũng atĩ án.† 41 Alói noâng tở yũah noap, cõ alói sâng bũi la-õq cõp dõt lứq. Ngkiq Yê-su pai chók alói neq: “Anhia bũn tở bũn crơng sana tâng nãi?”

42 Alói yõn pở án muoi béq sĩaq áng. 43 Chơ án ít cha yáng moat alói toáp.

44 Cõp Yê-su pai chók alói neq: “Nheq máh ọc nãi cúq atõng pở anhia bo cúq noâng õt cõp anhia. Cúq khoi q atõng anhia, cóq cõt rapĩei q máh parnai Yiang Sursĩ atõng tễ cúq tễ mbỏq tâng phễp rit Mũi-se, tâng parnai cũai tang bỗq Yiang Sursĩ pai, cóq tâng tâm saráq Parnai Ủat Khễn Yiang Sursĩ hỡ.”

45 Chơ án atõng yõn alói sapủh samoat lứq tễ máh parnai Yiang Sursĩ. 46 Án atõng alói neq: “Khoi q noau chĩc chơ tễ Crĩt cóq án chĩu q sa-ũĩ ọc túh coat, cóp noau cachĩt án, ma catâm tangái pái án tamoong loah tễ cuchĩt. 47 Cõp nhỡ tễ ramứh án, cóq atõng yõn dũ cruang dáng, cũai cóq ngin lũi h lêq cõt mút tamái ễn, dỏq têq Yiang Sursĩ táh lũi alói. Dâu lứq cóq atõng tâng vil Yaru-sale m. 48 Anhia toáp cúq yõn dũng parnai nãi. 49 Cúq toáp yõn anhia bũn máh ramứh Mpoaq cúq khoi q ữq yõn anhia. Ma cóq anhia acoan tâng vil Yaru-sale m voai, yõn toau anhia bũn Raviei Yiang Sursĩ sễng õt cõp anhia.”

---

† 24:40 24:40 Sa-ũĩ tâm saráq tễ mbỏq tở bũn bũn rana 40 nãi.

*Yê-su Chỗn Loah Chu Paloống*  
(Mac 16:19-20)

<sup>50</sup> Chơ Yê-su dững alới loõh tễ vil ki toâq pỡ vil Bê-thani ễn. Án sacỡ bar coah atĩ cớp pai ốc bốn yõn alới. <sup>51</sup> Bo án noâng pai ốc bốn yõn alới, án loõh tễ alới chỗn loah chu paloống. <sup>52</sup> Alới sang Yê-su; chơ alới chu loah pỡ vil Yaru-salem. Alới sâng bũi lứq. <sup>53</sup> Alới pỡq níc chu Dống Sang Toâr đốq khễn cớp sa-ỡn Yiang Sursĩ.



**Parnai Yiang Sursĩ - Kinh Thánh tiếng Bru  
Bru, Eastern: Parnai Yiang Sursĩ - Kinh Thánh tiếng  
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 21 Feb 2024 from source  
files dated 29 Jan 2022

2f74bcbe-d4f1-5386-8c30-29d0147bb706